

Hutarieka mieme xapa Te'aitamete

Yawé kemutayi 'Ukutsiyaxi hetsiemieme

¹ Merikite 'arike 'Akawi 'umiku, Muhawitsixi 'Ixaheritsixi mewaraye'unieti mekanakine.

² 'Ukutsiyaxi katiniuka'eniwakaitini, yuparat-siyutsie wapaiti neniereme 'etsimayewatsie hakaweka Tsamariya muwetsie, hiki hipame kaniwarutani'ani yuni'arima mipai katiniwarutahiawe: «Xekenehu xekene'iwawiyayu Wahari-Tsewu, kakaiyari 'Ekuruni kiekariyaritsie mewe, xika ne'anayewemikititi kenemitiuka'eniwa yanemiretimaniki».

³ Peru Yawé niuki tuayameya, 'Eriyaxi mipai katiniutahiawe Titsiwe kiekame: «Kenemie keniwaranukunaki ti'aitame Tsamariya kiekame ni'arimama mipai ketiniwaretahiawi: “Neuxei xeme, ¿ketitayari kakaiyari 'Ekuruni mewe Wahari-Tsewu xeteheu'iwawiyayu? ¿Tiumawe kuta Kakaiyari 'Ixaheri kwieyaritsie?”

⁴ Neuxei, Yawé mipai kanaineni: “Pepika'anukukeniri 'a'itaritsie petikuyeti, matsi pekanimimiki xeikiari”».

Hiki 'Eriyaxi mipai katinikayani,

⁵ kepauka ti'aitame ni'arimama memakunuaxia, ti'aitame mipai katiniwaruta'iwawiya:

—Kehepaititiri. ¿Yapauka xetehakunuaxia?

⁶ Miki mipai mekatenita'eiya:

—Neuxei tewi pītatsi'anukunakixi mipai pītarahiawekai, ti'aitame hetsia teke-hakunuaxianike mitatsi'utani'a hetsia mipai tekemete'utahiaweke: “Yawé mipai paine: ‘¿Ketitayari petiutani'a mita'iwawiyarieniki Wahari-Tsewu kakaiyari 'Ekuruni kiekariyaritsie mewe? ¿Tiumawe kuta Kakaiyari 'Ixaheri kwieyaritsie? Neuxei, pepika'anukukeniri 'a'itaritsie petikuyeti, matsi pekanimimiki xeikiari’ ”.

⁷ Ti'aitame mipai katiniwaruta'iwawiya:

—¿Miki tewi mixe'anukunakixi kehe'aneikai miya mixerahiawekai?

⁸ Miki mipai mektenita'eiya:

—Yeutari wahuxari kamixayari panakatikikai, meta nawi hiyameyariki payuhiaikai.

Hiki mipai ti'aitame kaniutayini:

—Mikitsi 'Eriyaxi kaneyianekaitini Titsiwe kiekame.

⁹ Merikite 'ana xeime kaniutani'ani kuyaxi tiwa'aitiwame warawitikime huta tewiyari heimana tamamata kuyaxi memikuwauniki. Kuyaxi wa'ukiyari 'Eriyaxi kanikuwauni, hiki yemiritsie kanitaxeiya mana 'akaime.

Mipai katinitahiawe:

—Tewi Kakaiyari hetsia pemimieme, ti'aitame mipai kanaineni kenakaye'a.

¹⁰ 'Eriyaxi mipai katinita'eiya:

—Xika ne tewi Kakaiyari hetsia nemimetini, tai ke'ukaxirieni muyuawitsie mieme, hiki 'eki meta yunaime 'akuyaxima huta tewiyari heimana tamamata memiyupaime kexe'utixitsitiani.

Hiki yapauka tai muyuawitsie mieme niukaxirieni, kuyaxi tiwa'aitiwame kaniutaxitsitarieni meta kuyaximama.

¹¹ Hiki ti'aitame hutarieka xeime kuyaxi tiwa'aitiwame kaneni'ani, hepaina meyupaimeme kuyaxi warawitikime 'Eriyaxi miwaumieki.

Hiki mipai katinitahiawe:

—Tewi Kakaiyari hetsia pemimieme, ti'aitame mipai kanaineni xeiya kenakaye'a.

¹² 'Eriyaxi mipai katini'eiya:

—Xika ne tewi Kakaiyari hetsia nemiemetini, tai muyuawitsie mieme ke'ukaxirieni, kematsi'utaxitsitiani meta 'akuyaxima huta tewiyari heimana tamamata memiyupaimeme.

Hiki tawarita, tai Kakaiyari hetsia mieme kaniukaxirieni muyuawitsie kakananeni hiki kuyaxi tiwa'aitiwame kaniutataiya meta kuyaximama.

¹³ Hairieka ti'aitame xeime kuyaxi tiwa'aitiwame kaneni'ani yaxeikia huta tewiyari heimana tamamata kuyaxi warawitikime. Kepauka 'iki kuyaxi tiwa'aitiwame munua hakewa 'Eriyaxi mekatei, hixiena kaniukatunumakeni meta mipai katinitawawirieni:

—Tewi Kakaiyari hetsia pemimieme, neuxei kwerietinepimatsiwawirie netukari hetsiemieme meta 'iki huta tewiyari heimana tamamata mate'uximayatsiriwamete wahetsiemieme, pepikatatsikukukuyani.

¹⁴ Mipai nepitimate tai muyuawitsie mieme pukaxiri meta puwarutixitsitia miki yuhutame kuyaxi tewa'aitiwamete meta wakuyaxima.

'Ayumieme hiki nepimatsiwawirie netukari pemireuyehiwirieniki.

¹⁵ Niuki tuayame Yawé hetsia mieme 'Eriyaxi mipai katiniutahiawe: «Miki hamatia kenemie, hawaiki pepika'imakaka». 'Ayumieme 'Eriyaxi kananukukeni, hiki kuyaxi wa'ukiyari hamatia kaneyani ti'aitame hetsia miye'aniki,

¹⁶ 'ipai katinitahiawe:

—Yawé mipai kanaineni: “Ani'arima pepiwareni'a Wahari-Tsewu memeta'iwawiyaki kepemiyini, kakaiyari 'Ekuruni kiekariyaritsie mewe hetsia. ¿Kamitsi Kakaiyari tiumawe 'Ixaheri kwieyaritsie miki pemita'iwawiyaki? 'Ayumieme miya pemitiuyuriki, 'a'utatsie pepika'anukukeniri petikuyeti matsi pekanimimiki xeikiari”.

¹⁷ Mipai ti'aitame katiniumini, Yawé niukieya kemainekai 'Eriyaxi yarahiawekaku.

'Ukutsiyaxi türi mikawarayexeiki, 'iwaya Kurami kanitsutiani hetsiena mieme ti'aitati. Miki katiniuyini hutarieka wiyari Kurani Kutsapati nu'aya Kura kwieyaritsie ti'aitakaku.

¹⁸ Tawarita kemitiuyi 'Ukutsiyaxi ti'aitakaku, naiti katinaka'utarieni, kemitiuyi xapayaritsie 'Ixaheri kwieyaritsie te'aitamete waxapatsie.

2

'Eriyaxi kemiranutiwitikie muyuawitsie

¹ Kepauka tukari maye'aximekai Yawé 'Eriyaxi manutiwitinikekai muyuawitsie haikiri mitirikaiyeki, 'Eriyaxi meta 'Eritseu Kirikari mekanayekine.

² Hiki 'Eriyaxi 'Eritseu mipai katiniutahiawe:

—'Ena keneuyuhayewa, Yawé kaneneni'ani Weteri paiti.

Peru 'Eritseu mipai katinita'eiya:

—Yuriki mipai nekanaineni Yawé mayeyuriki meta 'eki, hatsuaku 'axaitame nepikamatsihayewa.

Hiki yunaiti mekanekine Weteri paiti.

³ Mana Weteri memukutekai Kakaiyari niukametemama wahepa mekanekine memiwaranunakeki, hiki mipai 'Eritseu mekateniuta'iwawiya:

—¿Petimateri hiki Yawé mimatsinawairieni mati'ikitiwame, meta 'axaitame mimatsihayewa?

—Huu 'ari nepitimate, kayuwati.

⁴ 'Eriyaxi tawarita 'Eritseu mipai katiniutahiawe:

—'Eritseu, 'ena keneuyuhayewa, Yawé kaneneni'ani Keriku paiti.

Peru 'Eritseu tawarita mipai katinitahiawe:

—Yuriki mipai nekanaineni Yawé mayeyuriki meta 'eki, hatsuaku 'axaitame nepikamatsihayewa.

Hiki yunaiti mekanekine Keriku paiti.

⁵ Manata memukutekai Kakaiyari niukametemama 'ahurawa me'akineka mipai 'Eritseu mekateniuta'iwawiya:

—¿Petimateri hiki Yawé mimatsinawairieni mati'ikitiwame, meta 'axaitame mimatsihayewa?

—Huu 'ari nepitimate, kayuwati.

⁶ Tawarita 'Eriyaxi mipai katinitahiawe:

—'Ena keneuyuhayewa, Yawé kaneneni'ani Kurutani paiti.

Peru tawarita 'Eritseu yaxeikia kaniutayini:

—Yuriki mipai nekanaineni Yawé mayeyuriki meta 'eki, hatsuaku 'axaitame nepikamatsihayewa.

Hiki yunaiti yuhutati mekanekine,

⁷ hiki Kurutani hatuxameyari tetsita mekanewa'uni. Huta tewiyari heimana tamamata meyupaimeti teiteri Kakaiyari niukametemama wahetsia miemete mana paiti tsiere mekanekine, peru yatewa paiti mekaniyuhayewa, mewaxeiyati.

⁸ 'Eriyaxi yu'ikari kananakuhurieni, hiki 'itak-wikwieka, haa kaniuwani kimana. 'Ana haa kananutayepiere 'anutaiye heutaneti, hiki mana mekaniukine yuhutati wakikia.

⁹ Me'anukineka, 'Eriyaxi 'Eritseu mipai katini-uta'iwawiya:

—¿Tita matinake kenetiyurieni 'ahetsiemieme, mexi nekahehaniewe 'ahamatia ne'uyeikati?

'Eritseu mipai katinita'eiya:

—Nepimatsiwawirie 'a'iyari nehetsiemieme mayaniki matsi waikawa neke'upitarieni.

¹⁰ 'Eriyaxi mipai katinitahiawe:

—Kwinimieme tikwaniwekame pepitiwawa, peru xika penetsi'uxeiya kepauka ne-manuwitikieni, 'ana mipai pekatinipitariemiki, mexika pekanetsi'uxeiya mipai pepikatipitarieni.

¹¹ Hiki me'uhukaku metekuxatati, yapauka, niwareutaxirixiani tai kaxetayari meta tai kawayutsixiyari, 'Eriyaxi kananutiyani muyuawitsie haikiri mitirikaiyetsie.

¹² Hiki 'Eritseu niereti kemitiyianekai mipai katiniuhiwakaitini: «Nepaapa, nepaapa, kaxetate kuyaxa miemete meta wani'awamete 'Ixaheritsie

miemete nepiwaxeiya». 'Ana yatiuyiku tawari pika'ixei.

Hiki 'ana miki yukamixa hixiata kanitsana.

¹³ Hikita 'Eriyaxi 'ikarieya mukawiwiekai 'utihurieka, Kurutani hatuxameyari tetsita nuaka,

¹⁴ haa kaniuwani miki 'ikariki meta mipai kaniutayini: «¿Hakewari Yawé, 'Eriyaxi Kakaiyarieya?» Yapauka haa muwatsie, haa kananutayepiere hautaneti, hiki 'Eritseu kananuyani 'anutaiye paiti.

¹⁵ Kakaiyari niukametemama Keriku kiekatari, me'ixeiya, mipai mekaniutiyuani: «'Iyari 'Eriyaxi meixeiyakai 'Eritseu hetsie pitari kaniuyuhayewa». Hiki mehekineka hepana hixiena mekaniukatunuma'uni, yuhixima kwiepa paiti.

¹⁶ Mipai mekatenitahiawe:

—Neuxei, 'ena tahamatia, mekanixuaweni matsiparewiwamete, huta tewiyari heimana tamamata yemeki memiyiwawe, mati'ikitiwame memitiwauni miki mepiyiwawe. Xiari Yawé 'Iyarieya kanitihana meta hawaiki paiti kaneihiani hiritsie yatini xaitsie mayeweritsie.

'Eritseu mipai katiniwaruta'eiya:

—Hawaiki, xepikawaren'i'awani.

¹⁷ Peru miki yaxeikia mekatenikihawekaitini mekanihiwariipitiani, 'imatirieka mipai katiniwarutahiawe:

—'Aixia pi'ane kuta, xekeniwaranuni'a.

Hiki mekaniwareni'ani huta tewiyari heimana tamamata teiteri, miki haika tukari 'Eriyaxi mekaniwautiwekaitini, peru mepika'itaxe.

18 Kepauka Keriku memakunuaxia, 'Eritseu mayuhayewakaitsie, miki mipai katiniwarutahiawe:

—Ne yanepainekai xemikaheiwautiweniki.

'Eritseu haa 'aixia ha'aneme kemirayeitia

19 Hikita, miki kiekariyaritsie kiekatari 'Eritseu mipai mekateniutahiawe:

—Tati'aitiwame, 'eki pekaniniereni, 'iki takiekari 'aixia pireukuma, peru haa 'axakani'aneni, 'ayumieme kwie pikatixuaweriyawe.

20 'Eritseu mipai katiniwaruta'aitiani:

—Xari hekwame xekenene'atiiri meta 'una xekeneukayetsa.

Kepauka memiyetui,

21 'Eritseu kaneyani haixa matinieretsie, muwa 'una heukawiwieka, mipai kaniutayini:

—Yawé mipai kanaineni: “Ne 'iki haa 'aixia nekaniyurimiki, para hatsuakuri kimana memikatakukuweniki meta kwie katixuaweriyaweme mikahayeitiakakiri”.

22 'Anatiti mitiyehane, hiki meta 'akuxi, haa 'aixia 'aneti kanayani, 'Eritseu kemutayi.

'Eritseu temari kememite'iyuriyakai

23 Hiki Keriku yeyaka 'Eritseu Weteri paiti kaneyani. Huyeta 'utimiekaku muwa kiekaritsie mekanayenexiani temari, hiki mekanitsutiani 'axamete'ikihiaweti, mipai mete'ihiiwawati: «Keneumieni 'ukiratsi pemimu'umetse. Keneumieni 'ukiratsi pemimu'umetse».

24 'Eritseu 'anakuniereka hiki, kwi waxeiyati, 'axamemi'itiarieniki Yawé kaniutawawirieni. Yapauka yuhutati hutseri 'itsita mekanayenexiani, miki temari mekaniwarutitsana huta tewiyari heimana huta meyupaimeme.

25 Mana 'Eritseu miyetia Kaximeru hiriyaritsie kaneyani, manata miyetia kanakunuani Tsamariya kiekariyaritsie.

3

Muhawitsixi mewaraye'unieti 'ixaheritsixi kememite'aki

¹ Merikitsi tamamata heimana 'atahaika wiyari, Kutsapati katini'aitametikaitini Kura kwieyaritsie. 'Ana Kurami 'Akawi nu'aya kanitsutiani ti'aitati 'Ixaheri kwieyaritsie Tsamariya kiekariyaritsie, katiniuta'aita tamamata heimana huta wiyari.

² Kurami Yawé kemikatinake katiniuyurieni, peru matsi yemeki paapaya meta warutsieya 'axamepite'uyuri, Kurami katiniuta'aita tete miwayehiiyaniki, paapaya 'amitakekai Wahari hetsiememe.

³ Matsi Kurami 'axakatiniyurienekaitini Keruwuhani hepai Nawati nu'aya, miki ke'axameteyuriekame muwarayeitia 'ixaheritsixi teiteriyari, miki Kurami 'axamiti'ane pikatiuhayewaxi ke'axamitiyurienekai.

⁴ Hiki Metsaha ti'aitame Muhawi kwieyaritsie muxatsi kaniwamiiriyakaitini, miki xei-wiyari 'aye'axekaku katiniyetuayakaitini 'Ixaheri kwieyaritsie ti'aitame hetsia, mipai mitikwetatiakaiki, xeitsienituyari miriyari

muxatsi, meta xeitsienituyari miriyari muxatsi temari wahuxariyari.

⁵ Peru kepauka 'Akawi mumi, Muhawi kwieyaritsie ti'aitame yapikatikatia, 'ixaheritsixi teiteriyari kaniwarutakwini.

⁶ Merikite Kurami ti'aitame Tsamariya kiekariyaritsie kanayeyani, meta kuyaxi 'ixaheritsixi kaniwarukuxeirieni.

⁷ Kurami Kutsapati niuki kaneni'airieni, Kura kwieyaritsie ti'aitame mipai katinitahiawe:

—Muhawi kwieyaritsie ti'aitame pikayuwaiyari nemi'ti'aitiakaki. 'Ayu-mieme, ¿peti'awaiya peminetsiparewieniki temiwatakwiniki Muhawi kiekatari?

Kutsapati mipai katinita'eiya:

—Huu, nepinewaiya. Kepemitiku'eriwa neta mipai nepitinekahiawe, yaxeikiata nekuyaxima, nekawayutsixi tepimatsiparewiwamete.

⁸ ¿Keteteheuyune xeikia?

Mipai katinita'eiya Kurami:

—Kauka makumawetsie 'Erumi kwieyaritsie.

⁹ Hiki te'aitamete 'Ixaheri hetsiemieme, Kura hetsiemieme meta 'Erumi hetsiemieme yunaiti mekanekine. Miki 'atahuta tukari mekanihukaitini makumawetsie. 'Anari kuyaxi meta kawayutsixi yuhaa mepuxi.

¹⁰ Hiki 'Ixaheri kwieyaritsie ti'aitame mipai kaniutayini:

—Xia'ui, Yawé kataniukuxeirieni teyuhaikame te'aitamete, mitatsiyetuaniki muhawitsixi wahatsia.

¹¹ Peru Kutsapati mipai katiniuta'iwauni:

—¿Xewiti 'ena katiuyeika Yawé niukameyatiti, miki Yawé mita'iwawiyaki tahetsiemieme kemitiyini?

Xewiti 'Ixaheri kwieyaritsie ti'aitame parewi-wameya mipai kaniutayini:

—'Ena hurawa kaniuyeikani, 'Eritseu titewati, Tsapati nu'aya, 'Eriyaxi miparewiwameyatikai.

¹² Mipai kaniutayini Kutsapati:

—Miki xiari pitatitaxatiani Yawé niukieyaki.

Hiki 'Ixaheri kwieyaritsie ti'aitame 'Eritseu hetsia kaneyani heita'iwawiyake, warawititi ti'aitame Kutsapati meta 'Erumi kwieyaritsie ti'aitame.

¹³ Peru 'Eritseu 'Ixaheritsie ti'aitame mipai katinutahiawe:

—¿Ne tixaiti nepikarayexeiya 'ahepaitsita? Kenemie keniwareta'iwawiya 'apaapa meta 'amaama wakakaiyarixi waniukamete.

Mipai katinita'eiya 'Ixaheri kwieyaritsie ti'aitame:

—Hawaiki, Yawé pitatsi'ukwamanaxi, katanukuxeirieni teyuhaikame para mitatsiyetuaniki muhawitsixi wahetsia.

¹⁴ 'Eritseu mipai kaniutayini:

—Yuriki mipai nekanaineni, Yawé mayeyuriki Naimekimitirikaiye ne nemeyexeiya, xika Kutsapati Kura kwieyaritsie ti'aitame kahayewenike, nitima 'ahixie nepika'utinierekekai.

¹⁵ Kamitsi kanareru xekenene'atiri.

Mexi kanareru kanariwiekai, Yawé tirikariyaya kaninuani 'Eritsehu hetsie,

¹⁶ hiki mipai kaniutayini:

—Yawé mipai kanaineni: “Akite xeke-nanuye'inixia 'iki mayeweritsie”.

17 Yawé mipai kanaineni: “Tsepaneti wiyeri xemikaxeyani meta 'eka, naitsarie haa kanitihinimiki mayeweritsie, xeme xekaniyiwawekuni mana xemitihareniki meta xetewama”.

18 Peru 'iki Yawé hepaitsita tixaiti pikatihiki, matsi 'akuxi kaniwayetuamiki muhawitsixi xeme xemiwaka'unaki.

19 Xeme naime kiekarite yukuraru 'amatitetewa memexeya xekaniwaka'unakuni meta kiekarite haitiakate memihiki. Kiyexi 'aixia mi'anene xekanitiwitekuni, haixate naime xekananukanaxiakuni, meta memaka'etsatsie tetexi xekanayeitiakuni.

20 'Uxa'arieka ximeri kepauka maye'a mawari matiweuiwatsie, naitsarie haa kaniutahine, 'Erumi kwieyaritsie hakaneikakaku.

21 Hiki kepauka muhawitsixi mipai memitehetima kename te'aitamete meyuhaikati mehayekinekai wahepa mewatakwinike, mikita mekaniwarukuha'aritiani yunaime teiteri kuyaki memiyiwawekai, hiki wakwie manuye'atikatsie mekanikuyaxe.

22 Kepauka miki ximeri memanuku'ui, tau hapa kanikakixekaitini, muhawitsixi mipai mekateni-uneniere haa kanixetakaitini xuriya hepai.

23 Muhawitari mipai mekaniutiyuani: «Kami xuriya kanihikitini. Miki te'aitamete xiari mepuyutakwi, mepuyukwi yuxaita. Muhawitsixi, hikimitika tepitetiyu wapiini».

24 Kepauka muhawitsixi memuta'axia 'ixaheritsixi mematiteitsie, 'ixaheritsixi mepiwarutakwi hiki mekaniwara'iwa. Hipati

mekaniyuta'unakaitini peru 'ixaheritsixi
mekaniwaranukuweiya mekaniwarekwini,

²⁵ meta wakiekarite mekaniuka'unaxiani.
Yuxexuiti 'ixaheritsixi xexuime tetexi meka-
niutituani kwie 'aixia mi'anetsie mekanitihiniya,
meta haixate mekananuteukixiani meta kiyexi
mekanakuwiteni 'aixia mi'anenekai. Kiekari
Kixi-Karetseti xeikia kaniyuhayewakaitini, peru
texupameki tetuaxamete mekanaketikine, hiki
mekanikemakaxiani mekanika'una.

²⁶ Muhawi kwieyaritsie ti'aitame 'uniereka
kemira'iwarieximekai, kuyaxi kaniwaruta'inieni
'atahuta tsienituyari 'Erumi kwieyaritsie
ti'aitame hetsia paiti miye'aniki, peru puyutatexi.

²⁷ Hiki 'ayumieme yuniwe mexiakame
kaniumieni, miki nu'aya ti'aitame mayanikekai
'utimana, hiki kuraru 'amatitewatsie kimana
mawari taiyariyari kaniuwewieni. Mipai
tiuyiku 'Ixaheritsixi wahetsiemieme waikawa
mekaniuyeha'ani, 'anari miki yukiekaritsie
mekanekine.

4

Wiura hatseiteya kemitiumawekai

¹ Merikitsi xewiti Kakaiyari niukameya wiuraya
'Eritseu mipai katiniutahiawe:

—Nekina mati'uximayatsiriwame kaniumini,
'eki pekatinimaika miki Yawé hetsiemieme
'aixia katiniyurienekaitini. Peru hikiri xewiti
tewi temite'epinirie kaninuamiki neniwema
yuhutame waranuwitinike wairiyarika
te'uximayatamete miwarayeitianiki.

² 'Eritseu mipai katinita'iwawiya:

—¿Keri ne nematiparewieni? Yakenetineu-tahiawi, ¿'akie ketita perexeiya?

Wiura mipai katinita'eiya:

—Ne mati'uximayatsiriwame tixaiti nepikarexeiya nekita, 'etsiwa xeikia huriwa hatseitiyari nepexeiya puteyu 'etsipemetsie.

³ Merikite 'Eritseu mipai katinita'aitiani:

—Kenemieka hiki 'akie hurawatari keniwarekawawiri xarite mekematsihetaniitiani, kepaímeme tsepa pemekaxeiya.

⁴ Hiki 'ana yukiita xekeneutahaxia 'aniwema yunaiti meta xeketeneunama kitenie. Hatseiti 'etsimupetsie mieme xariteta keneukatuaxia naimeta, kemi'aneri mihipirikení xaitsie pe'itiiyatsati.

⁵ Hiki wiura 'Eritseu 'utateutiaka, yukie kaneyani. Merikite yuniwema wahamatia heuyunaka kanitsutiani xarite tihiniyati niwemamata meni'atiriwakaitini.

⁶ Kepaukari naiti mihipinekaí, miki yuniwe tawari kaniutawawirieni xeime xari, miki mipai kaniutayini: «Matsi pumaweri». Hiki 'ana hatseiti kaniuyewani 'etsimupetsie.

⁷ Hiki 'uka kaneyani tewi Kakaiyari hetsia mieme hetsia, katinitaxatiani kemitiuyikai. Hiki miki mipaita katinita'aitiani: «Hiki kenemieri hatseiti kenetua, kimana ketineyutua pemirapine. Hiki kepaímeti meyuhayewa 'eki meta 'aniwema kimana xetenaneti 'axepu'uwani».

Tsuneni kiekame nu'aya

⁸ Merikite 'Eritseu, Tsuneni kiekariyaritsie 'uyemiekkaku mana xewiti 'ukaratsi waikawa rexeiyati wairiyarika yukie kanita'inieni

mirekwaniki. 'Anatiti kepauka mana muyeyeikakai mana katinitikwa'akaitini.

⁹ 'Uka yukina mipai katiniutahiawe: «Neuxei, ne yanepitimate 'iki tewi takie muta'axe, xiri tewi Kakaiyari hetsia mieme mipatsie pihiki.

¹⁰ Xeime kiiya tepitawewieni takii heima, muwa mayehupuniki 'utaya tepikawewieni meta mexaya 'iparieya hauyutinikame meta kixemeya. Kepauka mitatsiha'iwatamie meixeiyaniki hakewa mayehupuni».

¹¹ Mipai mete'uyurieku 'Eritseu kaninuani, muwa heutiyaka kaniukahuni.

¹² Hiki yuparewiwame Kihetsi mipai katiniutahiawe:

—'Ukaratsi keneta'ini.

Ti'uximayatsiriwame mipai katinitahiawe, hiki 'ana miki kaninuani.

¹³ Hiki 'Eritseu Kihetsi mipai katiniutahiawe:

—'Ukaratsi mipai ketinetahiawi: “Waikawa pepi'a'uximatia tahetsiemieme. ¿Kenetiyurieni 'ahetsiemieme? ¿Matinake xika ti'aitame yatini kuyaxi tiwa'aitiwame 'ahetsiemieme ne'utahiawe?”

Peru 'ukaratsi mipai kaniutayini:

—Ne 'aixia 'iyari nepuyeika neteiterima wat-sata.

¹⁴ Hiki 'Eritseu Kihetsi mipai katiniuta'iawawiya:

—¿Kenetiyurieni hetsiena mieme?

Ti'uximayatame mipai kaniutayini:

—Miki tiri pikawarexeiya meta kinaya 'ari kani'ukiratsitini.

¹⁵ 'Eritseu mipai kaniutayini:

—Keneta'ini.

Kihetsi kaneita'inieni, miki 'ana kitenie kaniu-takeni.

¹⁶ Hiki 'Eritseu mipai katinitaxatiani:

—Yurika 'epauka nunutsi pekanexeiyakamiki.

'Ukaratsi mipai katinita'eiya:

—Hawaiki, neti'aitiwame, 'eki tewi Kakaiyari hetsia pemumieme. Hawaiki ne matsiparewi-wame pepikaneti'itaiyaneni.

¹⁷ Mipai katiniuyini, miki 'ukaratsi kaniu-tihukata. Kemirahiawariwakai yurikatsiena miki tukaritsie kaniutiniweni, 'Eritseu kemirehiawekai.

¹⁸ Nunutsi kaniutawere, heiwa yupaapa hetsia kanekuyeixiani, mira'uximayatsiekatsie meyeikakai.

¹⁹ Hiki yapauka mipai yupaapa katiniutahi-wieni:

—'Ai nemu'u. Nemu'u pinetsi'ukukuine.

Paapaya xeime tiyu'uximayatsiriwame mipai katiniuta'aitiani:

—Maamaya hetsia kenetuamie.

²⁰ Ti'uximayatame kaneitini maamaya hetsia paiti, hiki yutunutsie heikukwekaku tuka kanaye'ani, 'ana nunutsi kaniumini.

²¹ Hiki maamaya kananutiyani yukii heima tewi Kakaiyari hetsia mieme 'utayatsie yuniwe kanateni, kitenie reunaka kaniwayeyani.

²² Hiki yukina kaniutahiwieni mipai katinitahiawe:

—Xeime ti'uximayatame keneneuniitia meta puxu 'ukaratsi, tewi Kakaiyari hetsia mieme kie nekanimieni, kwitiwata nekaninuamiki.

²³ Kinaya mipai katinita'iwawiya:

—¿Titayarikuta hiki kwitiwa hetsiana petimie? Metseri hekame 'ixiarariyari pikahiki meta 'ux-
ipiya tukari.

Miki mipai katiniuta'ani:

—Tsepatsi.

²⁴ Hiki 'ana puxu kaniutixiratiani meta
ti'uximayatame mipai katiniutahiawe:

—Hikimi xeiya tepiyehu teka'uxipieti,
kepaukake yanemetayini.

²⁵ Merikite 'ukaratsi kanayeyani, Kaximeru
hiriyaritsie paiti kaniye'ani, 'Eritseu manukateit-
sie paiti, tewi Kakaiyari hetsia mieme. Hiki miki
kanixeiya 'ateewa hamiekame. 'Ana yuparewi-
wame Kihetsi mititewa mipai katiniutahiawe:

—Neuxei. Huma pamie 'ukaratsi Tsunemi
kiekame.

²⁶ Xeiya kenenakimie, keneta'iwawiya miki
'aixia kapireu'erie, nu'aya meta kinaya 'aixia
mekapitehaka'iyuniwa.

Ti'uximayatame kaneikunake, 'ukaratsi
kename yunaiti 'aixia metehau'erie kaniutayini.

²⁷ Kepauka hiritsie paiti munua tewi
Kakaiyari hetsia mieme manukateitsie,
'ikateyatsie kanikawiere. Kihetsi hurawa 'uyaka
kaneikuhanakekaitini, peru tewi Kakaiyari hetsia
mieme mipai katinita'imaiya:

—Kenehayewani. Waikawa puyuhiwerie meta
Yawé kanetinanukanamirieka kemireyi, 'akuxi
'atsipikanetitahiawiwe.

²⁸ Hiki 'ukaratsi mipai kaniutayini:

—Neti'aitiwame, ¿nekuta 'eki nunutsi
nemetiutawawiri? ¿Tami mipai nekarainekai
kename pekaneti'itaiyanenikekai?

29 'Eritseu Kihetsi mipai katiniutahiawe:

—Keni'akuha'aritiaka, ne'itsi kenakweti kenemie huyeta. Xika xeime pehanukunake, pepikaheiwairitiaka, xika xewiti matsihahiaweni, pepikaheiku'eiyani. Kepauka pemeta'ani, miki 'itsi nunutsi nierikayatsie kenateka.

30 Peru nunutsi maamaya mipai kaniutayini:

—Ne yuriki mipai nekanaineni Yawé mayeyuriki meta 'eki, ne nekie nepikahakunuani xika pekanetsiheweiya.

Hiki 'ana 'Eritseu kananukukeni kaneyani hamatiana.

31 Kihetsi meri manuyehaitiakai nuaka nunutsi nierikayatsie 'itsi kaniutiteni, peru 'iki pika'utaniu meta pika'ukuyuaxia tixaiti 'iniari pikatiuyuri. 'Ayumieme, Kihetsi 'Eritseu kaniwarekunake mipai katinitahiawe:

—Nunutsi pikahekuyuane pikahanutaneniere.

32 Kepauka 'Eritseu wakie munua, nunutsi mikime kaniutaxeiya, 'utatsie 'akakaikame.

33 Kiita hautahaka, nunutsi muyekatei, kitenie reunaka Yawé kaniutahiawe.

34 Hiki 'utatsie hautiyaka nunutsi hetsie kanahuni tetana keneikahitsieni, meta mamateyatsie kawiti, kepaukake nunutsi mutaxirixi.

35 Hiki 'Eritseu 'anukukeka kaniutiyatiyani kiita yeyeikati, kwitita nunutsi hetsie kaneutihuni, 'anakeri 'atahutamexia nunutsi kaniutakuku meta yihixite kanutayepiexiani.

36 Hiki 'Eritseu Kihetsi mipai katiniutahiawe:

—Maamaya kene'inimie.

Kihetsi katineikuxatiani, kepauka 'ukaratsi munua, 'Eritseu mipai katinitahiawe:

—'Ari 'aniwe kenawititiri.

³⁷ Miki hautahaka, 'Eritseu 'ikayatia kaniukahiximakeni pamipariyutsi 'ipitianike. Hiki 'anake yuniwe 'awititi kaneyani.

'Ikwai kemitiu'itiya

³⁸ Merikitsi 'Eritseu Kirikari kaninuani 'ana mana kanihaakaxatikaitini miki kwieyaritsie. Mana kiekatari Kakaiyari niukametemama wahamatia kaniuyuhayewa, hiki 'Eritseu tiyu'uximayatsiriwame mipai katiniuta'aitiani: «Xari 'aminena mana taipa keneuyeyeka 'itsari keneukawewi Kakaiyari niukametemama memitekwaniki».

³⁹ 'Ana, xewiti wa'iwa kanayeyani yeuta tupiriya heupimieka, muwa 'iteiri yeuta mieme kanetaxeiya hiki waikawa 'ikwaxiyari kaneka'inini kaneitahiniya yukamixatsie. 'Akunuaka kanitixiteni yapepeme miki 'itsarita kaneikaxirieni 'atsikatimaiti tita mitihikitikai.

⁴⁰ Kepauka 'ikwai makatuariexia, kepauka teiteri memekwaixia, mipai mekatenuhiwa:

—Neuxei, tewi Kakaiyari hetsia pemumieme, 'iki 'ikwai pu'uayema.

'Ana miki mepika'uyiwekaxia memikwaniki.

⁴¹ Hiki 'Eritseu mipai kaniutayini:

—Tiriku harinayari xekenatu'i.

Hiki harina 'itsarita heukawiwiekari, mipai kaniutayini:

—Teiteri xekeniwarakatu'iriexiari memitekwaniki.

'Anari 'aixia 'iyari mepite'ukwai, tawari mepikate'utikwikwinixi.

Xeitsienituyari teiteri kememite'umikie

⁴² Xewiti Wahari-Tsaritsa heyeyaka kaninuani paa ha'iti, tewi Kakaiyari hetsia mieme tikutuirieneti 'ikwaxi mexiakame timieme: xetewiyari tsewara payari meta tiriku takariyari hehek-wame. 'Eritseu yuparewiwame mipai katiniutahiawe:

—Ketiniwarumikwa teiteri.

⁴³ Ti'uximayatsiriwame mipai kaniutayini:

—¿Kenetiwamini teiteri xeitsienituyari memihiki?

Peru 'Eritseu mipai katinitahiawe:

—Teiteri ketiniwarumikwa, Yawé mipai kanaineni: “Mekatenikwaikuni meta waikawa katiniyuhayewamiki”.

⁴⁴ Hiki ti'uximayatame paa kaniwarumini, Yawé kemainekai, teiteri mekatenukwani meta waikawa katiniuyhayewa.

5

'Eritseu Nahamani 'aixia 'aneme kemirayeitia

¹ Merikitsi Nahamani, Tsiriya kwieyarit-sie ti'aitame kuyaximama wa'ukiyari kanihikitikaitini, miki tewi waikawa mitiyunaki'erie, ti'aitame waikawa pinaki'eriekai, miki 'iparewiekaku Yawé mipitiakaiki mirayu'iwaki yumieneti. Miki kuya mikama kanihikitikaitini, peru nawi kwiniyayari kanexeiyakaitini.

² Merikitsi heiwa kuyaxi tsiriyutsixi mekanayekikakaitini meku'uwati metekunawatiweti, 'ana 'uka 'imari 'Ixaheri kiekame

mekaniunawani, miki Nahamani 'iyaya ti'uximayatsiriwame mekanayeitiani.

³ Heiwa miki 'uka miti'aitia mipai katiniutahiawe: «'Aixia piyinikeyu neti'aitiwame Kakaiyari niukameya Tsamariya kiekariyaritsie meka hetsia xika heuyani, miki 'aixia kaniyuriweni kemitikuye yunawiyaritsie».

⁴ Hiki Nahamani 'uka 'Ixaheri kiekame ke-mainekai ti'aitame mipai katiniutahiawe.

⁵ Tsiriya kwieyaritsie ti'aitame mipai katinita'eiya:

—'Aixia kani'aneni kenemie, neta 'Ixaheri kwieyaritsie ti'aitame xapa nekana-nuni'airiemiki.

Hiki 'ana Nahamani kaneyani, haika tsienituyari heimana huta tewiyari kiruyari raheteme pirata ha'ikatati meta haika tewiyari heimana 'atahaika kiruyari raheteme huru meta tamamata kemarite.

⁶ Xapa 'Ixaheri kwieyaritsie ti'aitame mehuriyarie mipai katine'ukaitini: «Kepauka xapa 'ahetsia meye'ani, kemi'ane mimatsihe'atiiri Nahamani kanehikitini, miki nekuyaxima wa'ukiyari kanihikitini. Nekamaneni'airieni nawi kwiniyayari kemirexeiya 'aixia 'aneme pemayeitianiki».

⁷ Xapa hakateriwaka, 'Ixaheri kwieyaritsie ti'aitame yukamixa kaneukatsana meta mipai kaniutayini: «¿Nekuta Kakaiyari netihiki? Ne nepikayawe xewiti miminiki mexikatini manutaniereki nemipitiani. ¿Titayari miki netiwawirie nawi kwiniyayari mexeiya 'aixia

'aneme pemayeitianiki? Kaukati miki haxia mekuwautiwe xeikia tahamatia».

⁸ 'Eritseu, tewi Kakaiyari hetsia mieme, kepauka mitiutamari kename 'ixaheritsixi tiwa'aitiwame yukamixa haukatsanakai, niuki kaneini'airieni mipai haineme: «¿Ketitayari waikawa peti'a'uximatia? 'Eki miki tewi kenenani'airi, yamiretimaniki kename Kakaiyari niukameya 'a'uyeika 'Ixaheri kwieyaritsie».

⁹ Hiki Nahamani kaneyani 'Eritseu kie yuteiterima warawititi yukawayutsixi meta yukaxetate mewarahapati, hiki kiiya kiteniena hixie mekanu'axiani.

¹⁰ Hiki 'Eritseu ti'uximayatame yuhetsia mieme kaneni'ani mipai mireitahaweki: «Kenemie 'atahutamexia kenekahaki Kurutani hatuxameyaritsie, 'ana 'anawiyaritsie 'aixia pe'aneti pekanayeimiki meta pe'itiyati pekanayeimiki».

¹¹ Hiki Nahamani ha'ati kaneyani mipai 'utaiti: «Ne mipai nepitiku'eriwakai tewi Kakaiyari niukameya wayeyanike nepi'eriekai netsi'anunakeke, Kakaiyari Yawé tawawirienike, meta nehetsia hatameti newaiyari 'anayehianike nepi'eriekai.

¹² ¿Matsi Ramatsiku hayari 'Awaná meta Paripaxi hatuxameyarite kari 'aixia pika'anene keyuri haa 'Ixaheri kwieyaritsie mieme? ¿Kari mana nemeyukahauxini pikaheyiwe hiki 'aixia nemiyiniki?» Hiki ha'ati kaneyani yu'itima.

¹³ Merikite 'iparewiwamete hurawa mekanewakine mipai mete'itaxatianike: «Tati'aitiwame, xika Kakaiyari niukameya

kwaniwemeki mereta'aitianike. ¿Tami yapekatikayeiiwe? Matsi 'aixia kani'aneni hiki xika xeikia pekahamiki hapa, 'ana mipai pe'itiyati pekanayeimiki».

¹⁴ Hiki Nahamani Kurutani hatuxameyaritsie kaneyani, mana 'atahuta mexia kaniukahani, tewi Kakaiyari hetsia mieme kemititahiawekai. 'Anake nawiyarieya 'aixia kaniuyini nunutsi nawiyarieya hepai, 'ana 'itiyati kanayani.

¹⁵ 'Aixia 'aneti Namahani, kaninuani yunaime memeweia warawititi, tewi Kakaiyari hetsia mieme hixie 'uweti, mipai kaniutayini:

—Hiki mipai nepiretima pumawe Kakaiyari naitsarie kwiepa, 'Ixaheri kwieyaritsie xeikia payexeiyarie yuri Kakaiyari. Meriki yemeki keneutanaki'eri 'ekita ne'imikieri.

¹⁶ Hiki 'Eritseu mipai kaniutayini:

—Yuriki mipai nekanaineni Yawé mayeyuri hixie 'anemuyeikaki, kemi'ane nemiti'uximayatsirie, ne tixaiti nepikaranupini.

Tsepa wairiyarika mitiyexatiakai Nahamani, 'Eritseu pikatitanaki'eriri.

¹⁷ Hiki Nahamani mipai kaniutayini:

—Kamitsi, 'eki keneneupitia huta 'ikayari kwie nemanu'ikataki 'ena mieme, hikiri 'enamitiyehane ne ti'a'uximayatsiriwame tawari kakaiyarixi mawari taiyariyari meta hipame mawari nepikawawewirieni, matsi Yawé hetsiemieme xeikia.

¹⁸ Kepauka mana neti'aitiwame, Ximuni tukieyata yukakaiyari meuhiawimie nemamatsie 'ana kaniyukitirikariyani, ne mipai nepitimaika wairiyarika pinetsipitiaka

nemakatutsireki, 'ayumieme Yawé mipai nepirahiawe kenereuyehiwirieka miki tukita nemititunumakeniki.

¹⁹ 'Eritseu mipai katinitahiawe:

—Kenemie 'atsipekati'akihaweti.

Hiki 'ana Nahamani kaneyani, 'ariri yateewa peumiekai,

²⁰ kepauka 'Eritseu tewi Kakaiyari hetsia mieme parewiwameya Kihetsi mipai pitu'eri: «'Eritseu neti'aitiwame waikawa 'aixia pituuka'iyari, 'iki Tsiriya kiekame Nahamani nitixaiti pikatitanaki'eriri ketita mitixatiakai. Peru ne miki nepenukuweiya, heiwati tixaiti neremini. Yuriki mipai nepaine Yawé 'amuyeikaki mayeyuri».

²¹ Hiki Kihetsi kaneyani Nahamani 'anuku'axeke. Kepauka miki mixei 'utimana 'unautsarimekaku, yukaxetatsie kananakayani 'itahiaweke, mipai katinita'iwawiya:

—¿Kereyi?

²² Kihetsi mipai katinita'eiya:

—Hawaiki 'atsipikareyi. 'Eritsehu neti'aitiwame kaneneyeni'ani mipai nemimatitahiaweki: “Yuhutati temari mekaniu'axiani Kakaiyari niukametemama 'Epirahini hiriyaritsie mehakanexiaka. Nepimatsiwawirie miki wahetsiemieme, haika miriyayari pirata tuminiyari meta hutame kemariteyari”.

²³ Nahamani mipai kaniutayini yuwairiyati mitanaki'erieniki:

—Neuxei, 'ataxewi miriyari pirata tuminiyari kenatiti.

Hiki huta kuxitariyarita kanikayatsirieni pirata meta hutame kemariyarite, 'iki tinaime

yuhutame te'uximayatamete katiniwarutitiani
Kihetsi memitehanutikirieniki.

²⁴ Kepauka memuta'axia yemuri mematitekait-
sie, Kihetsi miki huta kuxitariyari kaniuti'awieta
yukiita, hiki 'ana kaniwarutateutiani miki teiteri
tsiriyutsixi Nahamani hetsia mekanekine.

²⁵ Merikite Kihetsi 'Eritseu hetsia kaninuani.
'Eritseu mipai katinita'iwawiya:

—¿Kihetsi hakewa pepanutia?

Kihetsi mipai katinita'eiya:

—Matsi hawaiki nepikahanumie ne
mati'uximayatsiriwame.

²⁶ Peru 'Eritseu mipai katinitahiawe:

—Ne mana ne'iyari kaniuyeikakaitini,
kepauka 'iya manakatiatsie yukaxetatsie,
mimatsitahiaweki. 'Tki tukaritsie pikaheuyewetse
temitehanupineniki, pirata, kemarite,
harawerite, muxatsi, tuurutsixi kwietsanamete,
meta teiteri te'uximayatamete 'ukitsi 'ukari.

²⁷ Hiki Nahamani nawi kwiniyayari mexeiyakai
pehexeiyati pekanayeimiki meta yunaiti 'anui-
warite wahetsie katininakimiki yuheyemeki.

Hiki Kihetsi 'amiranuyetia 'Eritseu hixie,
peixeyakai nawi kwiniyayari 'iwi mutuxa hepai
peu'aneikai.

6

Kemirewatituiya hatsa hata Kurutanitsie

¹ Merikitsi Kakaiyari niukametemama 'Eritseu
mipai mekatenuitahiawe:

—'Eki pekaniniereni, hiki 'ena temakuteitsie 'et-
sikanakuyeuka tahetsiemieme.

² 'Aixia pi'ane xika tehekine Kurutani paiti.
Mana kiyexi pexiawe, kii tepetawewieni muwa
temayeteniki.

'Eritseu mipai katiniuta'ani:

—'Aixia pi'ane, xekenehu.

³ Peru xewiti miki wa'iwa mipai 'Eritseu katini-
utahiawe:

—Ketananteita, tame mate'uximayatsiriwamete.

'Eritseu mipai kaniutayini:

—Nekanimieni.

⁴ Hiki wahamatia kaneyani, kepauka Kurutani
memuta'axia 'ana kiyexi mekaniutiwiteni.

⁵ Hiki xewiti Kaka'yari niukameya xeime kiye
hawitekekaku hatsa kananutihine hatuxametsie
kaneukaweni.

Hiki mipai katiniuhiwa:

—Neuxei neti'aitiwame, miki hatsa
pikanepinitikai.

⁶ Tewi Kaka'yari hetsia mieme mipai
katinita'iwawiya:

—¿Hakewa peukawe?

Kepauka mitaxatia hakewa meukamiekai
hatsa, hiki 'Eritseu kiye mamayari kanawiteni,
muwa kaneikahiani 'ana hatsa kananuyewiere
haa heima.

⁷ 'Eritseu mipai kaniutayini:

—Kenanatitu'i.

Hiki yumama 'utatseraka kanenatituni.

Yawé kuyaxi tsiriyutsixi kemitiwarakipiriyaxia

⁸ Merikitsi Tsiriya kwieyaritsie ti'aitame
'Ixaheri kwieyaritsie ti'aitame hamatia kaniyu-
mienekaitini, hiki 'iparewiwamete wahamatia

tiutixataka, mipai katiniwarutahiawe: «Hikimi mana tekanekuyaxikuni».

⁹ Peru tewi Kakaiyari hetsia mieme 'iki niuki 'Ixaheri kwieyaritsie ti'aitame kaneni'airieni: «Keneyukweriwayurieka mana pepika'ayeyeikani, mana tsiriyutsixi mekamanihupieka».

¹⁰ Merikite 'Ixaheri kwieyaritsie ti'aitame yukuyaxima mana kaniwareni'ani memitehetimaniki tewi Kakaiyari hetsia mieme hakewa mexatakai. Miiexamexia tawari 'Eritseu 'Ixaheritsie ti'aitame mipai katinayehitiani, hiki miki mipai katiniyukweriwayuriekaitini.

¹¹ Tsiriya kwieyaritsie ti'aitame, ha'ati miyamitiyianekaiki, kuyaximama tewa'aitiwamete waruta'inieka mipai katiniwarutatieni:

—Yaxekeneteneutahiawi, keme'ane tahetsia miemeti 'Ixaheri kwieyaritsie ti'aitame yapitikuxaxatiwa?

¹² Miki wa'iwa xewiti mipai kaniutayuni:

—Neti'aitiwame, nixewiti. 'Eritseu kanihikitini Kakaiyari niukameya 'Ixaheritsie meyeika. Miki naime 'Ixaheri kwieyaritsie ti'aitame yakatinikuxaxatiwani, metatsiere naime 'eki ti'aitame kepemutaine 'awie pemuyehuputsie.

¹³ Hiki ti'aitame mipai katiniuta'aita:

—Kamitsi xekeneuti'iwau hakewa meyeika, mana nemititani'aniki miwiyarieniki.

Kepauka mitiutaxatiae kename Rutani 'Eritseu heyeikakai,

¹⁴ hiki ti'aitame mana kaniwarutani'ani yuwaikawa kuyaxi kawayutsixi wahetsie me'utekame meta kaxetate kuyaxa miemete.

Kiekari warita mekana'utikine yiwikita mehaye'axiaka.

¹⁵ 'Uxa'arieka ximeri tewi Kakaiyari hetsia mieme ti'uximayatsiriwameya kananukukeni, hiki kuyaxi kawayutsixi wahetsie me'utekame meta kaxetate kuyaxa miemete kiekari warita kaniwaruxeiya. Ti'uximayatame mipai kaniutayini:

—Neuxei neti'aitiwame, ¿keri teyiaka?

¹⁶ 'Eritseu mipai katinita'eiya:

—Hawaiki pepikamaka. Memitatsini'i matsi mekaniyuwaikawani miki 'etsimekaniyupaimeni.

¹⁷ Hiki 'Eritseu mipai katiniuyutanenewieni: «Yawé, Kihetsi kenanutanieritia ti'uximayatame miniereki». Yawé mipai katiniuyurieni, hiki ti'uximayatame kaniwaruxeiya yemuri 'etsimu-petsie kawayutsixi tai hepai meteyuxexeiyame meta kaxetate yaxeikia meteyuxexeiyame mehakutsekame 'Eritseu wawarita.

¹⁸ Kepaukari 'ahurawa memahukai tsiriyutsixi, 'Eritseu kanitsutiani yunenewieti: «Yawé 'aku, 'iki teiteri keniwarakipiriyaxia». Yawé yakatini-uyurieni 'Eritseu kemtitawawiri.

¹⁹ Hiki 'Eritseu mipai katiniwarutahiawe: «'Iki kiekari pikahiki hakewa xemeukinekai, xeime huyeyari pita xekananukuweiya. Hikimi xekenenanuweiya ne nekanixe'anuwitimiki hakewa tewi xemikuwautiwe meyeika». Peru miki Tsamariya pita kaniwarewitini.

²⁰ 'Ari kiekaritsie mehautahaxiaku, 'Eritseu mipai kaniutayini: «Yawé, keniwaranutanieritia meheuneniereti memakineki». Yawé mipai

katiniuyurieni, miki memauyutamaixia
Tsamariyatsie paiti mekaniyiakaitini.

²¹ Kepauka 'Ixaheri kwieyaritsie ti'aitame
miwaruxei, 'Eritseu mipai katiniuta'iwawiya:

—Neti'aitiwame, ¿netiwakwini? ¿Netiwakwini?

²² 'Eritseu mipai katinita'eiya:

—Hawaiki, pepikawakukukuyani. ¿'Eki kuta
'a'ixiparaki meta 'a'iriki petiwarutiwi, titayari
petiwakwimiki? 'Aixia piyini matsi 'ikwai
meta haa ketiniwakupiniri memitekwaniki
meta memanuhareniki, meta keniwarupitiata
memakunuaxianiki hakewa tiwa'aitiwame meka.

²³ Hiki 'ixaheritsie ti'aitame waikawa
'ikwai katiniwaruta'aitsirieni. Kepauka
memite'utahayewaxi metekwati, kaniwaru-
tateutiani 'ana miki tiyu'aitiwame hetsia
mekanekine. Mana mitiyehane tsiriyutsixi
tawari 'Ixaheri kwieyaritsie mepikaheutahaxia
yikimana metekunawatiweti.

Tsamariyatsie haakaxa kemiratia

²⁴ Yapaimexia wiyari 'anukayaku, Weni-'Arari
Tsiriya kwieyaritsie ti'aitame, yukuyaxima yu-
naime kaniwarukuyuitiani Tsamariya kiekari-
yari warita memayaxetikineki. Xewiti meuta-
hani meta muwayeyani pikayiwekai, hiki 'ikwai
mekateniuxini.

²⁵ Miixa tukari memukunamiekaiki waikawa
haakaxa kaniutixuawere, 'ayumieme mana puxu
mu'uya kaninanaiyakaitini xeikiruyari pirata
tepiyariki meta kukuruxi wamiri xeiwatsuyari
haika tewiyari kiramuyari.

26 Heiwa, ti'aitame kiekari kuraruyari 'am-atayewatsie 'uyeikakaku, 'ukaratsi xewiti mipai katinitahiwiени:

—Neti'aitiwame, ketaneutawikweitsitia.

27 Ti'aitame mipai katiniuta'ani:

—Xika Yawé kamatsiwikweitsitamikini, ¿ne matsi kenetiyiwe? tiriku nepikahexeiya meta winu ne nemimatsiminiki.

28 ¿Titaki kuta nemetiparewienikeyu?

'Ukaratsi mipai katinita'eiya:

—'Iki 'ukaratsi mipai kanetiniutahiawe kename neniwe nekeyetuanike temitakwaniki hiki, meta 'uxa'arieka 'iki niweya temitakwaniki.

29 Merikite neniwe teniuka'etsa tekanitakwani, peru 'uxa'ariekatsie kepauka nemitawawiri nu'aya miyetuaniki temitakwaniki, peru miki yuniwe puti'awietakairi.

30 Hiki 'u'enaka 'ukaratsi kemitiuyuriekai, ti'aitame yukamixa kaneukatsana hiwerikaki. Hiki tawari kuraru 'amatayewatsie heima kanikuyani, 'ana teiteri mekanixeiya kuxitari 'ixurikiyari 'anakatikime, hiwerika kamixayari.

31 Hiki ti'aitame ha'ati mipai kaniutayini: «Yawé pikanereuyehiwiriekai yuheyemeki xika hiki 'Erit-seu mu'uya neka'anutiwiteni Tsapati nu'aya».

32 Mexi 'Eritseu yukiita hayekatei 'ixaheritsixi wa'ukiyarima wahamatia, ti'aitame tewi xeime kaneni'ani meimieniki. Mexi kanuawekai, 'Erit-seu 'ukirawetsixi mipai katiniwarutahiawe:

—Hiki xekaninenierikuni tiyumiekame xeime kemitiutani'a nemu'u manutiwiteniki, kepauka miki ni'ariekame munuani, kitenie 'itupariyari 'aixia xeketeneunama para

mikawatahakeniki. 'Ari tekani'enieka ti'aitame yuariyaya 'ukanamieni tiyumiekame 'utima.

³³ 'Eritseu 'akuxi tikuxatakaku kaninuani ni'ariekame mipai kaniutayini:

—'Iki 'uximatiarika Yawé hetsia kanimiemetini. 'Ari tatsitawikweitsitianike tawari nepika'erie.

7

¹ 'Eritseu mipai katiniuta'ani:

—Yawé niukieya xekeneu'enie, mipai kanaineni: “Uxa'a 'ipai'pauka Tsamariya kitenieyaritsie xekaniyiwawekuni xeikakuniyari xeminaneniki tiriku harinayari 'aixia mi'ane xeipiratayariki meta huta kakuniyari tsewara yaxeikia xeipiratayariki”.

² Ti'aitame parewiwameya mipai kaniutayini:

—Mipai pepikahaineni. Xika Yawé naime muyuawitsie reuyepiexianike, yaxeikia 'atsipikatiyini.

'Eritseu mipai katinitahiawe:

—'Eki pekaninierimiki 'ahixiteki, peru miki 'eki pepikatitikwani.

Tsamariyatari kememite'utawikwei

³ Hiki miki tukaritsie mana yunaukati teiteri nawi kwiniyayari mehexeiyati kiekari kitenie mekaniutitekaitini. Hiki miki mipai mekateni-uyuxatiani:

—¿Keteteyurie 'uwa te'utiteti, teta'ikwewati xeikia temikwiniki?

⁴ Xika kiekaritsie teheutahaxiani yakixeixeikia tepiyini. Mana tekanekwikuni haakaki hipame wahamatia, xikata 'uwa teyuhayewani, yaxeikia tepikwini. 'Aixia piyini tepuhu

tsiriyutsixi mematitei, temetayetuaniki. Xika mekatatsihekwinini, 'atepu'uwani, mexika metatsihekwinini, yaxeikiata tetekwinikekai hakaki.

⁵ Hiki 'ukuyireku mekanekine, peru kepauka memeta'axia tsiriyutsixi memakuteitsie, manari teiteri hawaiki mepikatehetitekai.

⁶ Mipai pitiyikai, Yawé puwarutimariutakai tsiriyutsixi puwaru'enitsitiakai kaxetate kuyaxa miemete meta kawayutsixi wayuariya, wa'ati yumiireti kuyaxi 'umepitehahu hepai mekatenu'enanani. Hiki miki mipai mekatenuyukaxatiani: «Yuriki xiari 'Ixaheri kwieyaritsie ti'aitame, te'aitamete hetitsixi meta 'ekipitutari pitiwarupitia pirataki miki memitatsitakwiniki».

⁷ 'Ayumieme, 'ukuyireku mekaniyuta'una tsiriyutsixi mete'uku'eirieka yu'ixuriki kiyarite meta yukawayutsixi metatsiere yupuxuri. Mana memakutekai mekatenuuku'eirieni yaxeikia reukupikame, mekaniyuta'una memikakwi'iwaki.

⁸ Kepauka nawi kwiniyayari memexeiya memita'axia tsiriyutsixi memakutekai, xeime 'ixuriki kiiyarita mekaneutahaxiani. 'Ari mete'ukwaka mete'u'ieka, muwa mekate-newayetini pirata, huru meta kemarite, hiki miki tinaime mekatenuiti'awieta. Hutariekata me'u'axiaka xeimetata mekaneutahaxiani, muwata yaxeikia waikawa mekatenuitaxeiya piinite meta miki mekatenuiti'awieta.

⁹ Hiki mipai mekatenuyuxatiani yunaiti:

—Neuxei 'aixia tepikateyurie. Pauyewetse matsi 'iki 'aixia miti'ane temitetaxataki, peru

wa'ati tepite'anukanama. Xika kahekiareyuke yate'utiyuani, tahetsie pīrahīyani. Hikimi hiki kwitiwa tekanihuni ti'aitame kiiya manuwe, yatemitehetaxataki.

10 Hiki mekanekine kiekaritsie mana mekateniwaretaxatiani kitenie tehiwemete. Mipai mekateniwarutahiawe: «Tame tsiriyutsixi memakuteitsie tekanekukinixiani, peru teiteri mepemawe waniuki tepikahe'eni. Kawayutsixi xeikia meta puxuri mana mepewitikatei. Meta 'ixuriki kiyarite yaxeikia pīrekuwetika hakewa metiwewiyaxia».

11 Hiki kiekari kitenie tehiwemete, kememite'uxatīariekai karima mipai mete'uhiwati, ti'aitame kiita paiti mekaniye'axiani.

12 Tsepaneti muyiwikai, ti'aitame mana kiekame 'anukukeka mipai katiniwarutahiawe yuparewiwamete:

—Xekeneneu'eni nepitixetaxatiani, miki tsiriyutsixi kememiteyuriku tahepaitsita. Mipai memitemateki, tame temiyehaakakwitiweki, 'ayumieme mekananuku'uni memakuteitsie yupiinite mete'uku'eirieka, peru miki mekaneyu'awietani yeuta paiti. Mipai mepite'uyuri temiwayekineki mipai memitatetiwiayaki meta memeutahaxianiki takiekaritsie.

13 Xewiti kuyaxi tiwa'aitiwame mipai katini-tahiawe:

—Hipati teiteri meke'anuyekine, meyu'auxiwime kawayutsixi mewarahapati 'akuxi 'uwa memuyuhayewatiwe. Xika mehekwi'iwa 'iki, yaxeikiata tameta tanaiti

'ixaheritsixi tekanikwi'iwakuni. Tsiparatsi tepiwaranuni'ani yatemitehetimaniki.

14 Hiki 'ana yapauka teiteri hutame kaxeta mekaniwarukuha'aritiai me'enawitia kame kawayutsixi, hiki ti'aitame tsiriyutsixi memakutekaitsie kaniwareni'ani, yamemitehetimaniki memetiniereki.

15 Miki Kurutani paiti mewaruyeikirimeti mekaniyenuaxiani, 'ana miki mekate-niukaxeiya naime huye 'utia kemarite meta naime tita mirahete mexiitirikaki tsiriyutsixi memite'ukaxiri. Hiki ni'arie kate mehakunuaxiaka ti'aitame yamekateniutaxatiani,

16 hiki 'ana tsamariyataru mekanayekine tsiriyutsixi wapiinite metetipinike. Yawé niukieya kemainekai, mipai mekateniutinaneni, xeikakuniyari tiriku harinayari 'aixia mi'ane mekaninanekaitini xeipiratayariki, meta huta kakuniyari tsewara yaxeikia xeipiratayariki.

17 Ti'aitame mipai yuparewiwame katiniuta'aitiakaitini kiekari kitenieyaritsie mititahikaki, peru mana teiteri mekanitimu'utara memiyumiirekaiki, 'anari miki kaniutatimaiyarieni, mipai katinaye'atarieni tewi Kakaiyari hetsia mieme kemainekai kepauka ti'aitame meikuxeitsie.

18 Mipai katiniiyini, tewi Kakaiyari hetsia mieme ti'aitame mipai katiniutahiawekaitini: «'Uxa'a ximeri 'ipai 'upaukakaku Tsamariya kitenieyaritsie, piyiwani minanaiyani xeikakuniyari tiriku harinayari 'aixia mi'ane xeipiratayariki, meta huta kakuniyari tsewara

yaxeikia xeipiratayariki»,

¹⁹ 'ana ti'aitame ti'uximayatsiriwame mipai kaniutayikaitini: «Mipai pepikahaineni. Xika Yawé naime muyuawitsie reuyepiexianike, yaxeikia 'atsipikatiyini». Tewi Kakaiyari hetsia mieme mipai katinitahiawekaitini: «'Eki peninierimiki 'ahixiteki, peru miki 'eki pepikatitikwani».

²⁰ Hiki mipai katinaye'atarieni: teiteri meyumireti mekanitapina kiekari kitenie, hiki mana kaniumini.

8

*'Ukaratsi Tsuneni kiekame yukwie
kemitiyetuiriyarie*

¹ Merikitsi, 'Eritseu 'ukaratsi mipai katiniutahiawekaitini nunutsi xeime menutanieritiirikai: «Kenemie, 'aniwe meta 'akina xeyunaiti tsepa hakewa, Yawé mipai kanaineni haakaxa waikawa kanayeimiki 'iki kwieyaritsie 'atahuta wiyari kaniyurimiki».

² Hiki 'ana 'ukaratsi kaneyani tewi Kakaiyari hetsia mieme kemititahiawekai, mekanekine yuniwe meta yikina meyunaiti piriitsiteutsixi wakwieyaritsie paiti, mana 'atahuta wiyari mekaneyurieni.

³ 'Atahuta wiyari 'anuyeyaku, kepauka piriitsiteutsixi wakwieyaritsie heyeyaka munua, 'ukaratsi ti'aitame hetsia kaninuani, 'itawawirienike yukwie meta yukii miyetuirieniki.

⁴ 'Anatsieta ti'aitame katinikuxatakaitini Kihetsi matia, tewi Kakaiyari hetsia mieme ti'uximayatsiriwame hamatia, mipai

katiniku'iwawiyakaitini: «Kenetineutaxatia naime 'Eritseu mamariwawemeki kemitiyuriene».

5 Hiki kepauka Kihetsi ti'aitame mitikuxaxatiwakai 'Eritseu nunutsi kemiranutanieritia mumikai hepaitsita, 'ana kwiti 'ukaratsi kaninuani ti'aitame hetsia mipai titawawirienike para mitiyetuirieniki kwieya meta kiya. Hiki 'ana Kihetsi mipai kaniutayini:

—Neuxei neti'aitiwame, 'iki 'ukaratsi pihiki meta 'iki pinu'aya 'Eritsehu menutanieritia.

6 Hiki ti'aitame 'ukaratsi kaniuta'iwawiya, mikita naime katinitaxatiani. Merikite ti'aitame xeime tiyu'uximayatsiriwame puhiritia miparewieniki, mipai katinita'aitiani:

—Naime tita mitipinieyatikai ketineyetuiri, meta kwieyatsie mitiutixuawerixi, naime 'atahuta wiyaritsie timieme.

Tsiriya'sie ti'aitame Katsaheri

7 Merikitsi 'Eritseu Ramatsiku kaneyani. Weni-'Arari Tsiriya kwieyaritsie ti'aitame, katinikuyekaitini, kepauka tewi Kakaiyari hetsia mieme mutamari kename nuakai,

8 hiki Katsaheri mipai katiniutahiawe: «'Imikieri ketinepitia tewi Kakaiyari hetsia mieme. Kepauka hetsiana pemeye'ani, 'Eritseu keneta'aitia Yawé meta'iwawiyaki nehetsiemieme yanemiretimaniki xika 'aixia netika'erimiki mexika katixaitini».

9 Hiki Katsaheri 'Eritseu hetsia kaneyani, 'imikieri re'ikatsirietì 'aixia miti'anene Ramatsiku timieme, huta tewiyari kameyutsixi wahetsie re'ikatsirietì. Kepauka munua hetsiana mipai katinitahiawe:

—Weni-'Arari, mati'uximayatsiriwame
Tsiriya kwieyaritsie ti'aitame, kaneneyeni'ani
nemimatsita'iwawiyaki xika waniu 'aixia
tika'erimiki.

¹⁰ Hiki 'Eritseu mipai katinita'eiya:

—Kenemie mipai ketinetaxatia 'aixia
pitika'erieni, peru Yawé mipai kanetinahaweni
yaxeikiata tsiere kanimimiki.

¹¹ Hiki 'Eritseu kwi Katsaheri xeiya
katiniukeni, hiki Katsaheri kaniuyutitewiya. 'Ana
tewi Kaka'yari hetsia mieme kaniutatsuani.

¹² Katsaheri mipai katinita'iwawiya:

—ζKetitayari petiutatsuaka neti'aitiwame?

Mipai katiniuta'ani:

—Ne yanekatinimaika waikawa 'ixaheritsixi
kepemitiwakwinitiani. Wakiekarite pekaniti-
taiyamiki, waniwema temari pekaniwakwimiki
'ixiparaki, tiiri pekaniwatixitemiki meta
'ukarawetsixi memayehukatika wahukatsie
pekaniwatixitemiki waniwema memikwiniki.

¹³ Katsaheri mipai kaniutayini:

—Ne matsi tixa'iti nepikatihiki, ne
mati'uximayatsiriwame, tsiki haweri mi'ane
nepihiki. ζTitayari mipai petiku'eriwa nehapaitsita,
kename 'axami'aneki neyiwe?

'Eritseu mipai katinita'eiya:

—Yawé mipai kanetiniutahawe kename Tsiriya
kwieyaritsie ti'aitame pe'ayani.

¹⁴ Katsaheri 'Eritseu 'utateutiaka kaneyani
ti'aitame hetsia. Kepauka Weni-'Arari
mita'iwawiyaxi 'Eritseu kemireitahawekai,
Katsaheri mipai katiniuta'ani:

Mipai pīnerahiawekai kename 'eki 'aixia petika'erieni.

¹⁵ Peru 'uxa'arieka ximeri 'ixuriki 'utihurieka 'itahawiyaka, ti'aitame kananukaweririeni hixiena, 'ana ti'aitame kaniūmini. 'Arike mipai tiuyiku Katsaheri ti'aitame kanayani 'utimana.

*Kurani, Kuratsie ti'aitame
(2Te 8:16-24 - 2Kem 21:5-10, 20)*

¹⁶ Merikitsi Kurami 'Akawi nu'aya 'auxiwime wiyari ti'aitakaku 'Ixaheri kwieyaritsie, Kurani Kutsapati nu'aya Kura kwieyaritsie kanitsutiani ti'aitati. Kurani pitsutia ti'aitati 'Ixaheritsie kepauka miti'aitakai Kutsapati Kura kwieyaritsie.

¹⁷ Xeitewiyari heimana tamamata heimana huta wiyari pexeyakai kepauka mitsutia ti'aitati, hiki katiniuta'aita Kerutsareme kiekariyaritsie 'atahaika wiyari.

¹⁸ Kurani Yawé kemikatinake katini-uyurieni, 'Ixaheri kwieyaritsie te'aitamete ke'axamemite'uyuri mipai pitikatia, 'Akawi niwemama ke'axamemite'uyuri wahepai, metatsiere 'Akawi nu'aya 'uka kaniutiwitini paiti.

¹⁹ Peru Yawé pika'uyuwairi mika'una Kura kwieyari ti'uximayatsiriwame Rawiri ma'eriwakaiki, mipai mititahiawekaiki kename kixeme yuheyemeki takakakai hetsiena mieme meta nuiwarimama wahetsiemieme.

²⁰ Kepauka Kurani miti'aitakai, 'erumitsixi mekanayutsana Kura hetsie metewiyati, yuxaita ti'aitame mekananukakeni yuhetsiemieme.

²¹ 'Ayumieme, Kurani kaneyani Tsahixi hepa yunaime kaxetate kuyaxa miemete warahapati. Hiki 'erumitsixi Kurani warita mekanayaxetikine

meta kaxetate kuyaxa miemete wani'awamete tewa'aitiwamete wawarita, peru tikariki Kurani kanitaxeiya hakewa meuyehani, peru kuyaxi-mama yuxexuiti mekaneutayeixiani.

²² 'Anatiti mitiyehane 'Erumi kwieyari Kura kwieyaritsie pikatiwiya, metatsiere yaxeikia Ri-wina kiekariyari kanayutsana miki miya memiyi wahepaitsita.

²³ Kurani ti'aitakaku kemitiuyi, meta naime kemitiuyuri, naiti katinaka'utarieni kemitiuyi xapayaritsie Kura kwieyaritsie te'aitamete waxapat-sie.

²⁴ Kepauka Kurani mumi, kaniukateukieni yu'ukiyarima wahamatia Rawiri kiekariena. Hiki nu'aya 'Ukutsiyaxi kanitsutiani ti'aitati 'utimana.

*'Ukutsiyaxi, Kuratsie ti'aitame
(2Te 8:25-29 - 2Kem 22:1-6)*

²⁵ Merikitsi 'Ukutsiyaxi Kurani nu'aya kanit-sutiani ti'aitati Kura kwieyaritsie, kepauka Ku-rami 'Akawi nu'aya tamamata heimana huta wi-yari miti'aitakai 'Ixaheri kwieyaritsie.

²⁶ 'Ukutsiyaxi xeitewiyari heimana huta wiyari kanexeiyakaitini kepauka ti'aitati mitsutia, hiki Kerutsareme xeiwiyari katiniuta'aita. Warut-sieya 'Atahariya pihikitikai 'Umiri teukarieya, 'Ix-aheri kwieyaritsie miti'aitametikai.

²⁷ 'Ukutsiyaxi Yawé kemikatinake katini-uyurieni, 'Akawi niwemama ke'axamemite'uyuri wahepai katiniuyurieni, miki miwa'iwatikaiki.

²⁸ 'Ukutsiyaxi, Kurami 'Akawi nu'aya matia, kaneyani Xamuti Karaha kwieyaritsie Katsaheri memetamieniki Tsiriyatsie ti'aitame, peru

kepauka memiwakwitiwekai tsiriyutsixi Kurami mekateniukwinitiani.

²⁹ 'Ayumieme ti'aitame Kurami kanakunuani Ketsireri paiti, mana meyuyutianiki Xamuti* kiekariyaritsie tsiriyutsixi memiteheikwinitiaiki, kepauka meyutami Katsaheri hamatia, Tsiriyatsie ti'aitame. Hiki Kurami 'Akawi nu'aya mitiuka'eniwakaiki Ketsireri 'ukaiti, 'Ukutsiyaxi Kurani nu'aya, Kura kwieyaritsie ti'aitame, kaneiku'iwata.

9

Kehú 'Ixaheritsie ti'aitame mayaniki kemiranayexeiyarie

¹ Merikitsi heiwa Kakaiyari niukameya 'Eritseu xeime Kakaiyari niukameya kaniuta'inieni, mipai katinitahiawe: «'Aixia keni'akuyuri yatewa pemimieki. Ka'i 'iki puteyu huriwa hatseitiyari mayema, kenemie Xamuti Karaha kwieyaritsie.

² Kepauka mana pemeta'ani, Kehú mititewa kenetiwawa Kutsapati nu'aya Nimitsi teukarieya. Hetsiana keneye'axi tsepa hakewa mekani, kenanaye'ini xika hipame wahamatia hekani, kenanuwitiki kiita paiti.

³ Hiki muwa huriwa hatseitiyari pehewati-haname kimana mu'uyatsie kenekawiri meta mipai ketinetahiawi: “Yawé mipai kanaineni: ‘Hiki nekamenanayexeiya 'Ixaheri kwieyaritsie ti'aitame pemayaniki’ ”. Hiki 'ana kwitiwa kite-nie pereuyepieme kene'ata'una, kenamie pekahe-wakekati».

* 8:29 8:29 Xama mititeriwata piyiwe.

⁴ Hiki kanayeyani temaiki Kakaiyari niukameya kaneyani Xamuti Karaha kwieyaritsie paiti.

⁵ Kepauka munua mana, kaniwarutaxeiya meyuxeirikame kuyaxi wa'ukiyarima, mipai katiniwarutahiawe:

—Ne kuyaxi wa'ukiyari nepitikuxatiane.

Kehú mipai katinita'iwawiya:

—¿Kemi'ane yemeki pepitikuxatiane tame?

Kakaiyari niukameya mipai kaniutayini:

—'Eki yemeki, kuyaxi wa'ukiyari.

⁶ Kehu 'anukukeka kaneyani yukiita paiti. Hiki Kakaiyari niukameya muwapaiti hatseitiki kaneika'iya, meta mipai kaniutayini:

«Yawé mipai kanaineni, 'Ixaheri Kakaiyarieya: “Hiki temeniuka'iya 'Ixaheri kiekariyaritsie pemitita'aitaki.

⁷ 'Eki pekaniwaka'unamiki 'Akawi tiiriyamama, mipai mektenayukatuakuni Kakaiyari niukametemama wahetsiemieme. Ketsaweri xetekwinitati, nete'uximayatsiriwamete wahetsiemieme.

⁸ Yunaiti 'Akawi tiiriyamama mekanaku-mawerikuni yunaime 'Ixaheri nuiwarimama manuniere memitama nekaniwareuyehiamiki, wairiyarika ti'uximayatame meta memixixini.

⁹ Yaxeikia nekaniwayurimiki, hipame nemiaruyuri hepai Keruwuhani niwemama Nawati nu'aya, yaxeikia Watsaha niwemama 'Ahiyaxi nu'aya.

¹⁰ Ketsaweri hetsiemiemeta, tsikiri mekan-itakwaikuni Ketsireri maku'etsatsie meta xewiti miki pika'ikateuku”».

Hiki reuyepieka kitenie Kakaiyari niukameya kaniyuta'una.

¹¹ Kepauka Kehú miwayetia yu'iwama kuyaxi wa'ukiyarima wahetsia nuanike, xewiti miki mipai katinita'iwawiya:

—¿Kereyi? ¿Ketita rayexeiyakai miki ruku?

Kehú mipai kaniutayini:

—Xemerí 'ari xepimate meta xekanimaikari kemitiuxaxata.

¹² Iwamama mipai mekatenitahiawe:

—Pepitiku'itawa. Yuriki ketatineutaxatia.

Kehú mipai katiniwarutaxatiani:

—Miki mipaitsi kanetinetaxatiani: “Yawé mipai kanaineni: ‘Hiki ne nekamenanayexeiya 'ixaheritsixi tiwa'aitiwame pemayaniki’ ”.

¹³ Hiki yapauka, yunaiti mekaniyukumexitiani yu'ikari manutiyantsie mekanikaweraxiani Kehú hetia. Hiki meta kuxineta me'utahitsieka mipai mekateniuhiwa: «Kehú ti'aitame kanihikitini».

*Kehú kemitiwarukwi Kurami meta 'Ukutsiyaxi
(2Te 9:21-29 - 2Kem 22:7-9)*

¹⁴ Hiki Kehú Kutsapati nu'aya Nimitsi teukarieya, tiyu'aitiwame Kurami 'aye'unieti kanayani. Ti'aitame Kurami yunaime yukuyaxima 'ixaheritsixi wahamatia Xamuti Karaha kwieriyatsie nuati kaniyumienekaitini Katsaheri Tsiriyatsie ti'aitame kanimienekaitini,

¹⁵ peru kaneyakaitini Ketsireri paiti mana meyuyutianiki tsiriyutsixi memite'ikwinitiaikaiki mewakwitiwekaku. Hiki Kehú kemi'ane hetsiena memitewiyakai mipai katiniwarutahiawe: «Xika xeme yaxeteha'eriwani ne ti'aitame nemayaniki,

nixeime xepikapitiaka manuyeyeikani kiekaritsie, kapa reuxatamieniki Ketsireri».

¹⁶ Hiki Kehú kananutiyerini yukaxeta kuyaxa miemetsie kaneyani Ketsireri, mana mekateiki Kurami tikuyeti. Metatsiere 'Ukutsiyaxi Kura kwieyaritsie ti'aitame mana pekatei, mana peyakai Kurami ku'iwataneti.

¹⁷ Kepauka kiekari hiweme Ketsireri tuxiyu-yaritsie paiti 'akaweti muwaruxei Kehú kuyaxi-mama 'ame'ahukame, mipai katiniuhiwa:

—Hipati Kuyaxi tahepa mekanahuni.

Hiki Kurami mipai katiniuta'aita:

—Xeime keneta'inieka kenetani'a 'anutiyerime kawayutsie miwaranukunakeki kuyaxi muwareta'iwawiyaki xika 'aixia 'iyari mekiyiaka.

¹⁸ Hiki xewiti kuya 'anutiyerika kaneyani Kehú kananukunake, mipai katinita'iwawiya:

—Ti'aitame piremaimiki xika 'aixia 'iyari xekiyiaka.

Kehú mipai katinita'eiya:

—'Eki pepikatatsiha'iwawiyani xika 'aixia 'iyari tekiyiaka. Ta'utima keneukexi.

Hiki kiekari hiweme mipai kaniutayini:

—Temitani'a kaniuye'anititi wahetsia, peru nepika'ixeiya 'apita hamiekame.

¹⁹ 'Ayumieme, ti'aitame tawari xeime kaneni'ani kawayutsie 'anakaime, mikita kaniwaranukunake, yaxeikia mipai katiniwaru-tahiawe:

—Ti'aitame piremaimiki xika 'aixia 'iyari xekiyiaka.

Kehú mipai katinita'eiya:

—'Ekita pepikatatsiha'iwawiyani xika 'aixia 'iyari tekiyiaka. Ta'utima keneukexi.

²⁰ Tawarita kiekari hiweme mipai kaniutayini:

—Temitani'a kaniuye'anititi wahetsia paiti, peru yaxeikiata miki nepika'ixeiya 'apita hamiekame. Meta kaxeta mana mani'axime Kehú Nimitsi nu'aya hepai pitimatsiiki, ruku hepai kaniwayiximeni tahepa.

²¹ Hiki Kurami mipai kaniutayini:

—Nekaxeta kuyaxa mieme xekenekuha'arita.

Hiki kaniukuha'aritiyarieni. Yapauka Kurami, 'Ixaheritsie ti'aitame, meta 'Ukutsiyaxi, Kura kwieyaritsie ti'aitame, yuxexuiti yukaxetate mewaruhapati, mekanayekine hiki Kehú mekananukunake Nawuhuti Ketsireri kiekame kwieya makumatsie.

²² Kepauka Kurami Kehú muxei, mipai katinita'iwawiya:

—Kehú 'aku, ¿'aixia 'iyari petikiyiane?

Mikita kanita'eiya:

—¿Tiyiwekuta mipai mete'aneaku kakaiyarixi, 'aixia 'anekameki peminuani, 'amaama katiniyukewaiyani Ketsaweri?

²³ Kurami ta'aurie kanaweni yuta'unake, mipai tiuhiwati:

—'Ukutsiyaxi, 'iki tatsi'uku'eirieka piyiane.

²⁴ Peru Kehú yutupi karima kanahapani Kurami kaniutamini kani'axe warieyatsie, 'iri 'iyarieyatsie kaniuyekeni. Kurami kanatiweni mikiti yukaxetatsie,

²⁵ hiki Kehú yuparewiwame Wirikaxi mipai katinutahiawe:

—Kenanukukweka kenehiwa, Nawuhuti kwieyatsie Ketsireri kiekame. Kenaye'eri kepauka 'eki meta ne te'uteti temuhukai 'Akawi Kurani paapaya 'utia, Yawé mipai kaniutayini miki hepaitisita 'iki xatati:

²⁶ “Takai 'ena nepixei, Nawuhuti xuriyaya meta niwemama. 'Ayumieme hiki mikiki pekatinayukatuamiki, 'ena 'axeikia. Ne, Yawé mipai nekanaineni”. Kenanukukweka kaxarieya, mana kenehiwa miki kwieyaritsie, mipai Yawé niukieya kemainekai.

²⁷ Kepauka 'Ukutsiyaxi Kura kwieyaritsie ti'aitame, munierixi kemitiyianekai, heitserie kaniyuta'una Weti Hakani paiti. Peru Kehú kanenukuweiya, mipai katiniuta'aita:

—Mikitsiere xekenemi'a.

Hiki kaniumiyani yukaxetatsie 'atiwetí Kuxi me'ukahuti hehurakaku 'Twurehami, peru miki ya'aneti 'akuxi kaneta'ani, Mekiru paiti mana kaniumini.

²⁸ Mikiri 'iparewiwamete memeweiyakai, kaxarieya mekanekweni Kerutsareme paiti, Rawiri kiekarieyatsie, mana mekaneikateuku 'ukiyarimama wahamatia.

²⁹ 'Ukutsiyaxi pitsutiakai ti'aitati kepauka tamamata heimana xewi wiyari miti'aitakairi Kurami 'Akawi nu'aya.

Ketsaweri kemitiumi

³⁰ Kepauka Ketsaweri mitiutamari kename Kehú 'uhamiekai Ketsireri kiekariyaritsie, miki yuhixita katina'utiaxiani, kaniuyukatsike hiki kitsie wapaiti kananierekaitini mahekiatsie.

³¹ Kehú kepauka meutaha kiekari kitenieyaritsie, Ketsaweri mipai katinita'iwawiya:

—¿Keperaka'iyuniwa Tsimiri, mati'aitiwame pemumi?

³² Kehú kii heima 'etsimayewatsie heutiniereka, mipai katiniuhiwa:

—¿Kemi'ane pinetsiparewie? ¿Kemi'ane?

Hiki mana mekaniukine kuyaxi yuhutati yuhaikati,

³³ hiki Kehú mipai katiniwaruta'aitiani:

—Mana xekenakahíwa.

Hiki mipai mekateniuyurieni, xuriyaya 'ixumeritsie paiti kaniukaxirieni meta kawayutsixi memitaketsi wa'ikate kaniutiwiriere.

³⁴ Hiki Kehú miki kiekaritsie kaneutahani katiniukwani meta katiniu'ieni, 'ana mipai katiniuta'aíta:

—Xekenehu 'ukaratsi 'axatiyuruwame kaxarieya xekenexeiyayu, xekenekateuki, ti'aitame nu'aya kanihikitikaitini.

³⁵ Peru kepauka meheikateukuke memeki, mu'uya 'umeyarieya xeikia mekanetaxeiya, 'ikateya meta mamateya.

³⁶ Hiki mekanakunuaxiani Kehú metetaxatianike, hiki miki mipai kaniutayini.

—Yakatinaye'ani Yawé kemutayi ti'uximayatsiriwame 'Eriyaxi Titsiwe kiekame kemititahekiataxi, mipai kaniutayini: “Ketsireri kwieyaritsie tsikiri Ketsaweri kaxarieya mekanitakwaikuni”.

³⁷ Mipai katiniyini, Ketsaweri 'umeteya heyakia kaniuyuhayewa tewaxi wakwitarai hepai yeuta Ketsireri kwieyaritsie, xewitu pikayiwekai mipai mitayini: “Iki pihiki Ketsaweri”.

10

Kehú 'Akawi niwemama kemitiwarukwi

¹ Merikitsi 'Akawi yuniwema, kaniwarex-eiyakaitini haika tewiyari heimana tamamata Tsamariya memítitekai. 'Ayumieme Kehú xapa kaniwareni'airieni, miki kiekaritsie memíte'aitamatetikai, 'itsikate wahetsia, 'ukirawetsixi te'ikitamete 'Akawi niwemama. Xapatsie mipai re'ukame:

² «Xeme 'Akawi niwemama xekaniwarex-eiyani, wakawayutsixi meta kaxetate kuyaxa miemete meta piinite kuyaxa timieme xepitehexeiya, meta kiekari 'aixia pi'ane. Merikite kepauka 'iki xapatsie xemitehetamarieni,

³ xeime xekenanayexeiya, matsi waikawa yiweme, 'Akawi nu'aya mana keyuhahewani yupaapa 'uwenieyatsie. Perutsi xekeneyukuha'aritiwani para temiwatakwiniki mati'aitiwame tiiriyamama».

⁴ Peru miki waikawa mekaniutimamani mipai mekaniutiyuani: «Yuhutati te'aitamete mepikahe'iwaxi, tameta matsi, yaxeikia teme'iwa tepikayiwekaxiani».

⁵ 'Ayumieme, paratsiyuta mihiritiariiekai meta kuwexinaruri miki kiekariyaritsie mieme, 'ukirawetsixi meta 'Akawi niwemama wahiwemete yunaiti me'uyu'enieka, 'iki niuki Kehú mekaneni'airieni: «Tame mate'uximayatsiriwamete tepihiki, tame yatepítekakine 'eki kepemítayini. Tame xeime ti'aitame tepika'anukakeni. 'Eki kemimatinake yaketineuyuri».

6 Hikí Kehú hutarieka xapa kaniwareni'airieni, mana mipai katiniwarahiawekaituni: «Xika xeme xenetsiparewieka meta yemeki yuriki xeyuwairiyani yaxemitekakine kenemitayini, 'uxa'a xekenahu Ketsireri kiekariyaritsie 'ipai 'upaukakaku meta 'Akawi niwemama wamu'ute xekenene'atiri».

Ti'aitame niwemama haika tewiyari heimana tamamata memuyupaimikai, kiekaritari memanuyetei wahamatia mepititeikai, miki mepuwawaweriyakai.

7 Kepauka miki xapa memi'atiriyarie, yunaime ti'aitame niwemama mekaniwarutiwiya, mekaniwaranutiwitexiani. Hikí mu'ute kiriwatetsie mekayatsaka Kehú mekaneni'airieni Ketsireri mekatei.

8 Xewiti ni'ariekame kaninuani Kehú hetsia katinitaxatiani kename 'ari 'Akawi niwemama wamu'ute he'atariakai. Hikí Kehú katiniuta'aita hutakia mitixeriyani miki mu'ute kiekari kitenieyaritsie meta mana keyuhayewanike 'uxa'ariekakeri.

9 'Uxa'arieka ximeri kaniwayeyani Kehú, yunaime kiekatari wahixie kaniutakeni, mipai kaniutayini: «Xeme 'atsixepikateyuruwamete. Nepita neti'aitiwame nepuku'eiri, ne nepimi. Peru ¿kemi'aneta puwarukwi 'iki yunaime?

10 Matsi mipai xeketenemaika, Yawé kemutayi 'Akawi tiriyamama wahetsiemieme, miki naiti paye'atarieni, meta Yawé yapitiuyuri tiyu'uximayatsiriwame 'Eriyaxi kemitiutahiawekai».

11 Mipai 'utayika Kehú yunaime kaniwarukwini, memiyuhayewatiwekai 'Akawi

niwemama Ketsireri kiekariyaritsie, meta yunaime teiterimama memimamariwawekai meta memihamikumamatikai metatsiere mawari memiwewirietiwekai. Miki yunaime xeime 'ayeniereme tima pika'uhayewaxi.

¹² 'Ariketa Tsamariya kaneyani, hiki huyeta 'umieti Weti-'Ekeri muxatsi wahiwemete memati'uxipiwe kaniye'ani,

¹³ mana kaniwarukaxeiya 'Ukutsiyaxi Kura kwieyaritsie ti'aitame 'iwamama.

Kehú mipai katiniwaruta'iwawiya:

—¿Xeme kemi'ane xepiyia?

Miki mipai mekaniutiyuani:

—Tame 'Ukutsiyaxi 'iwamama tepihiki, tame tepeyeki ti'aitame meta Ketsaweri waniwema tewata'iwatake.

¹⁴ Hiki Kehú mipai katiniuta'aia:

—Me'ayeneniereme xekeniwarutiwiya.

Hiki mewarutiwiya mekaniwaranutixi-texiani putsu Weti-'Ekeri 'aurie. Miki huta tewiyari heimana huta mekaniyupaimekaitini, miki yunaime Kehú kaniwarukwini nixeimetima kapuhayewaxi.

¹⁵ Kepauka Kehú mana miyetia, Kunarawi Xekawi nu'aya kananukunake huyeta, hetsiana heuyaka kaniyianekaitini. Kehú kanitahiawe meta mipai katinita'iwawiya:

—¿'Aixia 'iyari penetixeiya, ne kenemimatixeiya hepai?

Kunarawi mipai katinita'eiya:

—Ne 'aixia 'iyari nepimatsixeiya.

Kehú 'ana mipai katinitahiawe:

—Xika mipai 'aneni, kena 'amamá.

Kunarawi yumama kaneutatsera, hiki Kehú yukaxetatsie 'enutiyeke,

¹⁶ mipai katinitahiawe:

—Hikimi nehamatia kenemie, pemiretimaniki Yawé waikawa kenemitinaki'erie.

Hiki 'ana kaneitini yukaxetatsie.

¹⁷ Yapauka Kehú Tsamariyatsie nuaka, yunaime kaniwarukwini 'Akawi niwemama, meyunaima keyupaimeti memiyuhayewatiwekai, Yawé kemutayikai 'Eriyaxi kemirahiawekai.

Kehú Wahari memayexeiya kemiwarukwi

¹⁸ Merikitsi Kehú yunaime teiteri kaniwarukuxeiieni mipai katiniwarutahiawe: «'Akawi 'etsiwaxeikia Wahari kakaiyariyari payexeiyakai, matsi Kehú waikawa heyexeiya payani.

¹⁹ 'Ayumieme, yunaime Wahari niukame-temama xekeniwaruta'ini, yunaime kemi'ane memeyexeiya meta kemi'ane mawari memiwewiriwamete. Yunaiti miki xewiti pikahauyeweka, kariki Wahari nekatiniti-mawiriemiki yemeki mariwemeki. Kemi'ane meheuyeweti memakine mekanikwikuni». Matsi yaki putainekai Kehú, pita Wahari kemi'ane memayexeiyakai yunaime wakwinike putainekai.

²⁰ Metatsiere mipai katiniuta'aia: «Xeime tukari xekenanayexeiya temuyukuxeirieniki Wahari hetsiemieme». Hiki mipai katiniuyini.

²¹ Kehú naitsarie 'Ixaheri kwieyaritsie yuni'arima miwareutani'axiaki, yunaiti Wahari memayexeiyakai mekanu'axiani, nixewiti

kapauyewekai. Mepiyumiirekai memayeixia, Wahari tukita mepihinekai kemuyeyeukai.

²² Kehú kemarite ti'utame katiniuta'aitiani muwayehurieniki kemarite witsimi'anene Wahari memayexeiya wahetsiemieme, hiki miki mipai katiniuyurieni.

²³ Kepauka Kehú meta Kunarawi Xekawi nu'aya matia memeutahaxia Wahari tukieyata, Kehú mipai katiniwarutahiawe muwa memiyuxeiriekai: «Xekeneuyu'iwiya 'uwa xetsata pumaweni Yawé memayexeiya, Wahari xeikia xemayexeiya xepayeteni».

²⁴ Hiki miki kepauka memeutahaxia mawari mehewewiexianike meta mawari taiyariyari.

Kehú kitenie kaniwaru'uitiani yukuyaxima nauka tewiyari, mipai tiwarahiaweti: «Xeme 'iki teiteri wahetsiemieme xekatenayukatuakuni, xika xeme xewiti miki xeime 'utayutsitiani, kanimieriemiki».

²⁵ 'Arike miki kepauka memite'utahayewaxi mawari taiyariyari mewewieti, Kehú mipai katiniwaruta'aitiani kitenie tehiwemete meta kuyaxi wa'ukiyarima: «Xeneutahaxia xekeniwarekuya. Xeime xepikahetayuyutsitiwani». Hiki mekaniwarukwini 'ixiparateki meta takwa mekaniwarayexirieni, metatsiere kuyaxi Wahari tukita paiti mekaneutahaxiani,

²⁶ tete memeyexeyakai mekaniwayetuni muwa mayekatei mekanitataiya.

²⁷ Tete mewayehiaka metatsiere Wahari tukieya mekaniuka'una, hiki mana kwitame pita mekanayeitiani, hiki 'akuxi yaxeikia kane'aneni 'anapaititi.

28 Kehú mǐpǎi tiuyurieka katinakumaweriya 'Ixaheri kwieyaritsie tita Wahari hetsiemieme mitihikitikai.

29 Miyatiti, Keruwuhani Nawati nu'aya ke'axamitiuyuri mǐpǎi tiyurieneti patia, 'ixaheritsixi ke'axameteyuriekame muwarayeitia, tatsiari, turutsixi huruki memiwewiyatika mewarayex-eiyati memakiki Weteri kiekariyaritsie meta Rani kiekariyaritsie.

30 Hiki Yawé Kehú mǐpǎi katiniutahiawe: «'Aixia pekatiniuyurieni. Keminetinake mǐpǎi pekatiniuyurieni, yapekatiniuyurieni kenemitiku'eriwakai 'Akawi tǐriyamama wahepaitsita. 'Ayumieme, 'atǐriyama nauka nuiwariyari 'Ixaheri kwieyaritsie mepiteta'aíta».

31 Matsi, Kehú yu'iyariki yapikatikatia Yawé 'ait-sikayatsie 'Ixaheri Kakaiyarieya, pikatiuhayewaxi Keruwuhani ke'axamitiuyuri 'ixaheritsixi ke'axameteyuriekame muwarayeitia.

32 Merikite 'ana, Yawé kanitsutiani 'Ixaheri kwieyari 'etsitayeuriyarimeti. Katsaheri kani-warutikwitiyani 'ixaheritsixi naitsarie 'Ixaheri kwieyari maye'atikatsie:

33 Kurutani manuyekatsie tau manatineika hep-atsie, naime Karaha kwieyari, kwie hetsiena mematekai Kahari nuiwarimama meta Xuweni metatsiere Manatsexi, meta 'Aruhexi kiekariyari makuma 'aki 'Axinuni 'aurie ye'atikaiti, 'atsita Karaha meta Watsani kwieyaritetsie.

34 Hipatita kemitiuyi kepauka Kehú miti'aitametikai, meta naime kemitiuyuri ketitirikaityeti matia, naiti katinaka'utiarieni,

kemitiuyi xapayaritsie 'Ixaheri kwieyaritsie te'aitamete waxapatsie.

³⁵ Kehú kaniumini Tsamariya kiekariyaritsie kaniukateukieni. Nu'aya Kuhakatsi titewati kan-itsuti'ani hetsiena mieme ti'aitati.

³⁶ Kehú katiniuta'aíta xeitewiyari heimana 'atahaika wiyari Tsamariya 'ukaiti 'Ixaheri kwieyaritsie.

11

'Atahariya meta Kuhatsi

(2Te 11:1-21 - 2Kem 22.10-23.21)

¹ Kepauka 'Atahariya, 'Ukutsiyaxi maamaya, mipai miretima kename nu'aya hemikai, 'ana kan-itsuti'ani yunaima ti'aitame niwemama wakwiti.

² Peru 'uka Kutsawa, ti'aitame Kurani nu'aya meta 'Ukutsiyaxi 'iwaya, Kuhatsi kaniuti'awieta 'Ukutsiyaxi nu'aya kepauka ti'aitame niwemama 'ari memikwi'iwarimekai. Kaniti'awieta kiita kukutsumeta 'ukaratsi miweriyakai hamatia, 'Atahariya pika'itaxe, 'ayumieme pika'umierie.

³ 'Ataxewi wiyari Kuhatsi kani'awietikaitini 'ukaratsi miweriyakai matia Yawé tukita, mexixi 'Atahariya ti'aitakai miki kwieyaritsie.

⁴ Hiki 'atahuta wiyaritsie, mawari wewiwame Kuyara kaniwarutakwewieni kuyaxi wa'ukiyarima, meta kereteutsixi, metatsiere paratsiyuta te'iwiyamete, hixiena memiti'uniki Yawé tukita. Muwa tukita tiratu kaniuwewieni wahamatia meta mikita yuriki yamekaniutiyuani hixiena. Hiki 'ariketa ti'aitame nu'aya kaniwaruxeitsitiani,

5 hiki mīpai katiniwaruta'aitiani: «'Ipai xekateniyurikuni: Kemi'ane xemite'uximaya xawatiki miki xeiteritsiyari xeyupaimeti paratsiyu xekanitahiikuni,

6 hipatita xeiteritsiyari meyupaimeti, kitenie Tsuxi mititewa mekanitahiikuni, meta hipatita xeiteritsiyari memiyupaimeti kuyaxi waki warie makitenietsie mepitetahini. Tuki xepitahini xeyutixiriwati.

7 Huta 'ekipuyari xemihiki kemi'ane xawatiki xemikate'uximaya ti'aitame xekanitahiikuni Yawé tukieya manuwe.

8 'Ixipara xe'u'iti, ti'aitame warita naitсарie xekenawetikani, xika xewiti xemati'utsie xetsata heuyehakeni xekeneumi'a. Ti'aitame yuxaitame xepikakuhayeikawani, tsepa kemitikuyeikani».

9 Kuyaxi tewa'aitiwamete yamekatenikakine naimetsie mawari wewiwame Kuyara kemitiwaruta'aitia. Yuxexuiti yuteiterima mekaniiwarukuxeriexiani, memite'uximayakai xawatiki meta memikate'uximakai yunaiti, hiki Kuyara hixie mekaniti'uni.

10 Hiki Kuyara kuyaxi tewa'aitiwamete katiniwarutapitiani pitsikate meta tepia yuhetsie nunuwame Rawiri mitipinieyatikai, miki kani'utsiekaitini Yawé tukita.

11 Hiki yupitsika me'u'iti, kuyaxi ti'aitame warita mekanaketikine, mawari taiyame 'aurie, meta tuki hixie tserietana mekaniuuka'uni 'utatana meheutiyuneti.

12 Hiki Kuyara ti'aitame nu'aya kaniwayewitini, kuruna kanenutimanirieni meta xapa tiratu 'aye'ukame kaniyetuirieni. Kwitita hatseiti

mekanikawirieni, hiki yunaiti yumamaki mekatenuitapini, mipai mete'uhiwati: «Ti'aitame».

¹³ Kepauka 'Atahariya kuyaxi meta teiteri wahiwari mu'eni, kaneyani Yawé tukieya manuwe, hakewa teiteri meme'uwakai.

¹⁴ Kepauka munierixi tuki hixie wurunitse 'ikitsaraiyari 'aurie ti'aitame mutiwekai, kememite'uhukai hepai, meta kuyaxi wa'ukiyarima meta teyuitiwamete 'auriena meti'ukame, metatsiere yunaiti teiteri meyutemamawieti kuxineta me'utihitsiwame, 'ana 'Atahariya yukamixa kaneukatsana meta mipai katiniuhiwa:

«Xepinetsi'uku'eiri, xepinetsi'uku'eiri».

¹⁵ Hiki mawari wewiwame Kuyara, yakati-naki'erieti Yawé tukita mimierieniki, kuyaxi tewa'aitiwamete mipai katiniwaruta'aitiani kuyaxi memihiritiariekai: «Xekenanuyehani xemati'utsie, meta xika xewiti heimana henuaka, xekenemi'a 'ixiparaki».

¹⁶ Hiki mekanowiya meta paratsiyu manuwe mekaneihana kawayutsixi memanutakikatsie, mana mekanimieni.

¹⁷ Hiki Kuyara tiratu kaniuwewieni Yawé matia, ti'aitame meta teiteri Yawé teiterimama memihikitiniki, meta tiratu kaniuwewieni ti'aitame matia teiteri wahetsiemieme.

¹⁸ Hiki yunaiti teiteri mekanekine tuki Wahari hetsiemieme manuwe, hiki mekanika'una. Mawari matitaiyariwa mekanuuti'una meta kakaiyarixi memiwewiyatika, meta mawari taiyamete hixie Matani mekananutixiteni mawari wewiwame Wahari hetsiemieme.

Mawari wewiwame Kuyara kuyaxi tehiwemete kaniwaru'uitiani Yawé tukita,

¹⁹ meta kuyaxi tewa'aitiwamete warawititi meta kereteutsixi, kuyaxi tehiwemete meta yunaiti teiteri wahamatia, ti'aitame kanewitini paratsiyu manuwe paiti Yawé tukieya manuwe miyewiti. Mekaneutahaxiani yunaiti kitenie kuyaxi memanu'utsie, hiki Kuhatsi ti'aitame 'uwenieyatsie kanayerini.

²⁰ Yunaiti teiteri mekaniyutemamawiekaitini, meta kiekaritsie kayuwati kaniumakaitini, 'ari 'Atahariya mumieriekaikiri 'ixiparaki paratsiyu manuwe.

²¹ Kuhatsi 'atahuta wiyari pexeyakai kepauka mitsutia ti'aitati.

12

Kuhatsi, Kura kwieyaritsie ti'aitame

(2Te 12:1-21 - 2Kem 24:1-14, 23-27)

¹ 'Atahuta wiyari ti'aitakaku Kehú, Kuhatsi kanitsutiani ti'aitati, Kerutsaremetsie katiniuta'aita huta tewiyari wiyari. Warutsieya Tsiwiya pititewakai Weritsewa pikiekametikai.

² Kuhatsi Yawé kemitinake katiniyurienekaitini kepauka 'amuyeikakai, mawari wewiwame Kuyara kemiti'ikitiakakai mipai mitikatiaki.

³ Peru miyatiti, pika'iti'unaxi mawari matitaiyariwakai kakaiyarixi wahetsiemieme, matsi teiteri mepiyeweyakai mana metemawatiweti meta 'ikwa mana metaiyatiweti.

⁴ Heiwa Kuhatsi mawari wewiwamete mipai katiniwaruta'aitiani: «Xekeneuku'ii naime tumini yuxexuiti teiteri meme'atixianiki

Yawé tukieyata 'imikieri mīpatsie, hauyutiniṭi kememiteka'iniatsiyarie, kememiteyihiritia yuxexuiti memekamanaxia tumini meta naime 'imikierite yukimana memiyetuaxia.

⁵ Yuxexuiti mawari wewiwamete xekenanu'ii tumini xemihiritiariē, para tuki mikiki 'aixia mītiariēnikī 'axameuku'ananetsie».

⁶ Hiki xeitewiyari heimana haika wiyari ti'aitakaku Kuhatsi, mawari wewiwamete 'atsimekateyuriwawekaku tuki hetsiemieme,

⁷ ti'aitame Kuhatsi mawari wewiwame Kuyara kaniutakwewieni meta hipame mawari wewiwamete, mīpai katiniwarutahiawe: «¿Ketitayari xekate'itsutiawawe tuki 'aixia xeyurietiweti? Hikiri tawariri tumini xepika'itariēni, matsi pita xekaniyetuakuni kepaimeme xemuyemana para tuki 'aixia mītiariēnikī».

⁸ Merikite mawari wewiwamete yamekate-niutanaki'eriēni para tawari tumini memikahanu'iniki kiekaritsie mieme, yaxeikia tuki 'aixia mītiariēnikī 'axameuku'ananetsie mekatenuhayewa.

⁹ 'Ayumieme, Kuyara mawari wewiwame kakuni kaniutawewieni hixiapa haxawame, 'ana mawari taiyame 'aurie kanitayeni tserietana, Yawé tukita mīranutahakitiretsie. Mawari wewiwamete mana memite'iwiyametetikai kitenietsie, mekanitsutiani mana meheikamanati kakunitsie, teiteri memi'atiwakai para Yawé hetsiemieme.

¹⁰ Kepauka memunenierixi kakuniri mihinekai, ti'utiwame kaneta'axekaitini mawari wewiwamete tiwa'aitiwame hetsia

memenati'iniki meta memiti'iniaitaki Yawé tukita kepaimeiti miyemanekai.

¹¹ Kepauka memiti'iniaitakai kemipaimekai, tumini mekaniyetuayakaitini tukita memite'uximaya waxexeyamete wahetsia. Mikita tukita memite'uximayakai mekateni-wakupitiwakaitini: Texitekemete, kii wewiwamete,

¹² 'ixumawamete meta tete xitekemete. Yaxeikia kiyexi 'amatayeyeu mepitinawekai, tetexi mitatari meta naimeki mekatenyuku-tuayakaitini ketita memiteheuyahiakai Yawé tukieya hetsiemieme minireki.

¹³ Miki tumini Yawé tukita miyetuiwakai, mikiki tekixi mitiwewiyani pika'aitsiekai meta kimeme kixeme wiwieri xitekeme, watsu 'aminene, kuxineta meta hipame pirataki meta huruki mitiwewiyatika,

¹⁴ matsi miki tumini mepiyetuiriyariwakai te'uximayatamete, mikita Yawé tukieya 'aixia memiyurieniki mepeiyehiakai.

¹⁵ Kemi'ane memihiritiariakai memitewakupitiwaniki te'uximayatamete miki mepikaku'iwawiyariwakai kepaime me mitixixitiwakai tumini, miki 'aixia 'anemeki memite'uximayakaiki.

¹⁶ Tumini miyetuiwa 'itiya mawariyari, meta mirayukatuani mawariyari, miki Yawé tukieya hetsiemieme pikahihitakai matsi mawari wewiwamete wahetsiemieme pita pihikitikai.

¹⁷ Merikitsi miki tukaritsie, Katsaheri Tsiriyatsie ti'aitame, Kahati kiekariyari kaniutamieni hiki kaniwara'iwa, meta yakaniutayini Kerutsareme

mitamieniki.

¹⁸ 'Ayumieme Kuhatsi Kura kwieyaritsie ti'aitame, tinaime piinite katiniukuxeɪrieni meripaiti 'ukiyarimama memiteyetuakai tuki hetsiemieme mirayaniki, Kutsapati, Kurani meta 'Ukutsiyaxi, Kura kwieyaritsie memite'uta'aitaxi, meta mikitsiere mitiyetuakai, meta naime huru kepaimeme mukaxei Yawé tukita meta paratsiyuta. Miki tinaime Katsaheri katineni'airieni Tsiriyatsie ti'aitame, hiki 'ayumieme 'Ixaheri kwieyaritsie kanayeyani.

¹⁹ Miki naiti Kuhatsi kemitiu'aitaxi katinaka'utiarieni, kemitiyi xapayaritsie meta 'Ixaheri kwieyaritsie te'aitamete waxapatsie kanaka'utiarieni.

²⁰ 'Iparewiwamete memanuyetei mekanikwamana hiki miki mekanimieni, Weti-Miru paiti, Tsira huyeyari manuyehane 'utia.

²¹ Kemi'ane memimi 'iki mekanihikitini Kutsakaxi Tsimati nu'aya meta Kutsawari Tsemexi nu'aya. Kuhatsi mipai katiniumini miki yu'ukiyarima wahamatia kaniukateukieni Rawiri kiekariyaritsie. Nu'aya pita 'Amatsiyaxi kanitsutiani ti'aitati 'uwenieyatsie.

13

Kuhakatsi, 'Ixaheritsie ti'aitame

¹ Kuhatsi 'Ukutsiyaxi nu'aya, xeitewiyari heimana haika wiyari ti'aitakaku Kura kwieyaritsie, Kuhakatsi Kehú nu'aya kanitsutiani 'Ixaheri kwieyaritsie ti'aitati, hiki Tsamariya kiekariyaritsie katiniuta'aita tamamata heimana 'atahuta wiyari.

2 Kuhakatsi Yawé kemikatinake katiniuyurieni, kariki Keruwuhani Nawati nu'aya kemitiuyuri hepai katiniuyurieni, pikatiuhayewaxi 'axamiti'ane 'ixaheritsixi kimana memekaxiri.

3 'Ayumieme Yawé kaniuyeha'ani 'ixaheritsixi wahepaitsita, 'ayumieme miixa wiyari muwakwineniki Katsaheri Tsiriyatsie ti'aitame kaniupitiani, meta nu'aya Weni-'Arari mititewa kaniupitiani.

4 Hiki Kuhakatsi Yawé kaniutahiawe, mikita kani'enieni, munierixiki 'ixaheritsixi kwinimieme Tsiriyatsie ti'aitame mitiwananaimakaiki.

5 Hiki Yawé xeime kanayanayexeiya wawikweitsitiwame mayaniki, 'ixaheritsixi mekaniuyiwekaxiani tsiriyutsixi mekawak-witiweti mekanakine 'aixia 'iyari me'u'uwati mekanakine meripaiti hepai.

6 Miyatiti, 'ixaheritsixi mepikate'uhayewaxi yaxeikia 'axameteyurieti, Keruwuhani tiiriyamama ke'axamemite'uyuri wahepai mepiteyuriekai, 'uka 'Atsera kakaiyariyari 'amekaniutakeni paiti Tsamariya kiekariyarsie.

7 Kuhakatsi kuyaximama meputixitiarie, huta tewiyari heimana tamamata kawayutsixi wahetsie memutei xeikia, tamamata kaxetate kuyaxa miemete meta tamamata miriyari kuyaxi yu'ikama memuhu, Tsiriyatsie ti'aitame kaniwarutixitiakaitini, yunaime kaniwarukwini hipame.

8 Hipatita Kuhakatsi ti'aitakaku kemitiuyi meta naime kemitiuyuri meta kemitiirikaiyekai,

katinaka'utiarieni kemitiuyi xapayaritsie 'Ixaheri kwieyaritsie te'aitamete waxapatsie.

⁹ Kuhakatsi kaniumini, Tsamariya kiekariyaritsie kaniukateukieni. Nu'aya Kuhatsi kanitsutiani hetsiena mieme ti'aitati 'uwenieyatsie.

Kuhatsi, 'Ixaheritsie ti'aitame

¹⁰ Xeitewiyari heimana tamamata heimana 'atahuta wiyari ti'aitakaku Kuhatsi Kura kwieyaritsie, 'Ixaheri kwieyaritsieta Kuhatsi Kuhakatsi nu'aya kanitsutiani ti'aitati, Tsamariya kiekariyaritsie 'ukaiti katiniuta'aita tamamata heimana 'ataxewi wiyari.

¹¹ Kuhatsi Yawé kemikatinake katiniuyurieni, Keruwuhani Nawati nu'aya ke'axamitiuyuri hepai katiniuyurieni, ke'axamitiyurienekai nixeimetima pika'uhayewaxi, mipai tiyurieneti 'ixaheritsixi ke'axameteyuriekame muwarayeitia.

¹² Hipatita kemitiuyi Kuhatsi ti'aitakaku meta kemitiuyuri metatsiere kemitiirikaiyekai, meta 'Amatsiyaxi Kura kwieyaritsie ti'aitame kemitiutami, miki naiti katinaka'utiarieni kemitiuyi xapayaritsie 'Ixaheri kwieyaritsie memite'uta'aitaxi waxapayaritsie.

¹³ Kuhatsi kaniumini, Tsamariya kiekariyaritsie kaniukateukieni 'Ixaheri kwieyaritsie te'aitamete memaki wahamatia. Hiki Keruwuhani hetsiena mieme katiniuta'aita 'uwenieyatsie.

'Eritseu kemitiumi

¹⁴ Kepauka 'Eritseu kwiniyaki kwiniemieme mi'anekai, Kuhatsi 'Ixaheri kwieyaritsie ti'aitame

kaneikuxeiya. Hiki hixiena nuaka, 'utatsuati mipai kaniutayini:

—Nepaapa, nepaapa, kaxeta kuyaxa mieme pemihiki 'Ixaheritsie mieme pemitirikaiye.

¹⁵ 'Eritseu mipai katinitahiawe:

—Xeime tupi kenekuwawa meta 'irite waikawame.

Kuhatsi mipai katinikayani.

¹⁶ Hiki 'Eritseu mipai katinitahiawe:

—Tupi 'ari 'aixia ketineukwe'i.

Kepauka ti'aitame tupi mutikwei, 'Eritseu ti'aitame mamateya kaniuwiyaxiani,

¹⁷ hiki mipai katinitahiawe:

—'Itupari 'etsimiyewa keneuyepi tau manatineika hepa mauwietsie.

Kuhatsi katineuyepieni, hiki 'Eritseu mipai katinitahiawe:

—Ketineutamai'i.

Hiki katiniutamini. Hiki 'Eritseu heitseriemeki mipai kaniutayini:

—Miki 'iri Yawé 'iniarieya kanihikitini. Kameniparewimiki tsiriyutsixi pemuwara'iwaki. Pekaniwatakwmiki 'Apeki kiekariyaritsie yunaime pekaniwakwmiki.

¹⁸ Tawarita mipai katinitahiawe:

—Hiki 'irite keneuti'i.

Hiki 'Ixaheri kwieyaritsie ti'aitame kaniti'ini, meta 'Eritseu mipai katinitahiawe:

—Kwiepa ketinekawa kimana.

Kuhatsi haikakia kwiepa rekawaka hiki 'ana katiniuhayewa.

¹⁹ Miya xeikia mitiuwaki, tewi Kakaiyari hetsia mieme kaniuyeha'ani mipai katinitahiawe:

—'Auxiwimexia yatini 'ataxewimexia kwiepa pemitiniukawaxiakaitini, hiki 'ana pekaniwara'iwakekaitini tsiriyutsixi meta yemeki pekaniwakwinikekaitini yunaime. Peru hiki haikakia xeikiari pekaniwara'iwamiki.

²⁰ Mipai 'utayika 'Eritseu kaniumini, meta kaniukateukieni.

Xeiwiyari 'anuyeyeikakaku muhawitsixi mekaniuta'axekaitini mewakwitiweti 'Ixaheri kwieyaritsie kiekatari.

²¹ Heiwa, 'ixaheritsixi xeime kaxarieya meka'awietakeyu, yapauka mekaniwaruxeiya 'ame'ahukame memiwaraye'unie, hiki miki kaxari 'Eritseu makateukietsie mekaneukahiani. Kepauka miki kaxari 'Eritseu 'umeyariteyatsie manutate, tewi tukari hexeiyati kanayani kananukukeni.

Katsaheri 'ixaheritsixi kemitiwa'uximatiakai

²² Kepauka Kuhakatsi miti'aitametikai, Katsaheri Tsiriyatsie ti'aitame waikawa 'ixaheritsixi kaniwaruhiweritiani.

²³ Peru matsi Yawé kaniwarutinenimayata. Meripaiti tiratu muwewiekaiki 'Apirahami, 'Itsahaki meta Kakuwu wahamatia, 'ayumieme 'ixaheritsixi kaniwarutinenimayata wahetsie putanua, hiki 'akuxi yaxeikia pikawataunie memikaka'unariwaniki meta memika'ayeweiyarieniki hixiena.

²⁴ Kepauka Katsaheri mumi Tsiriyatsie ti'aitame, nu'aya Weni-'Arari hetsiena mieme ti'aitame kanayani.

²⁵ Hiki 'ana Kuhatsi Kuhakatsi nu'aya, kaniuyiwekaxiani kiekarite minawairieniki

Weni-'Arari Kuhakatsi munawairiekai. Haikakia Kuhatsi kane'iwa, 'ana kiekarite kemi'ane 'Ixaheri kwieyaritsie mimiemetetikai kaniu'axe.

14

'Amatsiyaxi, Kuratsie ti'aitame

(2Te 14:1-22 - 2Kem 25:1-4, 11-12, 17-26:2)

¹ Huta wiyari ti'aitakaku 'Ixaheri kwieyaritsie Kuhatsi Kuhakatsi nu'aya, 'Amatsiyaxi Kuhatsi nu'aya kanitsutiani ti'aitati Kura kwieyaritsie.

² Xeitewiyari heimana 'auxiwi wiyari kanexeiyakaitini kepauka mitsutia ti'aitati, Kerutsaremetsie xeitewiyari heimana 'atanauka wiyari katiniuta'aita. Mamaya Kuharani pititewakai, Kerutsareme pikiekametikai.

³ 'Amatsiyaxi Yawé kemitinake katiniuyurieni, tsepaneti yemekí yututsi Rawiri hepai katiuyuri. Tinaimetsie yupaapa Kuhatsi hepai pitikatia,

⁴ peru mawari matitayariwakai kakaiyarixi wahetsiemieme pika'uti'unaxi, teiteri mepiyeweyakai mana mawari mewewietiweti meta 'ikwa metaiyatiweti.

⁵ Hiki kepauka 'Amatsiyaxi 'aixia ti'aitati matia, kaniwarukwini paratsiyuta te'uximayatamete paapaya ti'aitame memumi.

⁶ Matsi, Yawé kemituuta'aitaxi, teyumiekate waniwema pikawarukwi, mipaitsi katine'uka Mui sexi 'iniari niukiyari kemiraka'utiatsie: «Wapaapama mepikakwi'iwa waniwema 'axamemite'uyuriki, meta waniwema mepikakwi'iwa wapaapama 'axamemite'uyuriki, matsi yuxexuiti mekanikwi'iwakuni yuxexuiti ke'axamemite'uyuriki».

7 'Amatsiyaxi tamamata miriyari kaniwarukwini 'erumitsixi mayeweritsie Maye'unaya mirayetewatsie, meta Tsera kiekatari kaniwara'iwa, miki kiekari Kuteri katiniteriwa, hiki 'akuxi mipai katinimatiwani.

8 Merikitsi miki tukari mitiyehanetsie, 'Amatsiyaxi niuki kaneni'ani Kuhatsi hetsia, Kuhakatsi nu'aya meta Kehú teukarieya, 'Ixaheri kwieyaritsie ti'aitame, mipai katinehiawekaitini: «Kenayeye'a temiyutakwiniki».

9 Peru Kuhatsi, 'Ixaheri kwieyaritsie ti'aitame, 'Amatsiyaxi Kura kwieyaritsie ti'aitame, mipai katiniuta'eiya: «Tupiriya xuya Riwanu kiekame kariuxa 'amutewi mipai katiniutahiawe: “'Aniwe 'uka keneyetua neniwe 'iyaya mayaniki”. Peru kwitiwata mana mekaniuyekine 'irawetsixi yeutari Riwanu kiekatari, hiki miki xuya mekaniutaketsini.

10 Metsi mipai kani'aneni, 'Erumi pekana'iwa, hiki 'ayumieme kwinimieme pekatini'atemawieka. 'Aixia kani'aneni, kene'ata'ireni kuta, peru 'akie keneukani. Pepika'iwauneni 'eki pemimierieniki meta Kura mika'unarieniki».

11 'Amatsiyaxi pika'enu'eni. Hiki 'ayumieme Kuhatsi, 'Ixaheri kwieyaritsie ti'aitame, kaneyani Weti-Tsemetsi paiti, Kura kwieyaritsie, hamatiana miyutamieniki.

12 'Ixaheritsixi mekaniwara'iwa Kura kwieyaritsie kiekatari, hiki miki mekaniyuta'unaxiani yukie.

13 Weti-Tsemetsi mirakutewatsie, Kuhatsi, 'Ixaheri kwieyaritsie ti'aitame, 'Amatsiyaxi

kaniuwiya, Kura kwieyaritsie ti'aitame, Kuhatsi nu'aya meta 'Ukutsiyaxi teukarieya. Hiki kaneyanita Kerutsareme mana kuraru 'amatayewa kaniuka'una xeitsienituyari heimana nauka tewiyari meturuyari * tewime, 'Epirahini kitenieyari 'itsutiaka 'atsita kitenie 'Itsikina mititewatsie kani'atiani.

¹⁴ Metatsiere, naime huru kanetini, pirata meta piinite Yawé tukita mirayepikai meta waikawa miraye'atika paratsiyuta mirayepikai. Metatsiere hipame kaniwarehapani, Tsamariya paiti kanakunuani.

¹⁵ Hipatita kemitiuyi Kuhatsi ti'aitakaku, meta kemitiuyuri meta kemitiirikaiyekai meta kememiteyukwitiwekai 'Amatsiyaxi Kura kwieyaritsie ti'aitame matia, katinaka'utiarieni kemitiuyi xapayaritsie 'Ixaheri kwieyaritsie te'aitamete waxapatsie.

¹⁶ Hiki Kuhatsi kaniimini miki kaniuka-teukieni Tsamariya paiti 'ixaheritsixi memite'aitametetikai wahamatia. Keruwuhani nu'aya pita kanitsutiani 'uwenieyatsie ti'aitati.

¹⁷ 'Amatsiyaxi Kuhatsi nu'aya, Kura kwieyaritsie ti'aitame, tamamata heimana 'auxiwi wiyari kaniutihuni 'akuxi Kuhatsi Kuhakatsi nu'aya 'umikuri, 'Ixaheri kwieyaritsie ti'aitame.

¹⁸ Hipatita kemitiuyi 'Amatsiyaxi ti'aitametikaku miki katinaka'utiarieni kemitiuyi xapayaritsie Kura kwieyaritsie te'aitamete waxapatsie.

¹⁹ Hipati meheye'unieti mehakineku Kerutsareme kiekariyaritsie, 'Amatsiyaxi kaniyuta'una

* **14:13 14:13** RV60 paine nauka tsienituyari tsikuriyari.

Rakixi paiti, peru mekanenukuweiya, mana paiti mekanimieni.

²⁰ Hikita mekaneitini kawayutsie Kerutsareme paiti, Rawiri kiekariena paiti, mana kaniuka-teukieni yu'ukiyarima wahamatia.

²¹ Hiki teiteri Kura kiekatari 'Atsariyaxi mekananayexeiya, tamamata heimana 'ataxewi wiyari mexeiyakai, miki mekananukakeni ti'aitame mayaniki yupaapa 'Amatsiyaxi hetsiemieme.

²² Miki 'Atsariyaxi katiniuyurieni, 'arike 'Amatsiyaxi ti'aitame 'umiku, kiekari 'aixia muyuri 'Erati mititewa meta Kura kwieyaritsie mieme kaneyeitiani.

Hutarieka mieme Keruwuhani, 'Ixaheritsie ti'aitame

²³ 'Amatsiyaxi Kuhatsi nu'aya tamamata heimana 'auxiwime wiyari, Kura kwieyaritsie katini'aitakaituniri, kepauka Keruwuhani Kuhatsi nu'aya 'ixaheritsie ti'aitametikai mitsutia Tsamariyatsie ti'aitati, huta tewiyari heimana xewi wiyari katiniuta'aita.

²⁴ Keruwuhani Yawé kemikatinake katiniuyurieni, pika'uyupataxi katihayewati 'axatiyurieneti, Keruwuhani Nawati nu'aya hepai, miki 'ixaheritsixi 'axakaniwaruyurieni.

²⁵ Miki katiniuyurieni wakwie miwayetuiiri 'Ixaheri manuye'atika, Rewu-Kamati paiti ye'atikaime 'Arawa haramarayari manuye'atikatsie paiti, Yawé kemainekai 'Ixaheri wakakayari, Kunatsi 'Amitahi nu'aya miti'uximayatsiriwametikai kemitiutahawekai Kati-Kepexi tixaxatame.

26 Meriki Yawé punierekairi yunaime 'ixaheritsixi mematitei wahetsiemieme, wairiyarika te'uximayatamete yatini memixinarie waikawa meteniuka'eniwakaitini, 'ana xewiti kaniumawekaitini miwaparewieniki.

27 Peru Yawé kaniwarutawikweitsitiani, Keruwuhani Kuhatsi nu'aya 'anayexeiyaka, miki mipai mutayikaiki kename yunaime kwiepa kawareuyehianiekai 'Ixaheri kemititewa.

28 Hipatita kemituuyi Keruwuhani ti'aitametikaku, meta naime kemituuyuri, kemituuyutami tawari Ramatsiku kiekariyari meta Kamati kiekariyari 'Ixaheri hetsiemieme kemirayeitia, katinaka'utiarieni kemituuyi xapayaritsie 'Ixaheritsie te'aitamete waxapatsie.

29 Hiki Keruwuhani kaniumini, miki yu'ukiyarima wahamatia kaniukateukieni, 'Ixaheri kwieyaritsie te'aitametetikai wahamatia. Nu'aya pita Tsakariyaxi kanitsutiani 'uwenieyatsie ti'aitati.

15

*'Atsariyaxi, Kura kwieyaritsie ti'aitame
(2Te 15:1-7 - 2Kem 26:3-4, 21-23)*

1 Xeitewiyari heimana 'atahuta wiyari ti'aitakaku Keruwuhani 'Ixaheri kwieyaritsie, 'Atsariyaxi 'Amatsiyaxi nu'aya Kura kwieyaritsie ti'aitati kanitsutiani.

2 Kepauka mitsutia ti'aitati tamamata heimana 'ataxewi wiyari pexeiyakai, hiki pitiuta'aitaxi Kerutsareme 'ukaiti huta tewiyari heimana tamamata heimana huta wiyari. Maamaya Kekuriyaxi pititewakai, Kerutsareme kiekame.

³ 'Atsariyaxi Yawé kemitinake katiniuyurieni, miki naimetsie paapaya 'Amatsiyaxi ke'aixia mitikatia kanenukuweiya,

⁴ peru mawari matitaiyaríwa kakaiyarixi wahetsiemieme pika'uka'unaxi, yaxeikia mana teiteri mawari mepiwewietiwekai meta pitsi mana mepitaiyatíwekai.

⁵ Miyatiti, Yawé ti'aitame kaniu'uximatiani nawi kwiniyayariki, hatsuaku pika'anayewe miya'aneti kaniumini. Ti'aitame 'Atsariyaxi yuxaita xeikia kiita mayekateiki, nu'aya Kutani paratsiyu kaniuhiritiarieni meta miki kwieyaritsie miti'aitaniki.

⁶ Hipatita kemitiuyi 'Atsariyaxi ti'aitametikaku, meta naime kemitiuyuri, katinaka'utarieni kemitiuyi xapayaritsie 'Ixaheritsie te'aitamete waxapatsie.

⁷ 'Atsariyaxi kaniumini, hiki yu'ukiyarima wamatia kaniukateukieni Rawiri kiekariena. Hiki nu'aya Kutani 'utimana kanitsutiani ti'aitati.

Tsakariyaxi, 'Ixaheritsie ti'aitame

⁸ Xeitewiyari heimana tamamata heimana 'atahaika wiyari ti'aitakaku 'Atsariyaxi, Kura kwieyaritsie, Tsakariyaxi Keruwuhani nu'aya kanitsutiani ti'aitati 'Ixaheri kwieyaritsie, Tsamariya kiekariyaritsie katiniuta'aita 'ataxewime metseri.

⁹ Tsakariyaxi Yawé kemikatinake katiniuyurieni, kememite'uyuri 'uki-yarimama, Keruwuhani Nawati nu'aya ke'axameteyuriekame muwarayeitia 'ixaheritsixi miki pikatiuhayewaxi.

¹⁰ Tsaruni Kawetsi nu'aya Tsakariyaxi 'aye'unieti kanayani. 'Iwurehami kiekariyaritsie kaneimieni, hiki mipai katininawairieni 'uweni.

¹¹ Tawari kemitiuyi Tsakariyaxi ti'aitakaku katinaka'utiarieni kemitiuyi xapayaritsie 'Ixaheri kwieyaritsie te'aitamete waxapatsie.

¹² Mipai katinaye'ani Yawé niukieya Kehú kemitiutahiawekai: «'Atiiriyama nauka nuiwariyari 'Ixaheri kwieyaritsie mepiteta'aita».

Tsaruni, 'Ixaheritsie ti'aitame

¹³ Tsaruni Kawetsi nu'aya ti'aitame kanayani 'Utsiyaxi Kura kwieyaritsie ti'aitame xeitewiyari heimana tamamata heimana 'atanauka wiyari ti'aitakaku, Tsaruni Tsamariya kiekariyaritsie katinuuta'aita xeimetseri.

¹⁴ Peru Menakemi Kari nu'aya Tiritsa heyeyaka Tsamariya kaninuani, mana Tsaruni Kawetsi nu'aya kaniutamieni hiki kanimieni, mipai katininawairieni 'uweni.

¹⁵ Tawarita kemitiuyi Tsaruni ti'aitakaku, meta hipame waraye'unieti kemiratia, miki naiti katinaka'utiarieni kemitiuyi xapayaritsie 'Ixaheri kwieyaritsie te'aitamete waxapatsie.

¹⁶ 'Ana tukaritsie, Menakemi Tipitsa kiekariyari kaniutamieni. Mana kiekatari kitenie memikateheuyepiki, yunaime kaniwarukwini meta 'auriena kiekari mamanetikatsie kiekatari, Tiritsa me'itsutiaka, meta yunaime 'ukarawetsixi memayahukatika kaniwarutixiteni wahukatsie.

Menakemi, 'Ixaheritsie ti'aitame

¹⁷ Xeitewiyari heimana tamamata heimana 'atanauka wiyari 'Atsariyaxi Kura kwieyaritsie ti'aitakaku, Menakemi Kari nu'aya kanitsutiani

'Ixaheri kwieyaritsie ti'aitati, Tsamariya kiekariyaritsie tamamata wiyari katiniuta'aita.

¹⁸ Peru Yawé kemikatinake katiniuyurieni, kepaimexia tukari 'amuyeikakai hatsuaku pikatiuhayewaxi Keruwuhani Nawati nu'aya hepai 'axatiyurieneti, 'ixaheritsixi ke'axameteyuriekame muwarayeitia hepai.

¹⁹ Tikarati-Piretsexi, 'Atsiriya kwieyaritsie ti'aitame miki kiekariyaritsie kaneutahani watakwinike, matsi Menakemi xeitewiyari heimana tamamata heimana haika kiruyari raheteme pirata kaniyetuirieni mihayewaki meta miti'aitaniki 'akuxi.

²⁰ Hiki Menakemi mipai 'ixaheritsixi katiniwarutawawirieni tumini: yunaiti xikutsixi 'Atsiriyatsie ti'aitame mekatenipitiani kekaitini meriu kiruyariki pirata kemirahete. 'Ana 'Atsiriyatsie ti'aitame kanayeyani kiekari manuyeikakaitsie 'uku'eirieka.

²¹ Tawarita kemitiuyi Menakemi ti'aitakaku meta naime kemitiuyuri, katinaka'utiarieni kemitiuyi xapayaritsie 'Ixaheri kwieyaritsie te'aitamete waxapatsie.

²² Menakemi kepauka mumi, nu'aya Pekakiyaxi 'utimana kanitsutiani ti'aitati.

Pekakiyaxi, 'Ixaheritsie ti'aitame

²³ Huta tewiyari heimana tamamata wiyari ti'aitakaku 'Atsariyaxi Kura kwieyaritsie, Pekakiyaxi Menakemi nu'aya kanitsutiani ti'aitati 'Ixaheri kwieyaritsie, Tsamariya kiekariyaritsie huta wiyari katiniuta'aita.

²⁴ Peru Yawé kemikatinake katiniuyurieni, mikita yaxeikia pikatiuhayewaxi

ke'axamitiuyuri Keruwuhani Nawati
nu'aya, ke'axameteyuriekame muwarayeitia
'ixaheritsixi.

²⁵ Xewiti miki 'iparewiwametiti Pekaki tite-
wati Xemariyaxi nu'aya, heye'unieti kanayani.
Huta tewiyari heimana tamamata Kahari nui-
warimama me'iparewiewaku Pekakiyaxi kaniu-
tamieni, meta 'Axikuwi titewakame kaniumieni
meta 'Arihe titewakame, paratsiyu tuxiyuyata
paiti Tsamariya kiekariyaritsie. Mipai katin-
imieni hiki mipai katininawairieni 'uwenieya.

²⁶ Tawarita kemitiuyu Pekakiyaxi ti'aitakaku,
meta naime kemitiuyuri, katinaka'utiarieni
kemitiuyi xapayaritsie 'Ixaheri kwieyaritsie
te'aitamete waxapatsie.

Pekaki, 'Ixaheritsie ti'aitame

²⁷ 'Atsariyaxi Kura kwieyaritsie ti'aitame, huta
tewiyari heimana tamamata heimana huta wi-
yari ti'aitakaku, Pekaki Xemariyaxi nu'aya kan-
itsutiani 'Ixaheri kwieyaritsie ti'aitati, Tsamariya
kiekariyaritsie xeitewiyari wiyari katiniuta'aita.

²⁸ Peru Yawé kemikatinake katiniuyurieni,
pikatiuhayewaxi 'axamiti'ane Keruwuhani
Nawati nu'aya kemitiuyuri 'ixaheritsixi
ke'axameteyuriekame muwarayeitia.

²⁹ Kepauka Pekaki 'Ixaheritsie miti'aitakai,
Tikirati-Piretsexi 'Atsiriyaitsie ti'aitame 'Ixaheri
kwieyaritsie kaninuani hiki 'Iyuni kiekariyari
kana'iwa, 'Aweri-Wetimaká kiekariyari, Kanuha,
Tseretsi, Katsuxi, Karaha, meta Karereya
kiekariyari, metatsiere Nepitahari kwieyari
naime, meta hipame teiteri 'Atsiriyia paiti
kaniwarehapani.

30 Hiki 'Utseyaxi 'Eraha nu'aya Pekaki Xemariyaxi nu'aya 'aye'unieti kanayani meta kanimieni. Xeitewiyari wiyari yuriekaku Kutani 'Utsiyaxi nu'aya, mipai katiniuyini kanimieni mipai katininawairieni 'uwenieya.

31 Miki naiti Pekaki manukawekaitsie kemiti'aitakai meta kemitiuyuri, kati-naka'utiarieni kemitiyi xapayaritsie 'Ixaheritsie te'aitamete waxapatsie.

*Kutani, Kuratsie ti'aitame
(2Te 15:33-38 - 2Kem 27:1-4, 7-9)*

32 Hutarieka wiyari ti'aitakaku Pekaki Xemariyaxi nu'aya 'Ixaheri kwieyaritsie, Kutani 'Utsiyaxi nu'aya kanitsutiani Kura kwieyaritsie ti'aitati.

33 Kepauka mitsutia ti'aitati xeitewiyari heimana 'auxiwime wiyari pihikai, hiki Kerutsareme 'ukaiti katiniuta'aita tamamata heimana 'ataxewi wiyari. Maamaya Kerutsa pititewakai Tsaruki nu'aya.

34 Kutani yakatiniuyurieni Yawé kemitinake, naimetsie paapaya 'Utsiyaxi ke'aixia mitikatia k-nenukuweiya.

35 Kutani katiniuyurieni Yawé tukieya 'ituparieya 'amiyewa 'aixia muyuri, peru mawari matitaiyariwa kakaiyarixi wahetsiemieme pika'uti'unaxi, matsi teiteri mepiyeweyakai metemawatiweti meta mana 'ikwa metaiyatiweti.

36 Hipatita kemitiuyi Kutani ti'aitametikaku katinaka'utiarieni kemitiuyi xapayaritsie Kura kwieyaritsie te'aitamete waxapatsie.

³⁷ Kepauka miki miti'aitakai, kanitsutiani Yawé wahreni'awati Kura kwieyaritsie Xetsini, Tsiriyatsie ti'aitame, meta Pekaki Xemariyaxi nu'aya.

³⁸ Kutani kaniumini, hiki kaniukateukieni yu'ukiyarima wahamatia Rawiri kiekariena, tutsieya. Hiki nu'aya 'Akatsi kanitsutiani 'utimana ti'aitati.

16

*'Akatsi, Kura kwieyaritsie ti'aitame
(2Te 16:1-20 - 2Kem 28:1-27)*

¹ Pekaki Xemariyaxi nu'aya tamamata heimana 'atahuta wiyari ti'aitakaku, 'Akatsi Kutani nu'ayata ti'aitame kanayani, Kura kwieyaritsie.

² Kepauka mitsutia ti'aitati xetewiyari wiyari pexeyakai, Kerutsareme kiekariyaritsie 'ukaiti pitiuta'aitaxi tamamata heimana 'ataxewi wiyari. Peru yututsi Rawiri hepai pika'anekai, 'Akatsi yapikatiuyuri Yawé Kakaiyari kemitinakekai.

³ Matsi, 'Ixaheritsie te'aitamete ke'axamemite'uyuri wahepai katiniuyurieni, metsi paiti yuniwe kaniutataiya taipa mawari mayaniki, nuiwarite mana memitamakai Yawé miwarayeweyakai 'ixaheritsixi wahixie ke'axamemite'uhukai wahepai.

⁴ Metatsiere mawari piwewienekai meta 'ikwa putitaiyakai kakaiyarixi wamawari taiyame hetsie, meta hiri 'amanutititsie meta naime kiyexi waikawa mi'e'eti hetia.

⁵ Heiwa, Xetsini Tsiriyatsie ti'aitame meta Pekaki Xemariyaxi nu'aya, 'Ixaheri kwieyaritsie ti'aitame, meyuniti, Kerutsareme mekanekine 'Akatsi memetamieniki, kiekari warita

mekanaketikine, peru mepika'uyiwekaxia memeutahaxiani.

⁶ 'Ana tukaritsie, Xetsini Tsiriyatsie ti'aitame, tawari 'Erati kiekariyari pa'iwakai, Kura kwieyaritsie kiekatari mana memititekai puwarayewei. Hikiri mana 'erumitsixi 'Erati kiekariyaritsie mekanikuyaxe, hiki 'akuxi mana mekanikuteni.

⁷ Hiki 'Akatsi niuki kaneni'ani Tikirati-Piretsexi hetsia, 'Atsiriyatsie ti'aitame, niuki mipai haineme: «Ne xeniu nemimati'uximayatsiriwame meta 'ahetsia nemitiyukutuaya nemihiki, kenamie keneneutawikweitsitia, Tsiriyatsie ti'aitame meta 'Ixaheri kwieyaritsie ti'aitame mepinetsi'aye'unie».

⁸ Meta 'Akatsi pirata kaniukuxeirieni meta huru Yawé tukita mieme meta paratsiyuta miraye'atika mitiuyepinetsie mieme, hiki miki naime 'Atsiriyatsie ti'aitame kaneni'airieni kanimini.

⁹ 'Atsiriyatsie ti'aitame, wahetsiemieme 'itimaixiaka 'ana Ramatsiku kiekatari kaniwarutakwini yunaime kaniwara'iwa. Hiki mana memititekai Kixi kaniwarehapani, Xetsini xeikia mekaniumieni.

¹⁰ Hiki ti'aitame 'Akatsi Ramatsiku paiti kaneyani Tikirati-Piretsexi 'Atsiriyatsie ti'aitame hetsia. Kepauka mawari taiyame muxei, ti'aitame 'Akatsi mawari wewiwame 'Uriyaxi kaneni'airieni mawari taiyame 'ikiyari, kemitiwewienikekai naime.

¹¹ Hiki 'Uriyaxi mawari taiyame kaniutawewieni, 'Akatsi ti'aitame ke'aneme meini'airiekai Ramatsiku paiti, 'ana kwitiwa kaninini mexi ti'aitame kanuawekai.

12 Kepauka 'iki munua Ramatsiku heyeyaka, mana mawari taiyame kaniuxeiya, mana 'uyaka katiniutimawa.

13 Tiriku mawariyari kaniyetuani meta mawari taiyariyari kaniuwewieni, winu mana kaniutayeurieni meta 'aixia memiteyuxeiyaniki mawariyari xuriyayaki mawari taiyame kaniu'iya.

14 Mawari taiyame wurunitseki muwewiya Yawé tukieya hixie muwekai, kani'ira mana mika'uweniki, mawari taiyame mihekwa 'utata kaniutakeni, hikiri Yawé tukieya manuwe meta mawari taiyame mihekwa wahixiapayaritsie kaniuyuhayewa.

15 'Ipaï mawari wewiwame 'Uriyaxi katiniuta'aitarieni: «'Iki mawari taiyame mumariwe hetsie ketineyetua mawari ximeri mieme meta 'imikieri mitixiyari taikai mieme, yaxeikia mawari taiyariyari, 'imikieri mitixiyari ti'aitame hetsiemieme, yaxeikiata mawari taiyariyari meta 'imikieri mitixiyari teiteri wahetsiemieme meta winu mitiyeuriwa yunaiti teiteri wahetsiemieme. 'Iki mawari taiyame mutawewiya hetsie 'imikierite meta mawari taiyariyarite yunaima waxuriyaki xekeneu'iya. Peru mawari taiyame wurunitseki muwewiya ne nepeiyehiwa».

16 'Uriyaxi mawari wewiwame naimeki yatinikamiekaitini 'Akatsi ti'aitame kemiti'aitiakai.

17 Ti'aitame 'Akatsi naime 'etsitsutsuiti meutimanekai kimana muyuwetikateitsie kaneuti'ini meta maimawame kaneuki'ini, meta katsu haa makamarike tuurutsixi wurunitseki

memuwewiyatikatei waheima mamakai tete kwiepa 'umakametsie kanemani.

¹⁸ Mipai katiniuyurieni 'Atsiriyati ti'aitame het-siemieme, Yawé tukitana timieme katiniwayetini xamaru muwa mutawewiyakai 'uxipiya tukar-itsie mieme, meta kitenie warita meuwiekai ti'aitame manutahakekaitsie mekaneuxina.

¹⁹ Hipatita kemitiuyi 'Akatsi ti'aitametikaku katinaka'utiarieni kemitiuyi xapayaritsie Kura kwieyaritsie te'aitamete waxapatsie.

²⁰ 'Akatsi kaniumini, hiki kaniukateukieni yu'ukiyarima wahamatia Rawiri kiekariena. 'Anari nu'aya 'Etsekiyaxi kanitsutiani ti'aitati 'utimana.

17

'Utseyaxi, 'Ixaheritsie ti'aitame (2Te 17:3-7 - 2Te 18:9-12)

¹ Merikitsi tamamata heimana huta wiyari ti'aitakaku 'Akatsi Kura kwieyaritsie ti'aitame, 'Utseyaxi 'Eraha nu'aya kanitsutiani 'Ixaheri kwieyaritsie ti'aitati, Tsamariya kiekariyaritsie katiniuta'aita 'atanauka wiyari.

² Hiki Yawé kemikatinake katiniuyurieni, peru kwinimieme 'axapikatiuyuri hipame wahapai 'Ixaheri kwieyaritsie memite'uta'aitaxi.

³ Tsarimanatsaxi 'Atsiriyatsie ti'aitame, 'Utseyaxi kaniutamieni, hiki tiyu'uximayatsiriwame kaneyetitiani meta katinita'aitiani mirayukatuayaniki hetsiana.

⁴ 'Arikemikaketa, 'Atsiriyatsie ti'aitame yakatinetimani 'Utseyaxi kemitikwamananekai, 'ikitsi yutupiritsixi kaniwareni'ani Tsu 'Ekipitutsie

ti'aitame hetsia, meta katiniuhayewakaitini
 tiyukutuayati xeiwiyari hetsiemieme.
 'Ayumieme 'Atsiriyatsie ti'aitame katiniuta'aita
 miwiyarieniki hiki kanenutahiani.

⁵ 'Arike naime miki kwieyaritsie kanitahani,
 Tsamariya kiekariyari makuma nuaka hiki wari-
 tana mekanatetikateitini haika wiyari.

⁶ 'Atanaukarieka wiyari 'Utseyaxi ti'aitakaku,
 'Atsiriyatsie ti'aitame Tsamariya kiekariyari
 'uka'unakari kaniwarehapani 'ixaheritsixi
 'Atsiriya kwieyaritsie, kaniwa'atiani Karaki
 mirakutewatsie, Kutsani mirakutewatsie (Kawuxi
 hatuxameyari manuyehanetsie 'aurie mire'ane)
 meta merutsixi teiteriyari wakiekaritetsie.

'Ixaheritsixi ke'axamemite'uyuri

⁷ 'Iki naiti miyakatiniuyini 'ixaheritsixi
 'axamemite'uyuriki Yawé yukakaiyari hepaitsita,
 miwarayewitikai 'Ekipitu kwieyaritsie,
 Parahuni, 'Ekipitu kwieyaritsie ti'aitame,
 wairiyarika tiwa'aitiakaku. Hipame kakaiyarixi
 mewarayexeiyati mekanakine

⁸ meta hipame nuiwarite Yawé
 muwarayeweiyaxia wahixie wayeyari
 me'uweiyati mekanakine, metatsiere hipame
 yeyari 'Ixaheritsie te'aitamete memite'upitia.

⁹ Meta 'ixaheritsixi Yawé yukakaiyari hepaitsita
 'axameputiyua, metatsiere naitсарie hakewa
 memetitekai mawari matitaiyariwa kakaiyarixi
 wahetsiemieme mekanitiwewiwakaitini. Tuxiyu
 neniereme hetsie paiti kaniutiwewiyani meta
 kiekarite yukuraru 'amatitetewa mexeyatika
 hetsie paiti,

¹⁰ meta naitsarie yemuritetsie, kiyexi 'amu-papa 'etiriyari hetia, tetexi 'amekaniti'uitiaxiani patsietikaime me'eyeitiwati, meta 'uka 'Atserá kakaïyariyari 'ikiyari mekaniukuyatsaxiani,

¹¹ naitsarie mawari matitaiyariwa kakaïyarixi wahetsiemieme 'ikwa mekanititaiyakaitini, mewa'iketì nuiwarite Yawé mîwarayeweyakai wahixie. Waikawameki yemeki 'axamekateni-uyurieni, 'ayumieme Yawé mekaniuyehaxiatiani.

¹² Nenewieri mekaniwapitiakaitini kakaïyarixi, Yawé waruta'imaiyakutiti yemeki.

¹³ 'Ayumieme Yawé 'Ixaheri kwieyaritsie kiekatari meta Kura kwieyaritsie kiekatari mipai katiniwarayehitiani yuniukamete meta memitaneniere Kakaïyari hetsie timiemeki: «Xeketeneuhayewa 'axaxeteyurieti. Ne'aitsikate xekenaye'atiaka meta kenemutayi, metatsiere naime ne'iniari niukiyaritsie yaxeketenekahuni kenemitiwaruta'aitia xe'ukiyarima, meta xeme nemixeyetuiri neniukamete yametexekihawekaku».

¹⁴ Tsepa mipai memite'utahiawarie, miki yamepikatekaki, matsi kwinimieme meka'enanakuti mepaki yu'ukiyarima wahapai, miki Yawé yukakaïyari hetsie memikate'uwi.

¹⁵ Mepika'itanaki'eri 'aitsikate meta Yawé kemitiwarayehitiwakai, meta tiratu kemitiuwewiekai wa'ukiyarima wahamatia mekaniku'eirieni. Kakaïyarixi memiwewiyatika tixaiti memikatehiki mewarayexeiyati mepaki, yaxeikiata miki tixaiti mekatehimetiti mepaki, nuiwarite wa'aurie memititekai wayeyari mepanukuwei.

16 Yawé yukakaiyari 'aitsikaya naime mepuku'eiri, meta yuhutame kakaiyarixi mekaniwarutiwewieni tepiaki tsikeru hepai meteyuxexeyame, xeimeta 'uka 'Atserá kakaiyariyari 'ikiyari. Mekaniukahixima'uni tau, metseri meta xurawetsixi wahixie meta Wahari mekanayexeyakaitini,

17 yuniwema mekaniwamawakaitini taipa mewareuxiriwati 'ukitsi meta 'ukari, memitemaiwaweniki mepiteyu'ikitiakai meta memiteyukewaiyaniki, miyameyiati Yawé kemikatinake meteyurieti mekanakine, hiki mipai mekateniyehaxiatiani.

18 'Ayumieme Yawé waikawa kaniuyeha'ani 'ixaheritsixi wahetsiemime, hiki hixiena memika'u'uwaniki kaniwarayeweiya. Kura nuiwariyari xeikia mekaniuyuhayewa.

19 Peru yaxeikia Kura kiekatari Yawé yukakaiyari 'aitsikayatsie yametekahuti mekateniuhayewa, 'ixaheritsixi yeyari ke'aneme memi'atiakai miki mekananukuweiya.

20 'Ayumieme Yawé yunaime 'ixaheritsixi kaniwarayeweiya: kaniwaruhiweritiani meta kaniwayetuani memiwaraye'unie wahetsia, mipai katiniiwarakumaweriya yihixie.

21 Metsi kepauka Yawé 'ixaheritsixi muwarupataxi Rawiri nuiwarimama wahetsia, miki Keruwuhani ti'aitame mekanayeitiani Nawati nu'aya. Matsi Keruwuhani kaniwareuyexirieni Yawé huyeya hepaitsita, hiki waikawa 'axamemiteyurieniki yakatiniuyurieni.

22 Miyatitiri, 'ixaheritsixi mekanenukuweiya Keruwuhani naime ke'axamitiuyuri, nihatsuaku

mepikate'uhayewaxi 'axamiti'aneki.

²³ Hiki 'imatirieká Yawé yihixie kaniwarayeweiya 'ixaheritsixi, yemeki kemutayikai niukametemama yametekuxatakaku. Hiki 'ana, mekanehapanieni 'Atsiriyatsie paiti, 'anatiti hiki mana mekane'uwani.

Tsamariyatsie hipati teiteri kememite'u'axia

²⁴ Hiki 'ixaheritsixi memakutekaitsie Tsamariya mirakutewatsie, 'Atsiriyatsie ti'aitame teiteri kaniwa'atiani Wawiruniya kiekatari, Kuta, 'Awa, Kamati meta Tsepariwahini. Miki Tsamariya kiekariyari yukiekari mekanayeitiani meta kiekarite 'auriena mumanetikatei.

²⁵ Kepauka memu'axiatsie matiarí, Yawé mepikahayexeiyakai, 'ayumieme Yawé mayetsi kaniwareyeni'ani mekaniwarutikwani hipame miki kiekaritsie.

²⁶ 'Ayumieme 'Atsiriyatsie ti'aitame mipai mekatenu taxatiani: «Ti'aitame teiteri pemwarekutua Tsamariya kiekariteyaritsie 'atsimepikatehemate kakaiyari miki kwieyaritsie mieme kemirayexeiyani. 'Ayumieme miki mayetsi puwareyeni'a memiwarekwiniki».

²⁷ Hiki 'Atsiriyatsie ti'aitame mipai katiniuta'aita: «Xeime mawari wewiwame mana xemiwareyehapa, Tsamariya xekenanuwitiki mana mekaniki meta mana memetitei mitiwareti'ikitianiki kehapai mitinake kakaiyari miki kwieyaritsie kiekame».

²⁸ Hiki xewiti mawari wewiwame Tsamariyatsie miyehaniekai kaneyani Weteri mirakutewa kaniutayerini hiki mana kanitsutiani tiwa'ikitati kehapai Yawé mirayexeiyani.

29 Peru miyatiti yuxexuiti kiekarite mekaniwarutiwewiexiani yukakaiyarixima yuhetsiemieme, meta mawari matitaiyariwa kakaiyarixi wahetsiemieme memitiwewiekaitsie 'ixaheritsixi Tsamariyatari mana mekani-wati'uitiani.

30 Wawiruniya kiekatari kakaiyari Tsukuti-Wenuti mekaniutawewieni, Kuta kiekatari Nexikari mekaniutawewieni, Kamati kiekatari 'Atsimaha mekaniutawewieni,

31 meta 'Awa kiekatari Niwikatsi mekani-utawewieni meta Taritaki. Meta Tsepariwahini kiekatari yuniwema mekaniwatitaiyakaitini mawari memayaniki kakaiyarixi 'Aruramereki meta 'Anamereki wahetsiemieme, Tsepari-wahinitari wakakaiyarima,

32 metatsiere Yawé mekanayexeiyakaitini, peru miki yuxaita mekaniwaranuka'uitiani mawari wewiwamete tsepa kemi'ane tewiyari memiteta'uximayataki mawari matitaiyariwa kakaiyarixi wahetsiemieme.

33 Tsepa Yawé memayexeiyakai, mekani-warayexeiyakaitinita yukakaiyarixi, wayeiyari keme'ane kai hakewa memeyekinekai.

34 'Akuxi hiki yaxeikia yuyeiyari meripai mieme mekanayexeiyani. Hawaiki Yawé mepikahayexeiya meta 'iniari niukiyaritsie yamepikatekahu kemireuyewetse, Yawé kemitiuta'aitaxi, Kakuwu nuiwarimama kemitiwaru'aitiatsie, miki kemi'ane 'Ixaheri mititeriwaxi.

35 Kepauka Yawé tiratu muwewi 'ixaheritsixi wahamatia, mipai katiniwarutahiawe:

«Hipame kakaiyarixi xepikawarayexeiyani
meta wahetia xepikatitunuma'uweni,
xepikawarayexeiyani nimawari
xepikawawewirieka.

³⁶ Yawé yuxewime xeikia xekenayexeiyani,
kemi'ane mixe'ayewiti 'Ekipitu kwieyaritsie xe-
parewieti tirikaiyemek mariwemek tiyurieneti.
Miki pita xeikia xekenayexeiyani meta mawari
xeketenexatiaka.

³⁷ Yumarima 'aixia xekenaye'atiaka 'aitsikaya
meta 'iniari niukiyari naime mixeyetui
'aka'ukame. Tawari hipame kakaiyarixi
xepikawarayexeiyani.

³⁸ Xepikahetitimaiyani tiratu kemitiuwewi
xehamatia. 'Ayumieme hipame kakaiyarixi
xepikawarayexeiyani,

³⁹ matsi Yawé yukakaiyari yuxaitame
xeikia. Miki kanixetawikweitsitiamiki hipati
mexe'aye'uniekaku».

⁴⁰ Peru miki yamepikatekaki, yaxeikia
meteyurieti mekanakine meripaiti ke-
memiteyuriekai hepai.

⁴¹ Miki teiteri Yawé mekanayexeiyakaitini,
peru mekaniwarayexeiyakaitinita yukakaiyarixi.
Hikititi 'akuxi yaxeikia mekane'aneni waniwema
wanuiwari hetsiememete, wa'ukiyarima
kememiteyuriekai meripaiti wahepai
mekateniyurieka.

18

'Etsekiyaxi, Kura kwieyaritsie ti'aitame

(2Te 18:2-12 - 2Kem 29:1-2, 31:1, 20-21, 2Te 17:3-

7)

¹ Merikitsi haika wiyari 'Ixaheri kwieyaritsie ti'aitakaku 'Utseyaxi 'Eraha nu'aya. 'Etsekiyaxi 'Akatsi nu'aya Kura kwieyari hetsiemieme ti'aitame kanayani.

² Miki xeitewiyari heimana 'auxiwime wiyari kanexeiyakaitini kepauka mitsutia ti'aitati, Kerut-sareme 'ukaiti katiniuta'aita xeitewiyari heimana 'atanauka wiyari. Maamaya 'Awihi pititewakai Tsakariyaxi nu'aya.

³ 'Etsekiyaxi Yawé kemitinake katiniuyurieni, tutsieya Rawiri kemitikatia naimetsie mipai katinikayani.

⁴ Kaniti'una mawari matitaiyariwakai kakaiyarixi memite'atimawiyariwa, tetexi mipatsietika kaniutitara meta 'uka 'Atserá kakaiyariyari 'ikiyari kaniutimura. Metatsiere, kuu wurunitseki muwewiya Muitsexi mitawewiekai kaniukumaweriya, miki 'akuxi 'ixaheritsixi 'ikwa mekanititairiwakaitini meta Nekutsitani mekateniteriwakaitini.

⁵ 'Etsekiyaxi yemeki Yawé 'Ixaheri Kakaiyarieya hetsie katiniwiyakaitini. Nixewiti tawari hepaina pukatiuyuri yunaiti Kura kwieyaritsie meripaiti meta 'arike memite'uta'aitaxi.

⁶ Miki heitseriemeki kaneyexeiyakaitini Yawé, hatsuaku pika'iku'eiri, matsi naime 'iniari niukiyari paye'atia Yawé Muitsexi muyetuiri.

⁷ Yawé 'Etsekiyaxi kaniparewiekaitini, 'ayumieme naime kemitiyu'uximayatsiriekai naiti 'aixia pitikiyinekai. Matsi ti'aitame 'Atsiriya kiekame 'aye'unieti patia, pikayuwairi miti'uximayatsiriekaki.

⁸ Meta piritsiteutsixi kaniwara'iwa meta tuxiyu

neniereme hetsie paiti meta kiekari yukuraru 'amatitetewa memexeiyatikatei, 'atsita Kahatsa kiekatari meta 'auriena mamanetika.

⁹ Naurieka wiyari ti'aitakaku 'Etsekiyaxi, tatsiari, 'atahuta wiyari ti'aitakaku 'Utseyaxi 'Eraha nu'aya, 'Ixaheri kwieyaritsie ti'aitame, Tsarimanatsaxi 'Atsiriyaxi kwieyaritsie ti'aitame, Tsamariya kiekariyari makuma nuaka hiki waritana mekanayaxetikine.

¹⁰ Hiki haika wiyari 'aye'akuke kiekari kana'iwa kaneutahani kiekaritsie. 'Etsekiyaxi 'ataxewirieka wiyari ti'aitakaku, tatsiari, 'atanauka wiyari ti'aitakaku 'Utseyaxi 'Ixaheri kwieyaritsie.

¹¹ 'Atsiriyaxi kwieyaritsie ti'aitame 'ixaheritsixi kaniwarehapani 'Atsiriyatsie paiti, Karaki mirakutewatsie paiti kaniwa'atiani, Kutsani kwieyaritsie (miki Kawuxi hatuxameyari manuyeka 'aurie piti'aneikai) metatsiere merutsixi wakiekaritetsie mepi'atiarie.

¹² 'Iki miya katiniuyini Yawé yukakaiyari memika'anu'eniki, matsi tiratu ke-memite'uwewiekai mipai mepikatekaki. Mepikaheye'atia meta mipai mepikate'uyuri Muietsexi, Yawé ti'uximayatsiriwame, kemitiwaruta'aitiakai.

¹³ Tamamata heimana nauka wiyari ti'aitakaku 'Etsekiyaxi, Tsenakeriwi 'Atsiriyaxi kwieyaritsie ti'aitame kaninuani, naime Kura kwieyaritsie mieme kiekarite kuraruyari 'ematitetewa kaniwarutakwini hiki kaniwara'iwa.

¹⁴ Hiki 'Etsekiyaxi 'Atsiriyaxi kwieyaritsie ti'aitame hetsia niuki kaneni'ani Rakixi mekatei,

mipai haineme: «'Axanepitiuyuri 'ahepaitsita. Xika peheyani, ne nepirayukatvani kepaimeme peminetitawawirieni». 'Atsiriyaxi kwieyaritsie ti'aitame, 'Etsekiyaxi Kura kwieyaritsie ti'aitame katiniutawawirieni, 'atanauka miriyari heimana 'atanauka tsienituyari (9.900) kiruyari pirata meta 'atanauka tsienituyari heimana nauka tewiyari heimana tamamata (990) kiruyari huru.

¹⁵ Hiki 'Etsekiyaxi 'ana Tsenakeriwi kaniye-tuirieni naime pirata Yawé tukita miemetikai meta paratsiyuta miemetikai.

¹⁶ 'Ana katiniuyurieni 'Etsekiyaxi Kura kwieyaritsie ti'aitame, Yawé tukieya 'itupariyaritsie huru mukaxinaxi meta kitenie tenimeyaritsie mieme, mikiti miitiuta'aitakai miki mikawiriyarieniki, hiki kaniyetuani 'Atsiriyaxi kwieyaritsie ti'aitame hetsia.

*Tsenakeriwi Kerutsareme kemitiutahiawixi
(2Te 18:13, 17-37 - Kits 36:1-22, 2Kem 32:9-19)*

¹⁷ Hiki Rakixi mirakutewatsie 'ukaiti 'Atsiriyatsie ti'aitame yuparewiwame kaneni'ani yu'itia mieme ti'aitame, meta xeime yuparewiwame mexiakame mieme, meta xeime kuyaxi tiwa'aitiwame, kuyaxi meyumiireme mewarawitikime, 'Etsekiyaxi hamatia memitehetixataki Kerutsareme paiti. Hiki mekanekine Kerutsareme, me'uye'axiaka, haa wapaiti meukatuarike manuhuyerituarie hetia mekaniwa'uni, 'Ekwame Kwieya makuma huyeyari 'utia.

¹⁸ Hiki ti'aitame miwitikiemieki mekatenu-tani'ani, hiki kaninuani 'Eriyakini Kirikiyaxi nu'aya, paratsiyuta mitiwa'aitiakai, meta

kemitiuyi ti'utiwame Tsewina meta ti'utiwame Kuha 'Atsahapi nu'aya.

19 Kuyaxi tiwa'aitiwame mipai katiniwarutahiawe:

—Mipai xeketenetaxatia 'Etsekiyaxi kename mipai haine mumariwe ti'aitame, 'Atsiriya kwieyaritsie ti'aitame: “¿Ketitatsie petiwiya? peti'ane ni'atsipemikara'eriwa?”

20 'Eki mipai pekaniutaineni kename petimaiwe meta kename kuyaxi meyumireme pewarexeiya, peru matsi miki niuki xeikia kanihikitini. ¿Kemi'anetsie pepitiwiya, titayari penetsi'aye'unieti pera'ayeitiwa?

21 'Aixia kani'aneni, 'eki metsi 'Ekipitu hetsie pekatiniwiya, miki 'itsi manumuri kanihikitini, kemi'ane hetsiena mirawiya pitseni mamayatsie. Mipai kani'aneni Parahuni, 'Ekipitu kwieyaritsie ti'aitame, kemi'ane hetsiena memitewiya wahet-siemieme.

22 Xika xeme mipai xenete'utahiawe: ‘Tame Yawé takakaiyari hetsie tepitewiya’, ¿'iya xekatezata miki Kakaiyari mawarieya matitaiyariwa, 'eki 'Etsekiyaxi, pemitu'unaxi meta tukiteya, mipai petiwakihaweti Kura kwieyaritsie kiekatari meta Kerutsaremetari: ‘Xepite'utimawani xeikia 'iki mawari taiyame hixie Kerutsareme kiekariyarisie?’”

23 »Neuxei, 'Etsekiyaxi, 'iki tiratu keneuwewi neti'aitiwame, 'Atsiriya kwieyaritsie ti'aitame, matia: Ne kawayutsixi nepimatsiyetuirieni huta miriyari, 'ekita xika pewakuwauni memanutiyaxe wahetsie.

24 Pepikayiwe peme'iwa nitima kuyaxi 'etsimemiyupaime tiwa'aitiwame neti'aitiwame hetsia mieme, tsepa 'Ekipitu hetsie pemitwiya, kaxetate kuyaxa mieme memexeyaki meta kawayutsixi memiwarexeyaki.

25 ¿Kamitsi Yawé kanetsiparewiekame peti'erie nemunua 'iki kiekari neka'unake? Huu miki matsi mipai kanetineti'aitiani: “Kenenua 'iki kwieyaritsie meta keneuka'una”».

26 Hiki 'Eriyakini Kirikiyaxi nu'aya, Tsewina meta Kuha mipai kuyaxi tiwa'aitiwame mekatenu-utahiawe:

—Ximixi, ketaneutahiawi 'arameu niukiyariki tame mate'uximayatsiriwamete, tepi'enie. Pepikatatsikuhaweni hepirayuki, teiteri kuraru heima memaka'u mepitatsita'enie.

27 Peru kuyaxi tiwa'aitiwame mipai katiniwaru-tahiawe:

—Matsi neti'aitiwame pikanetsiheyeni'a 'eki meta mati'aitiwame mame xeikia nemitixetaxatiani 'iki, matsi kurarutsieta memakatei yunaima. Metsi yunaiti yaxeikia miki meta xeme xekanitikwaikuni yukwita meta yuxixi xekanitiharikuni.

28 Mipai 'utayika, kuyaxi tiwa'aitiwame 'akani-utakeni hiki karima 'utaniuti hepirayuki mipai kaniutayini:

—Xekeneu'eni ti'aitame mimariwe niukieya, 'Atsiriya kwieyaritsie ti'aitame.

29 Mipai kanaineni ti'aitame: “Etsekiyaxi pitixeku'itaiya. Miki pikayiwe mixe'utawikweitsitiani nehetsia.

30 Xepika'ipitiaka 'Etsekiyaxi mixekemakaxiani Yawé hetsie xemitewiyaniki, mipai tixekihaweti:

'Yuriki Yawé katanitawikweitsitiamiki, 'iki kiekari 'Atsiriya kwieyaritsie ti'aitame pika'ika'una' ”.

31 »'Etsekiyaxi xepikaheu'enieka. Mipai kanaineni 'Atsiriya kwieyaritsie ti'aitame: “Kayuwati xemexeianiki yaxekeneutiyua nehetsia, meta xekeneyuyetua. 'Ana yukaxie xepukakwa'ani meta yuxapa, metatsiere haa yuputsuta mieme xepihareka,

32 'arike nepunuani nepixehanuwitini, xeime kwieyaritsie paiti, xekwieyari hepai 'anemetsie, hakewa 'imiari meta winu mihekwa mexuawe, paa meta kaxie haraweriyari, huriwa hatseitiyari meta xiete. Mipai 'axepu'uwani xepikakwini”.

»'Etsekiyaxi xepika'enieka, miki pitixeku'itaiya kepauka mipai mutaine: “Yawé pitatsixina”.

33 ¿Kamitsi nuiwarite xewiti wakakaiyari yukwieyaritsie tiutanua, 'Atsiriya kwieyaritsie ti'aitame 'ika'unakeyu?

34 Hawaiki mepikatehenakixi Kamati meta 'Axipari wakakaiyarixima, meta Tsepariwahini, Henaha meta 'Iwaha wakakaiyarixima. ¿Kamitsi xewiti kakaiyari Tsamariya tiuxinaxi nehetsia?

35 Miki kakaiyarixi miki kwieyaritetsie miemete nixewiti yukwieyari pika'utawikweitsitia nehetsia. ¿Merikite Yawé ketiyiwe Kerutsareme mitawikweitsitiani nehetsia?»

36 Peru teiteri kayuwati mekaniumakaitini meta nixeiniukiyariki tima mepika'ita'ei, ti'aitame mipai mitiwaruta'aitiakaiki: «Hawaiki xepika'iku'eiyani».

37 Hikiki 'Eriyakini Kirikiyaxi nu'aya paratsiyuta mitiwa'aitiakai, Tsewina kemitiuyi ti'utiwame mihiki, meta ti'utiwame Kuha 'Atsahapi nu'aya,

yukamixa meheukatsanaxiaka hiwerika
 'iniariyari me'uyuwewirieka, mekanekine
 'Etsekiyaxi hetsia, hiki mekatenitaxatiani ke-
 mutayikai kuyaxi tiwa'aitiwame 'atsiriyatanaka.

19

*Kitsariyaxi kemitiutahekiataxi Kerutsareme
 kemitixinarienikekai
 (2Te 19:1-13 - Kits 37:1-13)*

¹ Merikitsi kepauka ti'aitame 'Etsekiyaxi
 mitiutamari, yukamixa witsimi'ane kaneukat-
 sana, hiwerika kamixayari kananakatini meta
 kaneyani Yawé tukita.

² Metatsiere, kaniwarutani'ani 'Eriyakini
 paratsiyuta mitihiritiari, meta kemitiuyi
 ti'utiwame Tsewina, metatsiere mawari wewi-
 wamete waikawa memi'ukirawetsixi, yunaiti
 miki hiwerika kamixayari mepanakatitikatei,
 kaniwarutani'ani memitehetixataki Kakaiyari
 niukameya Kitsariyaxi 'Amuxi nu'aya matia.

³ Mipai mekatenitahiawe: «Mipai kanaineni
 'Etsekiyaxi: “Hiki hiwerika tukariyari pihiki
 meta 'uximatiarika meta nanaimarika, kepauka
 tiiri memitinunuiwarime hepai meta wamama
 muti'uxixi mikayiwe hepai.

⁴ Heiwati Yawé 'akakaiyari 'i'enieni
 naime kuyaxi tiwa'aitiwame kemutayi, miki
 ti'aitiwameya, 'Atsiriyatsie ti'aitame meiyeni'a,
 Kakaiyari mayeyuri 'axamititahiaweki. Yawé
 'akakaiyari 'uximatiarika ke'ipitiani mi'eniki
 kemutayi. Kamitsi, nenewieri keneupitia
 tahetsiemieme teiteri 'akuxi temitahayewatiwe”».

⁵ Kepauka ti'aitame 'Etsekiyaxi parewiwame-temama Kitsariyaxi hetsia memanuki,

⁶ miki mipai katiniwarutahiawe: «Tixe'aitiwame mipai xeketenetahiawi kename mipai haine Yawé: “Pepikaheumaka 'axaniuki pemu'eniki, meta nehapaitsita miemek kememutiyua 'Atsiriyatsie ti'aitame parewiwametemama.

⁷ Neuxei. Ne xeime 'iyari hetsiena nepikayeni, hiki miki yiki timarieme kaniyemieni yukwiewaritsie paiti. Mana paiti yanepitiyurieni mimierieniki 'ixiparaki”».

⁸ Kepauka kuyaxi tiwa'aitiwame mipai miretima kename 'Atsiriyatsie ti'aitame hayeyakai Rakixi mirakutewatsie, Hiki kaneyani kaneitaxeiya Riwina kiekatari warekwineme.

⁹ Hikita Tsenakeriwi tiniutaxatarieni kename Tiraka, Kutsi kwiewaritsie ti'aitame, hayeyakai 'itamienike, hiki 'ayumieme tawarita niuki kani'ani 'Etsekiyaxi hetsia,

¹⁰ mipai mititahiawarieniki: «'Eki, 'Etsekiyaxi, Kura kwiewaritsie ti'aitame: Hawaiki pepika'ipitiaka 'akakaiyari, hetsiena pemitiwiya, matiku'itaiyani mipai 'utaiti: “Hawaiki, 'Atsiriyaxi kwiewaritsie ti'aitame, Kerutsareme kiekariyaritsie pikaheutahani”.

¹¹ 'Ekiri pekatini maika kememite'uyuri 'Atsiriyatsie te'aitamete naitsarie kwiewaritetsie, mepiwaruka'unaxi naime. ¿Kamitsi 'eki mipai petiku'eriwa kename petawikweni?

¹² ¿Kamitsi ne'ukiyarima memiwaruka'unaxi kiekarite: Kutsani, Karani, Xetsepi meta teiteri 'Ereni kiekatari Teratsaxi memitamakai, wakakaiyarixi wahetsie mete'utanua?

13 Hawaiki mepikatehenakixi Kamati kwieyaritsie ti'aitame meta 'Axi pari kwieyaritsie ti'aitame, Tsepariwahini kiekariyaritsie ti'aitame meta Henaha yatini 'Iwaha».

*'Etsekiyaxi kemitiuyutanenewi
(2Te 19:14-19 - Kits 37:14-20)*

14 'Etsekiyaxi xapa kananuhurieni ni'ariekate wamamatsie, hiki kanekateriwa. Kwitita kaneyani Yawé tukita, muwa xapa kaniutawera Yawé hixie,

15 hiki hixiena mipai katiniuyunenewieni: «Yawé, 'Ixaheri Kakaiyarieya, matsiteitamete memu'ana wahixiata 'a'uwenitsie pemaka: 'eki xeikia naitсарie kwiepa te'aitamete wakakaiyari pekanihikitini. 'Eki pekaninetiani muyuawi meta kwie.

16 Yawé, kenakatutsiri meta keneu'ena, kenanutanieri, Yawé, meta keneutanierixia, keneu'eni niuki Tsenakeriwi meiyeni'a, 'axamimatitahiaweki Kakaiyari pemayeyuri.

17 »Yawé, kaniyuritini te'aitamete 'atsiriyutsixi 'iki nuiwarite yunaime mekaniwarakumaweriya meta wakwie.

18 Wakakaiyarixi taipa mekaniwareuxirieni, mekaniwareuyehiani, miki kakaiyarixi memikahikitikaiki matsi kiyexi meta tetexi memihikitikaiki, tewi mamaya wewiyaya xeikia.

19 Yawé takakaiyari, hikiri ximixi, ketaneutawikweitsitia mikatatsika'unaki, hiki yunaiti te'aitamete kwiepa memitama mipai memitehetimaniki kename 'eki xeikia, Yawé, Kakaiyari pehiki».

*Tsenakeriwi kemitiūmī**(2Te 19:20-37 - Kits 37:21-38, 2Kem 32:20-21)*

²⁰ Hiki Kitsariyaxi 'Amuxi nu'aya 'iki niuki
'Etsekiyaxi kaneni'airieni: «Mipai kanaineni
Yawé, 'Ixaheri Kaka'iyarieya: “Waikawa
kepemīnetiutawawiri Tsenakeriwi, 'Atsiriyatsie
ti'aitame hepaitsita, nekamaniu'enieni.

²¹ 'Tki niuki kanihikitini ne, Yawé, kenemutayi
hepaitsitana:

»”Tsiyuni kiekariyari, 'uka 'iimari hepai,
pumatsi'atse matsinanaimati, Tsenakeriwi
'aku.

Kerutsareme yumu'u puyutiwa
matsixeyati pemi'ata'unaxiki.

²² ¿Kemi'ane peputati?

¿Kemi'ane hepaitsita 'axapeputayi?

¿Kemi'ane pepanutahiwiexia,
meta kemi'ane peyuta'ireti kwi pepanutixei?
'Iya Mipatsie 'ixaheritsixi wahetsiemieme
pekaniuyurieni.

²³ 'Eki pekaniwareyeni'ani 'ani'arima

Yawé 'axamemītetahiaweki, mipai
me'utiyuati:

'Nekaxetate kuyaxa miemete memiyumiireki
hiri 'amanutititsie paiti nekananutiyani,
Riwanu hiriyaritsie paiti.

Kariuxa 'amutiti mana mieme nekaniuxirieni,
meta huku yemeki 'aixia mi'anene.

Teewa paiti nepuyene mika'uyeyixietsie,
meta hakewa 'itsi mewawemetikai.

²⁴ Haputsu neputiwewi hipame wakwieyaritsie,
hiki miki haa ne'anuhareka nekaheuharimiti
nepatia.

Neketateki naima haa 'Ekipitu mieme
nepukawatsiixaxia'.

25 »"¿Kari 'atsipepikatitude?
Miixa wiyari kananuyemieni miki
nemitiukuha'aritia.

Meripaititi ne mipai nekaniutayini,
hikiri 'ayumieme nekaneye'atiani.

'Ayumieme 'eki pekaniwaruka'una miki
kiekarite yukuraru memexeiyatikatei
'a'atitetewame.

26 'Ayumieme kiekatari mekatirikawiti
mekanakikani,
me'iyirieti meta meyutetewiyati.

Tupiriyate yeuta mieme hepai mekani'aneneni,
'ixa miyiyiri hepai,
tupiriya kii heima mitineika hepai
mitiwauke katiwaweriwaweti.

27 »"Ne nepitimate kepauka pamanukayeixa,
kepauka pemiwayeyeika, kepauka pemeuta-
hake,
meta kepauka pemuyeha'ariwe nehepaitsita.

28 Pemuyeha'aki nehepaitsita,
meta 'axakepemutayi nemimatsi'u'eniki,
ne kwatsiturai 'atsuritsie nekaniuyekemiki
meta nekameniutapirenutiamiki,
meta kemi'ane huye 'utia pemunua,
yanepitiyurieni miki 'utiata pemakunuaniki.

29 »"Iki 'iniari kanihikitini 'eki, 'Etsekiyaxi, 'ahet-
siemieme:

»"Iki wiyaritsie yukimana mititixuawere
xekatenitikwaikuni,

hutarieka wiyaritsieta mana mititineni
xepitetikwani.

Peru hairieka wiyaritsie xepika'eni meta
xepika'itsana,
kaxie xepika'eni meta takariyari
mepitikwani.

³⁰ Tawari Kura nuiwarimama memiyuhayewaxi
memika'ukwi
tetiata mepitekawiyaxiani meta wapaiti 'ik-
waxi mepitixuaweriya.

³¹ Kariki hipati Kerutsareme kiekatari menitawik-
weikuni,
Tsiyuni yemuriyari hetsie kiekatari yunaiti
mepikakwini hakaki.

Mipai pitiyini waikawa nemíwanaki'erieki,
ne Yawé Naimekinemíirikaiye.

³² »"Ne, Yawé, yuriki mipai nekanaineni 'Atsiriy-
atsie ti'aitame hetsiemieme:

»"Hawaiki 'iki kiekariyaritsie pikahatahani,
meta nixeime 'iriki pikataminitima.

Pika'itamieni 'iki kiekari meta memuyukunarima
'a'iti pikawayani,
pikatatetsatima kiekari kuraruyari heima
makatsunaki.

³³ Matsi yu'utima kanakunuamiki kemi'ane huye-
yari 'utia munua.

Peru 'iki kiekariyaritsie pikahatahani.

Ne, Yawé, mipai nekanaineni.

³⁴ Nehetsiemieme, meta neti'uximayatsiriwame
Rawiri neminaki'erieki,
'iki kiekari hetsie nekanitanuamiki meta
nekanitawikweitsitiamiki"».

³⁵ Kwitiwa miki tikaritsie Yawé niukieya
tuayameya kanayeyani, hiki kaniwarukwini

xeitsienituyari heimana nauka tewiyari heimana 'auxiwi miriyari (185.000) kuyaxi 'atsiriyutsixi. 'Uxa'arieka ximeri kepauka wa'iwama memanuku'ui, mana yunaiti miki mekwikwi'iti mekanitiheteitini.

³⁶ Hiki 'ana Tsenakeriwi 'Atsiriyatsie ti'aitame, hakewa memetitekai kananukukeni meta kaneyani. Hiki Niniwe yukiekaritsie kaninuani, mana kaniyuhayewa.

³⁷ Peru xeime tukaritsie, mexi yunenewiekai titunumaweti yukakaiyari Nitsiruki tukita, 'ana niwemama 'Aruramereki meta Tsaretsexi matia mekanimieni 'ixiparaki, hiki me'imieka mekaniyuta'una 'Ararati kwieyaritsie paiti. Hiki hetsiena mieme nu'ayatitita 'Etsaxikaruni titewati kanitsutiani ti'aitati.

20

'Etsekiyaxi kemitiutakwinixi

(2Te 20:1-11 - 2Kem 32:24-26, Kits 38:1-8)

¹ Merikitsi 'anatiti mitiyehane 'Etsekiyaxi katiniutakwine waikawameki kaniuminitima. Kakaiyari niukameya Kitsariyaxi 'Amuxi nu'aya hetsiana kaninuani mipai katinitahiawe: «Yawé mipai kanaineni: “Atiiriyama wahepaitsita 'ari 'aixia ketineuyuri, kariki pekanimimiki, hawaiki 'aixia pepikatika'erieni”».

² 'Etsekiyaxi ta'aurie 'aweka 'ixumeri hepa heutaniereti, Yawé mipai katiniutawawirieni:

³ «Yawé, kenena'eriwani ne yanepitikamiekai 'aixia 'anemekai 'ahepaitsita, meta ne'iyariki 'aixia netiyukihaweti, meta yanepitiuyuri

kemimatinake». Hiki 'ana 'Etsekiyaxi kaniutitsuani waikawa yuhiwerieti.

⁴ Hiki Kitsariyaxi 'iku'eirieka paratsiyu takwayaritsie ka'uyenewekaku, Yawé niukieya kanitaxeiya:

⁵ «Keneukunuaka 'Etsekiyaxi mipai kethetahawia, neteterima mitiwa'aitiwame, ne Yawé kenemaine, 'ukiyarieya Rawiri Kakaiyarieya: "Nepi'eni 'anenewieri meta nepixei 'a'ukai. 'Aixia pereu'eriekame nepimatsi'ayeitiani kepemitikuye, hiki haika tukari 'aye'ayu pepiyiweni Kakaiyari tukieyata pemimieki.

⁶ 'Akuxi tamamata heimana 'auxiwime wiyari nekanipitiamiki. 'Ekiri meta 'iki kiekari nekanixetawikweitsitiamiki 'Atsiriyutsie ti'aitame mikaxeka'unaki. Ne 'iki kiekari hetsie nekanitanuamiki nehetsiemieme, meta Rawiri neti'uximayatsiriwame hetsiemieme neminaki'erieki'».

⁷ Hiki Kitsariyaxi mipai kaniutayini: «Xapa 'ikwaxiyari mitixiyari xekeneuhawiya». Mipai mekatenuyurieni, hiki 'ana ti'aitame haiyayatsie mekaneiwirieni, 'ana 'aixia katiniuka'erieni.

⁸ 'Etsekiyaxi mipai Kakaiyari niukameya katini-utahawekaitini:

—¿Ketita 'iniari netixeiya mipai nemiretimaniki kename Yawé 'aixia netsiyurieni, meta kename neyiweni haika tukari 'anukayayu tukita nemimieki?

⁹ Kitsariyaxi mipai katinita'eiya:

—'Iki kanihikitini 'iniari Yawé mimatsiyetuirie, yapemiretimaniki kename yuri 'utaine: ¿Tau 'etiriyaya hura 'ininiatame tamamata mexia

tiyeyani, nutsu kepera'eriwa puwakayani pita tamamata mexia?

¹⁰ 'Etsekiyaxi mipai katinitahiawe:

—Pikakwaniwe xika 'etiri yeyani, peru pukwaniwe yu'utima muwakayani.

¹¹ Merikite Kaka'yari niukameya Kitsariyaxi Yawé kaniutahiawe, hiki Yawé yakatiniuyurieni tamamata mexia kaniwakayani tau 'etiriyari 'Akatsi tau hurayari 'ininiatameyatsie.

Ni'ariekate wawiruniyatari

(2Te 20:12-21 - Kits 39:1-8, 2Kem 32:32-33)

¹² Miki tukaritsie Meruraki-Wararani Wararani nu'aya, ti'aitame Wawiruniya kwieyaritsie, 'Etsekiyaxi xapa kaneni'airieni meta 'imikierite, miretimaikaiki kename rekuyekai.

¹³ 'Etsekiyaxi waikawa niyutemawiekaitini miki 'imikierite ranupika, hiki miki ni'ariekate tinaime katiniwaruxeitsitiani tita mirexeiyakai miraye'atika: Pirata, huru meta witsimitiu'iatika, hatseiti 'aixia mi'ane, meta naime piinite kuyaxa timieme. Tinaime katiniwaruxeitsitiani paratsiyuta timieme, nitixaiti pikatiuhayewaxi.

¹⁴ Hiki Kitsariyaxi Kaka'yari niukameya kaneyani ti'aitame 'Etsekiyaxi hetsia, mipai katinita'iwawiya:

—¿Ketita meteheuyehiakai miki teiteri? ¿Hakewa mepeyeki?

Mipai katinita'eiya 'Etsekiyaxi:

—'Ateewa paiti mepeyeki, Wawiruniya paiti mepeyeki mepinetsikuxeiyatiwekai.

¹⁵ Kaka'yari niukameya mipai katinita'iwawiya:

—¿Ketita 'aparatsiyuta mete'uxei?

'Etsekiyaxi mipai katinita'eiya:

—Naime nekatiniwaruxeitsitiaⁿⁱ ketipaimeti muwa mitiyepine. Tixa^{iti} pikatiyuhayewaxi nepiinite miraye'atika nemikatiwaruxeitsitia naiti katiniuxeiyarieni.

¹⁶ Hiki Kitsariyaxi mipai katinitahiawe:

—Keneu'eni Yawé niukieya:

¹⁷ 'Uxa'atini warie tukari kanaye'amiki miki naiti 'aparatsiyuta timieme miranitikieni, meta naiti ketita meripaiti 'a'ukiyarima memite'uti'utakai, naiti miki katinanitikiemiki Wawiruniya paiti. Nitixa^{iti} pikatiyuhayewa, Yawé mipai kanaineni.

¹⁸ Hipati 'aniwema meta 'anuiwarima mekananuhapaniekuni memiteheta'uximayataki Wawiruniya kwieyaritsie ti'aitame paratsiyuyata miki mepikahepitiarieni tiri memumarayexex-eiyaniki.

¹⁹ 'Etsekiyaxi mipai katinita'eiya:

—Yawé niukieya 'eki pemnetsi'atiiri 'aixia kananuyineni.

Mipai putayi mipai tiku'eriwati: «Mexi ne ne'uyeika, 'aixia 'iyari tepu'uwani teka'uximatarieti».

²⁰ Hipatita kemitiuyi 'Etsekiyaxi ti'aitakaku, meta kemitiirikaiyekai metatsiere kemitiawewi haa mukamarike 'amupa meta haa huyeyari kiekaritsie meutayune kemitiutawewi, miki naiti katinaka'uka kemitiuyi xapayaritsie Kura kwieyaritsie te'aitamete waxapatsie.

²¹ 'Etsekiyaxi kaniumini, nu'aya Manatsexi tite-wati kanitsutiani ti'aitati hetsiena mieme.

21

Kura kwieyaritsie ti'aitame kemiratia Manatsexi

(2Te 21:1-10, 17-18 - 2Kem 33:1-10, 18-20)

¹ Manatsexi tamamata heimana huta wiyari kanexeiyakaitini kepauka ti'aitame matia, Kerutsareme 'ukaiti ti'aitati kaniuyurieni huta tewiyari heimana tamamata heimana 'auxiwi wiyari. Maamaya katinitewakaitini Hetsiwa.

² Manatsexi Yawé kemikatinake katiniuyurieni, miki teiteri mana memitamakai Yawé muwarayeweiyakai 'ixaheritsixi wahixie wayeyari kaniuweiyakaitini.

³ Hekwameki kanitiwewieni mawari matitaiyariwa kakaiyarixi wahetsiemieme paapaya 'Etsekiyaxi miti'unakai, meta tawari hipame mawari matitaiyariwa kaniutiwewieni Wahari hetsiemieme meta 'uka 'Atserá kakaiyariyari 'ikiyari xeime kaniutawewieni, 'Akawi kemitiuyuri hepai 'Ixaheri kwieyaritsie ti'aitame. Yunaime xurawetsixi muyuawitsie miemete puwarayexeiyakai wahixie pukatunumakekakai.

⁴ Yawé tukita mawari matitaiyariwa kaniutiwewieni, tsepa miki tuki hepaitisita Yawé mipai mutayikai: «Kerutsareme kiekariyari kanihikitikamiki ne hakewa nemekani».

⁵ Yawé tukieya manuwe huta takwayaritsie mawari matitaiyariwa kaniutiwewieni yunaime xurawetsixi wahetsiemieme.

⁶ Meta yuniwetime kaniutataiya mawari mayaniki, timaiweme kanayuyeitiani meta tiyukewaiyati, metatsiere kaniwarayexeiyakaitini teyukewaiyamete

meta mikite memiwakihawe. Waikawa
'axakatiniyurienekaitini Yawé kemikatinake,
mipai tihaxiatati.

7 'Uka 'Atserá kakaiyariyari 'ikiyaya mitawewi,
katiniuta'aita Yawé tukita kaneutakerieni, meri-
paiti miki tuki hepaitisa Yawé mipai Rawiri
pitiutahawekai meta nu'aya Tsarumuni: «'Iki
tukita 'ena Kerutsareme, kiekari nemenayexei
yunaima 'Ixaheri nuiwarimama watsata, nepe-
nayexei neheyemek mana nemukaniki.

8 Tawari hatsuaku nepikatipitiani
'ixaheritsixi tawariri mepikaheuyexirieni,
kwie nemipayetuiiri wa'ukiyarima
mepikaku'eirieni, xikatsi metehaye'atiaka
naimeki kenemitiwaru'aita, tatsiari naime
'iniari niukiyari Muiisexi neti'uximayatsiriwame
miwayetuiiri».

9 Peru yamepikatekaki, Manatsexi
piwareuyexiri, matsi kwinimieme mekateni-
uyurieni keyuri nuiwarite mana memitamakai
Yawé muwarayewei.

10 'Ayumieme, Yawé mipai kaniutayini
yuniukamete yakatiniwarutahawe mikita mipai
meputiyua:

11 «Manatsexi Kura kwieyaritsie ti'aitame,
'ixiarari mika'itiatika mutiwewiki, meta kwin-
imieme 'iyarieya mireuyeweki keyuri te'aitamete
'amuxeutsixi meripaiti kememiteyuriekai, mipai
tiyurieneti 'ixaheritsixi 'axameteyuriekame
kaniwarayeitiani kakaiyarixi miwarutiwewi
mewarayexeyati mekanakine,

12 mipai kanaineni Yawé 'ixaheritsixi
wakakaiyari: “Ne nekanenuni'amiki

'uximatia rika Kerutsareme hetsie meta Kura kwieyaritsie, kemi'ane tiraunariyari mi'enieni nakayata kaniwatikwinimiki.

¹³ Tsamariya kenemitiu'uximatia Kerutsareme mipaita nepitipitiani meta 'Akawi kenemitiu'uximatia. Miki kiekaritsie nitixaiti pikatiyuhayewa, xaki 'utahauxinarieka mutihiximakerie hepai katinanuyeyeimiki Kerutsareme.

¹⁴ Xika hipati 'akuxi me'utawikweni, nekaniwayetuamiki memiwaraye'unie wahetsia, mekanitakwi'iwakuni tinaime mekateninawatsiyariekuni.

¹⁵ 'Ixaheritsixi tita mikanetinake memite'uyuriki, metatsiere kepaukapaititi memayeki wa'ukiyarima 'Ekipitu kwieyaritsie hiki 'akuxi yaxeikia mekateniyurieka mekanenihaxiatiaka"».

¹⁶ Ke'axameteyuriekame muwarayeitia Kura kwieyaritsie kiekatari Yawé kemikatinake, metatsiere Manatsexi waikawa teiteri kaniwarukwini 'atsimekateyuriekame, Kerutsareme kiekariyaritsie mikite waxuriya kaniutahiniya.

¹⁷ Hipatita kemitiuyi Manatsexi ti'aitakaku meta kemitiuyuri naiti ke'axamitiuyuri, kanaka'utarieni kemitiuyi xapayaritsie Kura kwieyaritsie te'aitamete waxapatsie.

¹⁸ Manatsexi kaniumini, kaniukateukieni yuparatsiyuta, 'Utsa harawerita witsimitiuye'anetsie. Nu'aya 'Amuni titewati kanitsutiani hetsiena mieme ti'aitati.

*'Amuni, Kura kwieyaritsie ti'aitame
(2Te 21:19-24 - 2Kem 33:21-25)*

19 'Amuni xeitewiyari heimana huta wiyari kanihikaitini kepauka mītiutsutia ti'aitati, hiki Kerutsareme 'ukaiti huta wiyari katiniuta'aita. Metsuremeti mamaya katinitewakaitini, Karutsi nu'aya, Kutiwa kiekame.

20 'Amuni Yawé kemikatinake katiniuyurieni, paapaya Manatsexi kemitiuyuri mikita hepaina.

21 Naimetsie yupaapa huyeya kananukuweiya 'axatiyurieneti, kakaiyarixi wahetia kaniukahiximakekakaitini, 'ukiyarieya muwarayexeyakai.

22 'Amuni Yawé kaniuku'eirieni, yu'ukiyarima wakakaiyari, Yawé kemitinake mipai pikatiuyeikakai.

23 'Amuni ti'aitame 'iparewiwametemama me'eye'unieti mekanakine, miki mekanimieni paratsiyutana.

24 Hiki 'ana teiteri yunaime mekanikwarukwini kemi'ane ti'aitame 'Amuni me'aye'unieti memaki, hetsiena mieme nu'aya Kutsiyaxi ti'aitame mekanayeitiani.

25 Hipatita kemitiuyi 'Amuni ti'aitakaku katinaka'uka kemitiuyi xapayaritsie Kura kwieyaritsie te'aitamete waxapatsie.

26 'Amuni kaniukateukieni yumikiteukiyata, 'Utsa harawerita witsimitiuye'anetsie. Nu'aya Kutsiyaxi hetsiena mieme katiniuta'aita.

22

*Kura kwieyaritsie ti'aitame kemiratia Kutsiyaxi
(2Te 22:1-20 - 2Kem 34:1-2, 8-28)*

¹ Merikitsi Kutsiyaxi kepauka mitsutia ti'aitati 'atahaika wiyari kanihikaitini, Kerutsareme 'ukaiti katiniuta'aita xeitewiyari heimana tamamata heimana xewi wiyari. Miki maamaya Kerira pititewakai 'Arahiyaxi nu'aya, Wutsikati kiekame.

² Kutsiyaxi Yawé kemitinake katiniuyurieni, naimetsie yakatinikamiekaitini, meripaiti 'ukiyarieya Rawiri kemitikatia, nihatsuaki pika'iku'eiri ni'etsiwatima.

³ Merikitsi tamamata heimana 'atahaika wiyari ti'aitati, ti'aitame Kutsiyaxi xeime kaniutani'ani kemitiuyi ti'utiwame Tsapani titewakame 'Atsariyaxi nu'aya Metsurani teukarieya, mumieki Yawé tukita, mipai katinitahawe:

⁴ «Kenemie mawari wewiwamete tiwa'aitiwame hetsia Kirikiyaxi, mipai ketinehiritia tumini puwaye'ini teiteri memiyetuaya Yawé tukita meta kitenie tehiwemete memiwaku'iitiwa.

⁵ Mipai ketineta'aita miki tumini memihiritiarie memiyetuiriyarieniki Yawé tukieya 'aixia memitewewieniki, miki memitewapitianiki te'uximayatamete tuki 'aixia memuyurieni.

⁶ Meketewarepitiani kiyexiki memiteheuta'uximayatawawe, te'ikitamete miki 'uximayatsika hepaitsita miemek meta 'ixumawamete, metatsiere kiyexi mekehetinaneni meta tetexi mixixiyatika tuki 'aixia mi'itiarieniki.

⁷ Peru kem'ane memihiritiarie miki memitewapitianiki xepikatewawawirieka, kariki miki mekateni'uximayaka heitseriemeki».

⁸ Metatsiere Kirikiyaxi mawari wewiwamete

tiwa'aitiwame, kemitiuyi ti'utiwame Tsapani mipai katiniutahiawe: «Xapa nekaniutaxeiya 'iniari niukiyari maye'uxa Yawé tukita». Hiki Tsapani kaniyetuirieni, hiki miki 'ekateriwaka,

⁹ kaneyani ti'aitame hetsia katinitaxatiani:

—'Ahetsia miemete te'uximayatamete tumini mekaniwaye'ini Yawé tukita, meta mekaniyetuiriyarieniri te'uximayatamete memihiritiarie tuki 'aixia memukuyuruwakai.

¹⁰ Meta kemitiuyi ti'utiwame Tsapani, ti'aitame katiniutaxatiani kename mawari wewiwamete tiwa'aitiwame Kirikiyaxi xapa 'iyetuiriekai, hiki 'ana kanekateriwa hixiena.

¹¹ Hiki ti'aitame kepauka mi'eni 'iniari niukiyari, 'ana yukamixa kaneukatsana,

¹² meta mipai mawari wewiwame Kirikiyaxi katiniuta'aitiani, meta 'Akikani Tsapani nu'aya, meta 'Akuwuxi Mikahiyaxi nu'aya, meta Tsapani kemitiuyi ti'utiwame, metatsiere 'Atsahiyaxi 'ahurawa ti'uximayatsiriwame, mipai katiniwarutahiawe:

¹³ —Xekenehu Yawé xekeneta'iwawiya nehetsiemieme meta teiteri wahetsiemieme, metatsiere naime Kura kwieyari hetsiemieme, 'iki xapa mutaxeiyarie miyamire'uxaki. Yuriki Yawé kaniha'akari tahepaitsita, ta'ukiyarima memika'enu'eniki 'iki xapa kemire'uxa meta mipai memikate'uyuriki kemire'ukai meripaiti tahetsiemieme.

¹⁴ Hiki Kirikiyaxi mawari wewiwame meta 'Akikani, 'Akuwuxi, Tsapani meta 'Atsahiyaxi, miki mekanekine 'uka Kaka'yari niukameya Hurira hetsia, Kerutsareme 'aurie kiekari

hekwameki mukumakaitsie kaniukateitini. Hurira Tsaruni kani'iyayatikaitini, ti'aitame kemariteya ti'iwiyame, Tikiwa nu'aya meta Karikatsi teukarieyatiti.

¹⁵ Hurira mipai katiniwaruta'eiya: «Yawé mipai kanaineni, 'ixaheritsixi wakakaiyari: “Mipai xeketenetahiawi kemi'ane mixehetani'a,

¹⁶ kename ne Yawé mipai nehaine: 'Nekanenuni'amiki 'uximatiarika 'iki kiekaritsie meta mana kiekatari wahetsie, naime kemaine miki xapa nekaneye'atiamiki Kura kwieyaritsie ti'aitame mekateriwaxi.

¹⁷ Miki mekaneniuku'eirieni, hipame pita kakaiyarixi 'ikwa mekaniiwarutitairieni, mikiki mekaneniuyehaxiatiani yunaime yukakaiyarixiki, 'ayumieme nekaniha'aka 'iki kiekari hetsiemieme, hatsuaku nepikatihayewa.'

¹⁸ Peru Kura kwieyaritsie ti'aitame, mixeheyeni'a xeminetsita'iwawiyaki, miki mipai xeketenetahiawi, kename ne Yawé 'Ixaheri Kakaiyarieya mipai nehaine:

¹⁹ 'Waikawa pemunutuixiekaiki meta nitixaiti pemikarayuyeitiaki Yawé hixie pe'i'enieka kenemiyurieni 'iki kiekari meta teiterimama, kememite'akumaweriyarieni meta ke'axame'itiarieti memakine. Meta 'akamixa pemeukatsanaxiki meta nehixie pemitatsuaqi, ne nekamaniu'enieni. Ne Yawé mipai nekanaineni.

²⁰ 'Ayumieme, 'a'ukiyarima memakuhe nepimatsi'atiani 'aixia 'iyari. 'Eki pepikaniere 'uximatiarika kenemiti'atiani 'iki kiekaritsie' ”».

Hiki 'ana miki mekanakunuaxiani ti'aitame mipai memitehetaxatiani.

23

Tiratu kememite'uhekwariyaxi

(2Te 23:1-3, 21-23, 28-30 - 2Kem 34:29-32, 35:1, 18-19, 35:20-36:1)

¹ Hiki ti'aitame katiniwarutani'airieni yunaime 'ukirawetsixi Kura kwieyaritsie kiekatari meta Kerutsareme.

² Hiki ti'aitame kaneyani Yawé tukieya manuwe, yunaiti teiteri Kura kwieyaritsie kiekatari mekaneweyakaitini, meta Kerutsareme kiekatari, mawari wewiwamete, Kakaiyari niukametemama, yemeki yunaiti naitсарie miki kwieyaritsie kiekatari, yunaiti 'etsimemutiti meta 'amemiyumate. Hiki miki wahixie kanekateriwa naime miraye'uxa tiratu xapayaritsie mutaxeiyariekai Yawé tukita.

³ 'Arike 'aniutakeni 'ikitsarai 'aurie, hiki Yawé hixie kanihekwariya tiratu. Kaniyuyetuanu yu'iyariki kename Yawé 'ayexeiyani, meta kename heye'atiani, naime yu'iyariki, naime Kakaiyari 'aitsikateya meta yakaniutayini kename 'eye'atianikekai 'aixia 'anemeki tiratu xapayari kemireuku'uxakai. Yunaiti teiteri yaxeikia mekaniutiyuani kename yametekakine.

⁴ Hiki ti'aitame mawari wewiwame Kirikiyaxi katiniuta'aitiani, meta mawari wewiwamete hutarieka miemetexi, meta kitenie tehiwemete, mipai katiniwarutahiawe Yawé tukita meketehewayepinike naime piinite mitiyetuiyakai Wahari hetsiemieme, 'uka 'Atserá kakaiyariyari meta yunaime xurawetsixi wahetsiemieme mitiyetuiyakai. Meta katiniuta'aita mitititaiyarieniki Kiruni

kwieyaritsie Kerutsareme warie paiti, meta katiniutani'ani miki naxiyari Weteri paiti mutuiyamieki.

⁵ Yaxeikiata kaniwarutaweiya mawari wewiwamete kakaiyarixi memiwarayexeiyakai Kura kwieyaritsie te'aitamete memiwaru'uitiakai 'ikwa memutitaiyaniki kakaiyarixi mawari memaitairiyariwakaitsie, Kura kiekariteyaritsie meta Kerutsareme kiekariyaritsie, miki 'ikwa Wahari mekaniutitairiwakaitini, tau, metseri, meta yunaime xurawetsixi meta tsimanixi.

⁶ Meta ti'aitame katiniuta'aita Yawé tukieyata muwayehaiyaniki 'uka 'Atserá kakaiyarixi 'ikiyari, manukweiyani Kiruni 'akiyaritsie paiti Kerutsareme warie paiti, mana mitataiyarieniki naxi xeikia mayaniki, miki naxiyari mekaniukateuku xeime miki teukiyata.

⁷ Metatsiere kii kaniuye'una, Yawé tukieya kuraruyarita miye'ukai kakaiyarixi mewarayexeiyati yuhamatia memukahipitekai tuminiki waki, meta muwa 'ukarawetsixi 'ikari mepi'itsakai 'uka 'Atserá kakaiyariyari hetsiemieme.

⁸ Kutsiyaxi Kerutsareme kaniwa'atiani yunaime mawari wewiwamete Kura kwieyaritsie kiekatari, meta Kehewa 'itsutiaka 'atsita Weritsewa paiti me'uye'atikaime kaniti'una naime kakaiyarixi watuki hakewa miki 'ikwa memetitaiyakai. Metatsiere kanika'una kakaiyarixi mawari memaitairiyariwakaitsie kuwexinaruri Kutsuhexi kiteniena 'aurie miti'ukai, kiekari kitenie 'utata meutahanitsie 'aurie miti'aneikai.

9 Mawari wewiwamete kakaiyarixi
 mawari memaitairiyariwakaitisie
 memite'uximayakai mepikayiwawekai
 Kerutsareme memite'uximayaka mawari
 taiyame Yawé hetsiemieme, peru mepiyiwawekai
 'ikwai mipatsie memikwakaki hipame mawari
 wewiwamete wahamatia.

10 Ti'aitame tuki kaniuka'una Tupeti
 mititewakai mayeweritsie Weni-Hinuni
 mirayetewatsie miyewekai, para mana mawari
 xewiti yuniwe mika'ayeitiwaniki, 'ukitime ya
 'ukatime kakaiyari Muruki hetsiemieme.

11 Meta kawayutsixi puwarukumaweriyaxi,
 meripaiti Kura kwieyaritsie memite'uta'aitaxi
 memiwayetuakai tau kakaiyariyari hetsiemieme,
 Yawé tukieya kitenieyaritsie mema'uitiariekai,
 Natani-Mereki kiiya 'aurie, ti'uximayatame
 mitihiritiariekai paratsiyuta. Kutsiyaxi yaxeikiata
 kaniwarutitaiya kaxetate memiyetuiyakai tau
 kakaiyari hetsiemieme.

12 Yaxeikiata, kaniti'una mawari matitaiyariwa
 Kura kwieyaritsie te'aitamete 'Akatsi kiiya heima
 memitiwewiekai meta Manatsexi mitiwewiekai
 Yawé tukieya takwayari hutametsie. Miki
 kaniti'una, 'unimeyari Kiruni 'akiyaritsie
 kaneukaxirieni.

13 Meta kaniti'una mawari matitaiyariwa
 kakaiyarixi wahetsiemieme Kerutsareme warie
 tau manatineika hepatsie mutiwewiyakai,
 miki Tsarumuni 'Ixaheri kwieyaritsie ti'aitame
 kanitiwewiekaitini, 'uka 'Atsitaruti kakaiyariyari
 hetsiemieme tsiruniyutsixi wakakaiyari
 'axami'ane, meta Kemuxi muhawitsixi

wakakaiyari 'axami'ane, meta Muruki 'amunitsixi
wakakaiyari 'axami'ane.

¹⁴ Kutsiyaxi tetexi kakaiyarixiyari kaniutitara
meta kakaiyari 'uka 'Atserá kakaiyariyari
'ikiyarite, meta muwa teiteri wa'umeyari
kanitituani miki kememite'ukutetikatei.

¹⁵ Metatsiere kanika'una mawari taiyame
Weteri muwekai, meta kakaiyarixi watuki
Keruwuhani mitawewiekai Nawati nu'aya, miki
'ixaheritsixi 'axameteyuriekame muwarayeitia.
Meta kanitataiya tuki naxi xeikia kanayani, meta
'uka 'Atserá kakaiyariyari 'ikiyari kaniutataiya.

¹⁶ Hakunuakari, kanixeiya teukiyate
yemuritsie, hiki Kutsiyaxi katiniuta'aita mana
mieme 'umete memikuxeirieniki memititaiyaki
mawari taiyame hetsie 'axami'itiarieniki, mipai
mete'uyurieka Yawé niukieya mekanaye'atiani,
tewi Kakaiyari hetsia mieme kemutayikai.

¹⁷ Hiki ti'aitame mipai katiniuta'iwauni:

—¿Kemi'aneta 'iya pirateukiya?

Miki kiekaritsie kiekatari mipai
mekatenita'eiya:

—Miki kanihikitini tewi Kakaiyari hetsia mieme
Kura kwieyaritsie meyetia teukiyaya, miki ka-
tiniutaxa 'iki mawari taiyame Weteri mieme
hepaitsita 'eki hiki kepemitiuyuri.

¹⁸ Mipai kaniutayini ti'aitame:

—Kamitsi miki xekeneuhayewa, xewiti 'ume-
yarieya pikakuyuitiwani.

Mipai 'ana katiniuta'iwiyarieni miki 'umeteya
meta xewiti Kakaiyari niukameyatikai 'umeteya
hamatia Tsamariya meyeyakai.

19 Yemekì Weteri mirakutewa kemitiuyuri, Kutsiyaxi naime kakaiyarixi watukite kaniuti'una 'Ixaheri kwieyaritsie te'aitamete memitiwewiekai Tsamariya kiekariyaritsie, mikiki Yawé memuyehaxiatia.

20 'Imatirieka, mawari wewiwamete miki tukiteta memite'uximayakai kaniwarukwini miki mawari matitaiyariwa hetsie, meta miki hetsie teiteri wa'umeyarite kaniutitaiya. Hiki 'ana Kerutsareme kanakunuani.

21 Hiki meta ti'aitame teiteri mipai katiniwaruta'aitiani:

—Patsikwa 'ixiarariyari Yawé hetsiemieme xekeneuwewi takakaiyari, kemire'uxa 'iki tiratu xapayaritsie.

22 'Itsikate memite'aitakaitsie paititi 'Ixaheri kwieyaritsie, meta te'aitamete 'Ixaheri kwieyaritsie meta Kura kwieyaritsie memite'uta'aitaxitsie, Patsikwa pikawewiyawekai 'iki hepai 'aneti.

23 Peru ti'aitame Kutsiyaxi tamamata heimana 'atahaika wiyari ti'aitakaku, 'iki Patsikwa 'ixiarariyari kaniuwewiyani Kerutsareme kiekariyaritsie Yawé hetsiemieme.

24 Metatsiere, Kutsiyaxi kaniwarayeweiya memitemaiwawe meta memiteyukewaiya, meta yunaima tsaturi kaniwaruka'una meta kakaiyarixi 'axamemi'anene Kura kiekariyaritsie meta Kerutsaremetsie memuxuawekai. Mipai katiniuyurieni meye'atianiki kemainekai 'iniari niukiyari, kemire'ukai xapatsie mawari wewiwame Kirikiyaxi mitaxeitsie Yawé tukita.

25 Nixewiti ti'aitame tawari Kutsiyaxi hepai pika'iyi, nimeripaiti ni'arike, yemekì yuwairiyati

yu'iyariki puyuyetua Yawé hetsia meta naimetsie yatikamieti 'iniari niukiyaritsie Muiťsexi meka'utia.

²⁶ Tsepa Kutsiyaxi miya mitiuyuriekai, Yawé yaxeikia pikatiuhayewaxi ha'ati Kura kwieyari hepaitsita, kwiniemieme 'axamitiuyuriki Manatsexi mikiki kaniyehaxiatiakaitini.

²⁷ 'Ayumieme Yawé mipai kaniutayini: «Ne nepuwarayeweiya Kura kwieyaritsie kiekatari, 'Ixaheri kwieyaritsie kiekatari kenemiwaruyuri, Kerutsareme kiekariyari nepuku'eirieni tsepa nemenayexeyakai meta 'iki tuki, tsepa hepaitsitana mipai nemutayi: “Muwa pihikitini hakewa nemayekani”».

²⁸ Hipatita kemitiuyi Kutsiyaxi ti'aitakaku meta kemitiuyuri, miki naiti katinaka'utiarieni kemitiuyi xapayaritsie Kura kwieyaritsie te'aitamete waxapatsie.

²⁹ 'Anatiti mitiyehanetsie Parahuni Nekahu mititewakai 'Ekipitutsie miti'aitametikai, kanayeyakaitini 'Atsiriyatsie ti'aitame manukunakeki 'Eupirate hatuxameyari huyeyari'utia paiti. Hiki ti'aitame Kutsiyaxi kanayeyani hixiena kaniukeni Mekiru mirakutewatsie 'itamienike, peru Nekahu kepauka Kutsiyaxi muxei kanimieni.

³⁰ Hiki Kutsiyaxi parewiwametemama kaxarieya mekanetini xeime kaxetatsie, Mekiru me'iyetika Kerutsareme paiti mekani'atiani, hiki mana mekanikateuku teukiyatana. Hiki teiteri kiekatari Kutsiyaxi nu'aya Kuhakatsi titewakame mekananukakeni ti'aitame mayaniki yupaapa hetsiemieme.

*Kura kwieyaritsie ti'aitame kemiratia
Kuhakatsi
(2Te 23:31-34 - 2Kem 36:2-4)*

³¹ Kuhakatsi xeitewiyari heimana haika wiyari kanexeiyakaitini kepauka mitiukatsutiatsie ti'aitati, hiki Kerutsaremetsie ti'aitati haika metseri kaniuyurieni. Maamaya Kamutari pititewakai Keremiyaxi nu'aya, miki Riwina mireyetewatsie pikiekametikai.

³² Kuhakatsi Yawé kemikatinake katiniuyurieni, meripaiti 'ukiyarimama kememite'uyuri hepai.

³³ Hiki Kuhakatsi Kerutsareme mikati'aitaniki, Parahuni Nekahu kanenutahiani katsariyanata Xiwira kiekariyaritsie, Kamati kwieyaritsie, meta Kuratsie kiekatari katiniwarutawawirieni memiteyutuaniki, haika miriyari heimana haika tsienituyari (3.300) kiruyari pirata meta xeitewiyari heimana tamamata heimana haika kiruyari huru tepaiyari.

³⁴ Hiki meta 'Eriyakini Kutsiyaxi nu'aya pita ti'aitame kanayeitiani paapaya hetsiemieme, meta Kuhatsimi pita katiniteriwa. Peru Kuhakatsi kanehana 'Ekipitu paiti, mana kanemini.

³⁵ Hiki Kuhatsimi katiniuyutuanani Parahuni Nekahu hetsia pirata meta huru kepaime ma'iwawakai, perutsi yunaime miki kwieyaritsie kiekaritari puwaruwi: pitwarutawawiri yuxexuime teiteri kepaime yuxexuiti pirata meta huru memiyetuaxianikekai, miki miyetuiyaniki mirayukatuaniki Parahuni Nekahu hetsia.

Kuratsie ti'aitame kemiratia Kuhatsimi
(2Te 23:36-24:6 - 2Kem 36:5-8)

³⁶ Kuhatsimi xetewiyari heimana 'auxiwi wiyari kanihikaitini kepauka ti'aitati mitsutia, Kerutsaremetsie tamamata heimana xewi wiyari ti'aitati kaniuyurieni. Maamaya Tsewura pititewakai Perahiyaxi nu'aya Xuma kiekame.

³⁷ 'Ikita ti'aitame yaxeikia Yawé kemikatinake katiniuyurieni, kememite'uyuri meripaiti 'uki-yarimama.

24

¹ Hiki Kuhatsimi ti'aitakaku, Nawuku-runutsuxi Wawiruniya kwieyaritsie ti'aitame kaninuani kanitamieni, hiki wairiyarika katini'uximayatsiriekaitini haika wiyari, hiki 'arike 'eye'unieti kanayani.

² Hiki 'ayumieme Yawé kaniwareni'ani Kuhatsimi hetsia kuyaxi tenawayamete wawiruniyutsixi, tsiriyutsixi, muhawitsixi, 'amunitsixi. Kaniwareni'ani Kura kwieyaritsie mana naime memite'akuxitianiki, Kakaiyari niukametemama kememutiyua Yawé yahainekaku.

³ Mipai mekatenu'uximatiarieni Kura kwieyaritsie kiekatari Yawé yatiuta'aitaku, mipai mitiwarayeweyaki teiteri hixiena memika'u'uaniki Manatsexi ke'axamitiuyuri naimeki,

⁴ meta yumireme muwarukwiki teiteri 'atsimekateyuriekame Kerutsareme kiekariyari xuriyaki mutahiniyaxiki. 'Ayumieme Yawé pikatiwareuehiwiri.

⁵ Hipatita kemitiuyi Kuhatsimi ti'aitakaku meta naima kemitiuyuri, katinaka'utiarieni kemitiuyi xapayaritsie Kura kwieyaritsie te'aitamete waxapatsie.

⁶ Kuhatsimi kaniumini, hetsiena mieme nu'aya Kuhakini kanitsutiani ti'aitati.

⁷ 'Ekipitu kwieyaritsie ti'aitame tawariri pikahayetia xeime kwieyaritsie yukuyaxima wahamatia, Wawiruniya kwieyaritsie ti'aitame naitiri mitipinieyatikaiki, 'Ekipitu 'akiyaritsie tsutiti 'atsita 'Eupirate hatuxameyaritsie paiti ye'atikaiti.

*Kura kwieyaritsie ti'aitame kemiratia Kuhakini
(2Te 24:8-17 - 2Kem 36:9-10)*

⁸ Kuhakini tamamata heimana 'atahaika wiyari kanexeiyakaitini kepauka mitsutiatsie ti'aitati, Kerutsaremetisie haika metseri kaniuyurieni ti'aitati. Maamaya Nekutsita katinitewakaitini 'Erinatani nu'aya Kerutsareme kiekame.

⁹ Kuhakini Yawé kemikatinake katiniuyurieni, yaxeikia paapaya kemitiuyuriekai.

¹⁰ Miki tukaritsie, Nawukurunutsuxi Wawiruniya kwieyaritsie ti'aitame kuyaximama, Kerutsareme mekaniu'axiani kiekari warita mekanayaxetikine.

¹¹ Kepaukari kiekari warita memetetikatei, Nawukurunutsuxi Wawiruniya kwieyaritsie ti'aitame mana kaninuani miki kiekari makuma.

¹² Hiki Kuhakini Kura kwieyaritsie ti'aitame kaniyuyetuan, meta warutsieya, meta 'iparewi-wametemama, kuyaximama tewa'aitiwamete meta hipati te'i'uximayatsiriwamete. 'Atahaika

wiyari ti'aitati, Wawiruniya kwieyaritsie ti'aitame Kuhakini kaniuwiya.

¹³ Yawé kemutayikai, Nawukurunutsuxi naimé tukita timieme piinite miraye'atika katinetini meta paratsiyuta timieme, naimé metetitarati piinite huruki mitiwewiyatikatei 'Ixaheri kwieyaritsie ti'aitame Tsarumuni mitiuti'aitakai tukita timieme mirayaniki.

¹⁴ Metatsiere Kerutsareme kaniwayehapani: kuyaxi tewa'aitiwamete meta kuyaxi memikamama meta teiteri tinaimé memitewewiwawe meta tepiaki tewewiwamete, meyunaiti mepuyupaimekai tamamata miriyari teiteri. Miki kiekaritsie xeikia mepuyuhayewaxi teiteri tixaiti memikateheuxeiya.

¹⁵ Nawukurunutsuxi kaniwarehapani Wawiruniya paiti Kerutsareme wayehapaka ti'aitame Kuhakini, ti'aitame maamaya, ti'aitame 'itamama, meta 'iparewiwamete meta teiteri memixikutsixitikai waikawa memiteparewiekai miki kwieyaritsie.

¹⁶ Metatsiere yunaimé kuyaxi memeuyutak-wiwame kaniwarehapani 'atahuta miriyari memiyupaimekai, meta xeimiriyari teiteri tinaimé memitewewiwawe meta tepiaki tewewiwamete, miki yunaiti kuyaxi 'aixia mepi'anenekai. Miki Wawiruniyatsie ti'aitame kaniwarehapani Wawiruniya paiti.

¹⁷ Meta Wawiruniya kwieyaritsie ti'aitame, Mataniyaxi pita ti'aitame kanayeitiani, Kuhakini hetsiemieme miki mitatatsieyatikaiki paapaya mumutayatikai, meta 'ana Tserekiyaxi pita katiniteriwa.

Kuratsie ti'aitame kemiratia Tserekiyaxi
(2Te 24:18-20 - 2Kem 36:11-16, Ker 52:1-3)

¹⁸ Tserekiyaxi xeitewiyari heimana xewi wiyari kanexeiyakaitini kepauka mitsutiatsie ti'aitati, Kerutsaremetsie tamamata heimana xewi wiyari katiniuta'aita. Maamaya Kamutari pititewakai Keremiyaxi nu'aya, Riwina kiekame.

¹⁹ Yaxeikia Kuhatsimi hepai, Tserekiyaxi Yawé kemikatinake katiniuyurieni,

²⁰ 'ayumieme Yawé waikawa kaniuyeha'ani Kerutsareme meta Kura wahepaitsita, 'ayumieme kaniwarayeweiya hixiena memika'u'uwani.

25

Kerutsereme kemitiuka'unarie
(2Te 25:1-26 - Ker 39:1-10, 40:7-9, 41:1-3, 16-18, 52:4-27, 2Kem 36:17-20)

Merikitsi Tserekiyaxi, Wawiruniya kwieyaritsie ti'aitame 'aye'unieti kanayani.

¹ Hiki Tserekiyaxi 'atanaurieka wiyaritsie ti'aitakaku, tamamata metseritsie meta tamamata tukaritsie, Nawukurunutsuxi Wawiruniya kwieyaritsie ti'aitame, kanayeyani yunaime yukuyaxima warawititi, hiki Kerutsareme kiekariyari makuma mekaniu'axiani. Hiki kiekari hixie mekanitiyaxe meta waritana mekanayaxetikine.

² 'Akuxi kuyaxi kiekari warie mekanatetikaitini tamamata heimana xewi wiyari ti'aitakaku Tserekiyaxi.

³ Naurieka metseritsie meta 'atanauka tukari 'aye'aku, 'anari tinaime yu'ikwaite mekateniuxini

miki kiekaritsie, pitiumawekairi 'ikwai teiteri wahetsiemieme.

⁴ Hiki kuraru 'amatayewa kiekaritsie makatei mekaneu'inieni tsepaneti wawiruniyutsixi memuwaratinakai, hiki miki tikaritsie yunaiti kuyaxi mekaniuyuta'una xeime 'ituparitsie mekaneuyehaxiani kuraru 'ayehutametsie meuyexawakai, paratsiyu haraweriyaya witsimitiuye'ane 'aurie. Hiki mekaniyuta'una 'Arawa huyeyari 'utia,

⁵ peru kuyaxi wawiruniyutsixi Tserekiyaxi mekananukuweiya, mekanenuku'axe Keriku paiti makuweritsie. Kuyaximama mekaniku'eirieni mekaniyuta'unaxiani,

⁶ mana wawiruniyutsixi mekaniwiya. Hiki mekaneihana Wawiruniya kwieyaritsie ti'aitame hetsia, Xiwira mirakutewatsie mukatei, mana miki yakaniutayini Tserekiyaxi kemiranuyeyanikekai.

⁷ Mana hixiena niwemama mekananutixitekiexiani, meta miki hixiteya mekaniwatitikixiani, hiki wurunitse karenayariki me'iwiwitiaka mekaneihana Wawiruniya paiti.

⁸ Kuyaxi tiwa'aitiwame Nawutsararani Wawiruniya kiekame, kaninuani Kerutsareme, 'auxiwime metseritsie 'atahuta tukaritsie, tamamata heimana 'atanauka wiyari ti'aitakaku Nawukurunutsuxi Wawiruniyutsie ti'aitame,

⁹ hiki mana nuaka Yawé tukieya kaniutataiya meta paratsiyu, metatsiere naime hipame kiite waikawa mitiyunaki'eriekai meta hipame naime kiite Kerutsareme mieme.

¹⁰ Hiki kuyaxi wawiruniyutsixi tiwa'aitiwame

tiwa'aitiakaku kiekari kuraruyari meka-niuka'una, kiekari warie makatei.

¹¹ Nawutsararani teiteri kaniwarehapani memuyuhayewatiwekai miki kiekaritsie, meta meripaiti Wawiruniya kwieyaritsie ti'aitame memutinikai.

¹² Matsi kaniwaruhayewa teiteri yemeki tixaiti memikateheuxeiya kaxie haraweriyari mana muxuawekai meta 'etsarite memihikaki.

¹³ Metatsiere kuyaxi wawiruniyutsixi tuxiyu wurunitse tepiyariki muwewiyatikatei, tuki hixie miti'ukai mekaniutitara meta wurunitse kaxetayarite metatsiere wurunitse katsuyari 'emiyewa haa mayemakai Yawé tukieya hixie mitikupikai, miki naime wurunitse mekanetini Wawiruniya paiti.

¹⁴ Meta mekatenetini xarite, kutsara 'amupapa naxi tutuwemete, kimemete meta xakirite, meta hipame piinite naime wurunitseki mitiwewiyatika.

¹⁵ Metatsiere, kuyaxi tiwa'aitiwame yuhetsiemieme katinayeitiani piinite 'ikwa taiyamete meta watsute 'aminene huruki meta pirataki mitiwewiyatika.

¹⁶ Wurunitse tuxiyuyari tuki hixie miti'ukai, katsu 'emiyewa haa mayemakai meta wurunitse kaxetayarite Tsarumuni mitiuti'aitakai Yawé tukita timieme, miki wurunitse piwaikawakai kepaimeti kiruyari mihikitikai pikayu'iniatsiniakai.

¹⁷ Xexuiti tuxiyu 'atahaika meturuyari putikai. Tuxiyu wapaiti menyatsatikatei wurunitseki muwewiyatikatei xeimeturuyari 'imeriyu

putitikai, meta herie wipi mikawerani hepai pitiyuxexeiyakai metatsiere penukuyatsatikatei kiranara manitsana hepai mi'anene wurunitseki wewiyatikaime. Miki tuxiyu muhutakai yaxeikia pirekuwewiyatikatei.

¹⁸ Kuyaxi tiwa'aitiwame manuyeka kaniwarutiwiya, Tserahiyaxi mawari wewiwamete tiwa'aitiwame meta 'iparewiwame Tsupuniyaxi, meta yuhaikame tuki kitenie tehiwemete.

¹⁹ Meta memiyuhayewatiwekai kiekaritsie kaniwarutiwiya: kuyaxi mihiritiariiekai, meta yu'auxiwime ti'aitame parewiwametemama, meta kemitiuyi ti'utiwame kuyaxi wahetsiemieme mihiritiariiekai miwarukuxexeiriwaniki, metatsiere haika tewiyari teiteri kiekaritari mana 'akuxi memiyuhayewatiwekai.

²⁰ Hiki warutiwiwaka Nawutsararani kuyaxi tiwa'aitiwame, kaniwarehapani Wawiruniya kwieyaritsie ti'aitame hetsia, miki Xiwira rakutewakaku mukatei.

²¹ Mana Kamati kwieyaritsie, Wawiruniya kwieyaritsie ti'aitame katiniuta'aita memikwi'iwaki.

Mipai mekatenuikumaweriyarieni Kura kwieyaritsie kiekatari, hipati xeime kwieyaritsie mekanehapanieni.

²² Nawukurunutsuxi Wawiruniya kwieyaritsie ti'aitame, Kerariyaxi 'Akikani nu'aya Tsapani teukarieya kananukakeni kuwexinaruri mihikitiniki, teiteri memuyuhayewaxi wahetsiemieme Kura kwieyaritsie.

23 Kepauka kuyaxi tewa'aitiwamete Kuratsie kiekatari memitehetima meta wakuyaxima, kename Wawiruniya kwieyaritsie ti'aitame Kerariyaxi 'anukakekai kuwexinaruri mihikitiniki, 'ayumieme hetsiana mekanekine Mitsipa paiti. Kuyaxi tewa'aitiwamete mekaniyakaitini metetetewati: 'Itsimaheri Netaniyaxi nu'aya, meta Kuhanahani Kareya nu'aya, Tserahiyaxi Tanikumeti nu'aya Netupatanaka, meta Katsaniyaxi Mahaka kiekame nu'aya.

24 Kerariyaxi mipai katiniwarutahiawe miki kuyaxi tewa'aitiwamete meta wakuyaxima: «Xepikawamakarika wawiruniyutsixi ti'aitame parewiwametemama. Xika xeme 'iki kwieyaritsie xeyuhayewani, xika yaxetekahuni Wawiruniya kwieyaritsie ti'aitame kemaineni, ne mipai nepaine 'ana 'aixia 'iyari xepu'uwani».

25 Peru 'atahuta metseriyari 'anukayaku 'Itsimaheri Netaniyaxi nu'aya 'Eritsama teukarieya, miki te'aitamete wanuiwaritsie mumiemetikai, kaneyani tamamata teiteri wara'inieti, hiki Kerariyaxi mekaniumieni, meta mekaniiwarukwini Kura teiteriyari meta wawiruniyutsixi memiparewiekai Mitsipa memukutekai hamatiana.

26 Hiki miya mete'uyurieka, yunaiti mekaniyuta'una 'Ekipitu kwieyaritsie paiti, temari meta 'ukirawetsixi yunaiti meta kuyaxi tewa'aitiwamete, wawiruniyutsixi mewamakati.

*Ti'aitame Kuhakini kemitiuxinarie
(2Te 25:27-30 - Ker 52:31-34)*

27 Merikitsi tamamata heimana huta metseriyaritsie xeitewiyari heimana 'atahuta tukaritsie, Kura kwieyaritsie ti'aitame Kuhakini xeitewiyari heimana tamamata heimana 'atahuta wiyari yuriekaku Wawiruniya kwieyaritsie, kanenayexina 'Ewiri-Meruraki Wawiruniyatsie ti'aitame yumatari wiyaritsie ti'aitati.

28 Hiki 'aixia tixeiyati kanayani, meta te'aitamete waheima pikake hamatiana mana memu'uwakai Wawiruniya kiekariyaritsie.

29 Kuhakini piretsu kamixateyari katiniuku'eirieni, mana mitiyehane ti'aitame mexayatsie tiutikwa'ati kanayani.

30 Metatsiere, Kuhakini kepaimexia wiyari 'amuyeikakai, Wawiruniyatsie ti'aitame tumini kaniku'itiwakaitini mitiyunanairiekaki ketita mireuyehiakai.

**KAKAFYARI NIUKIEYA XAPAYARI
WIXARIKAKI**

**The Holy Bible in the in Huichol language of Mexico,
2020 edition**

**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3